

詩
持
二
集
上



閩中魏惟度先生評選

詩持二集

枕江堂藏板

詩持自序

閩中魏 憲惟度撰



經有六而詩其一。竊聞之詩者持也。非徒於長林豐草間自為吟咏已也。上自帝王治道之鉅。下及民生日用之細。以至閨房贈答。友朋宴享。無不備載。自吾夫子刪定以來。二南表江漢之化。鄭衛刺溱洧之風。美惡互觀。貞淫各見。將使天下後世之人。博徵廣覽。以察其旨之所存。庶幾以草野旌別之微。權補廟廊彰瘴之所不及。

詩之爲經。其與書禮大易春秋。默相維持。固自有深焉者也。三百篇變而離騷。澤畔孤臣。抒爲長句。餐蘭佩芷。山鬼佳人。一篇之中。三致意焉。離騷變而樂府。芳樹白楊。朱鷺黃鵠。洋洋灑灑。至漢魏六朝。名士比肩。昭明文選。一樓竝峙。天壤何其大小同聲。上下畢協。從古及今。如出一轍也。數傳而唐。以詩取士。縉紳大夫。以迨方外。暨夫閨秀。無不知詩。而沈宋王孟李杜錢劉諸君子。時爲大曆。爲長慶。爲西崑。體屢變而義不

殊。風遞降而情若一。熟讀全唐。揣摩其故。庶幾得之。明興一洗。宋元積習。如日月經天。照耀四表。青田長沙。北地信陽。歷下竟陵。諸派變而愈盛。要必歸于三百篇之旨。所謂感者足興。聞者足戒。未嘗不折衷于孔氏。以維持之也。今

天子臨軒詔賦。羣工百職事。拜手賡揚。以至畝畝伏處之士。靡不家握靈蛇。人懷荆璧。以鼓吹一時。然不得其人。以持之。則散得其人矣。而見有異同。體有純駁。則雜雜則爭。爭則漸而之衰。

故今日之正笏而談者。有若栢鄉、高陽、合肥、樂下、梅邨、荔裳、愚山、阮亭、黃石、綠厓、諸君子。靡不崇尚風雅。相爲倡和。上接明良喜起之歌。而吾黨有心之士。抱鼓鐘以和者。今不下數十輩。罔不滌蕩繁靡。敦培忠厚。軌於正始。以佐高深。故余是集之選。總其名曰持者。蓋將持之于其盛也。持之於其盛而逆。有以振其衰也。其于名教風尚之間。不能無窺管之譏。杞憂之誦矣。然知之而故爲之者。何也。蓋余于是集也。其體裁必

正。其丰格必高。其性情必深。其意旨必婉。其諷誠必微。其典實必確。其繚繞於筆端。逗露於言外者。必透迤而清峭。庶幾可以告無罪於天下焉。若夫世道之醇薄。人心之邪正。則惟賴在上諸君子。崇經學。育人才。有以倡起而持之。非愚之所敢知也。



凡例

余選詩持自甲子至丙戌爲一集。丁亥至今日
爲一集。每得佳稿必鄭重評騭。次第梓傳。獨
不敢輕用徵文。蓋近日徵詩成套。初無選刻
實意。不過借此作納交之資。卽有刻者亦屬
情面不甚懸。諸國門共相欣賞。余甚耻之。故
不憚悉力博採。必不敢虛詞相欺。

昭代風雅。遠軼三唐。豈容妄置高下。但地有遠
近。郵筒不能速至。詩有多寡。編次難于概就。

故必以得詩之遲速爲登選之後先。間有弟
居兄前。師列徒後者。皆檢點之所不及也。
廊廟山林。體分固殊。語以風雅。初無差別。但縉
紳諸公。已成之名。不難遠播。草野隱淪。畢世
沉吟。或艱于剞劂。或窘于舟車。至有湮沒名
山。骯髒以老者。余甚爲之扼腕。故是集所鐫。
無分出處。亦愛才之念。不覺其自至焉耳。
邇來選詩。多表章同時。已赴玉樓之召。終淹石
室之藏。故是集所登。不問存沒。一以佳篇爲
主。凡我同人。有慈孝至情。生死交誼者。勿靳
遺草。悉付拔尤。

近代選本。多不列僧詩。泥于東坡蔬筍氣之說。
不知詩以性情爲主。僧之性情。與世之性情
不同。昔人嘗言之。况近來佳士。不得志于舉
業者。悉寄跡空門。故予選方外之詩。十居其
一。然必以風雅爲程。如潛心內典。爲頌爲偈
者。別有宗旨。不敢強入。

是選名宿。皆萬里神交。未謀一面。間有先世故

言持二集
人平生知己亦必酌于寸心之可否以質乎。當代之是非倘不吝鴻章下詢芻蕘必須全稿見貽以便決擇蓋人心如面彼去我取各有不同豈能一視若所惠教僅寥寥一二篇又多投贈祝輓之詞絕非得意者悉置高閣。

濟南竟陵日相操戈殊屬無謂夫詩本性情性情所近豈能相強故余是選必卽其人之所長而折取之不敢以管窺之見強人從我至于腐者必刪怪者必黜不過軌于正始之音以求其必傳而止元輕白俗郊寒島瘦又何事紛紛乎。

是選始自都門成于白下車馬勞人倉卒之間自有遺珠如吳之沈眉生顧修遠顧茂倫張友鴻越之陸梯霞范文白毛馳黃徐野君楚之李雲田譚擬陶豫章之萬茂先曾青藜秦之李叔則韓聖秋晉之魏斗仲韓雨公豫之侯朝宗燕之梁公狄齊魯之王鶴潭姜如須

滇黔之台九峰沈石友粵之郭菽子蜀之劉浣松吾閩之李元仲崔五竺徐器之彭爾仁許同玉高雲客羅石夫陳子槃林丹夫何曉仲皆風雅宗工夙昔所企慕者山川阻修無從得其傳稿卽偶記誦一二章亦非全璧尚圖博搜以傳

詞壇鼓吹今日極盛余得讀其全集者必載于姓氏之下若未得其全集曾于某選本得見者亦註諸簡端以便攷訂至若友人口誦及扇頭單條上抄錄者不便贅敘

風雅雖由性情尤關學問每見友人之詩近作必勝于前少陵所云晚節漸于詩律細非虛語也倘全集中未及盡登或集外續錄見貽者仍于其人姓氏之下註再見三見等字庶便於稽查氏里則不復贅

枕江堂主人魏 憲惟度書

詩持二集登選氏里

以得詩之先後為次

張文光

譙明

開封

顧夢游

與治

江寧

徐燭

典公

閩縣

周亮工

元亮

開封

張遺

瑤星

江寧

龔鼎孳

孝升

廬江

吳偉業

駿公

太倉

張琪

興公

江寧

閻世科

踏礎

淮陰

林奎

子埜

侯官

魏喬介

石生

栢鄉

陳寶鑰

綠厓

晉江

林佳璣

衡者

莆田

姚子莊

六康

歸善

姚文焱

彥昭

龍眠

王猷定

于一

南昌

陸圻

景宜

錢塘

李贊元

匡侯

漳州

法若真

黃石

膠州

蕭震

鳴寔

侯官

錢升

日菴

順天

龔賢

野遺

崑山

程康莊

坦如

武鄉

韓昌

經正

北平

陳肇曾

昌箕

福州

許秘

天玉

侯官

釋大均

一靈

羅浮

釋淨宗

休菴

閩縣

戴胤夔

九韶

宜興

曹溶

秋岳

秀水

李霽

景喬

高陽

林古度

茂之

福唐

宋琬

玉叔

萊陽

施閏章

愚山

宛陵

張惣

僧持

江寧

房天駟

大生

江寧

吳綺

蘭次

江都

張一鶴

友鴻

華亭

郭鼎京

去問

福唐

釋僧殘

石谿

楚人

釋大寧

石潮

龍眠

釋興球

子林

閩人

王庭

言遠

樵李

王士禛

貽上

新城

姜圖南

滙思

仁和

嚴沆

子餐

餘杭

胡介

彥遠

錢塘

申涵光

和孟

廣平

盧士厚

葵度

廬江

黃居中

明立

晉江

魏裔魯

竟甫

栢鄉

佟國器

滙白

襄平

方文爾止皖桐洪理順爾章龍溪

吳湛燕斯商山羅光忻庚齋南昌

王仕雲望如江寧鄧士傑萬子江寧

釋智豁弘鑑句容汪起鳳來儀休寧

范雲鴻天翮會稽朱璆遠公錢塘

翁白未青福唐王相業子亮關中

陳開虞大亨富平周體觀伯衡遵化

楊兆傑又仁江夏黎士弘媿曾長汀

杜濬于皇黃岡嚴我斯就斯湖州

余懷澹心莆田魏天申宜仲莆田

陶學琦汾儒秀水龔翰文思崑山

湯聘旌三溧水杜濬子濂濱州

吳學炯星若南城胡澂靜夫江寧

曾燦垣惟闇閩縣釋行謙劍門昭陽

釋超鐸魯菴永嘉楊思聖猶龍鉅鹿

陳台孫階六山陽鄧廷羅偶樵濠梁

程可則周量南海馬光啓玉霽虞州

錢陸燦湘靈無錫尤侗展成長洲

陳鴻

叔度

侯官

蔡祖庚

抑菴

鍾山

魏學渠

子存

嘉善

許友

有介

侯官

戴王縉

紳黃

滄州

董文驥

玉虬

武進

蕭松齡

木公

靖江

高兆

雲客

侯官

丁澎

飛濤

仁和

羅孚尹

瑕公

上元

鄧焮

木上

吳門

吳珊

鄞展

江寧

趙島

浪仙

南昌

費經虞

江

成都

杜澹

再見

吳樹聲

周旌

祿門

紀映鍾

伯紫

江寧

陳菁

幼木

江寧

汪楫

舟次

白嶽

熊伯龍

次侯

漢陽

陳瑚

確菴

太倉

徐芳

拙菴

南城

楊端本

樹滋

陝西

劉景榮

仁侯

廣寧

吳調鼎

枚臣

江寧

王猷定

再見

釋大依

南菴

莆田

林之蕃

孔碩

閩縣

林氏

閩人

林奎

再見

吳嘉紀

賓賢

海陵

周在浚

雪客

開封

曹胤昌

石霞

麻城

何采

濮源

桐城

彭廷佐

枚望

南州

曹申吉

錫餘

安丘

周茂源 宿來 華亭 王廣心 伊人 華亭

汪起龍 御公 六合 史大成 及超 鄆縣

宗元鼎 定九 廣陵 費密 此度 成都

林古度 見再 陳寶鑰 見再

董師吉 德容 閩縣 陳開虞 見再

吳調元 雨蒼 江寧 吳百朋 錦雯 錢塘

周斯盛 十人 鄞縣 釋函可 祖心 廣東

徐延壽 存永 閩縣 林勉 伯奮 閩縣

王仕雲 見再 王國璽 海印 侯官

楊岱 東子 成都 胡虞賓 逸菴 蕪湖

謝天樞 星源 侯官 梁化鳳 翀霄 長安

汪琬 茗文 長洲 張以同 異卿 興國

陳允衡 伯璣 南州 林瑀客 元之 閩縣

李明罄 山顏 秀水 郭景暎 指五 三韓

毛鳴岐 文山 福清 侯世灌 晉水 閩漳

釋大健 蒲菴 和州 釋性枝 徹融 侯官

釋明暹 西圃 蘄州 朱履泰 仲安 震澤

張芳 菊人 句容 曾畹 庭聞 寧夏

馮雲驤 訥生 山西

張異卿 再見

孔自來 伯靡 江陵

林徵材 魯生 連江

王崇簡 敬哉 宛平

陳開虞 三見

羅世珍 以獻 漢陽

釋典正 雪山 湘江

王鉉 澹石 歙縣

陳維國 坦山 武陵

孫爾玘 嗣孔 富平

謝銓 傅公 甌寧

陳常夏 鐵山 閩靖

徐一經 履常 江陵

魏麟徵 蒼巖 溧陽

陸漾波 漢東 韓江

陳希友 孝兼 長樂

葉闇 隱僧 吳門

高佑鈿 念祖 秀水

黃文煥 坤五 永福

程瑞 輯玉 歙縣

高宗礪 介公 梁山

吳肯惠 不官 吳縣

孫廷鐸 道宣 孝水

王之美 尊五 閩靖

釋宗元 掃葉 維揚

沈希堯 子寧 吳門

陳銓 克簡 閩縣

李楷 叔則 關中

沈希穎 子清 吳門

周亮工 再見

趙進美 韞退 益都

梁清標 玉立 真定

法若真 再見

陳寶鑰 三見

白夢儼 仲調 江寧

陶碧

石公

晉江

張畱

桐臣

閩縣

黃虞稷

俞邵

晉江

張階

平子

閩縣

陳冠

昌元

侯官

羅文璧

邃子

仁和

楊臣諍

古度

桐城

侯胤楫

搏夫

閩漳

朱尚雲

槐里

莆田

姜梗

鐵夫

會稽

羅孚尹

再見

方從偉

卓人

新安

李如汾

中淵

高陽

徐英

升伯

南城

張惣

再見

方從傑

仲英

新安

袁綰

漢推

杭州

謝洪運

恢天

富平

王潢

元倬

江寧

孫枝蔚

豹人

二原

徐士俊

野君

仁和

王晬

丹麓

仁和

孫默

無言

休寧

葉灼棠

函公

蘇州

張翼

豫章

雲間

周和溥

仲宣

寧鄉

蔡歷

龍文

江左

顧昌

東山

天台

鄭之良

良臣

莆田

鄭熾新

伯煥

閩縣

黃羽定

曼定

高淳

沈希孟

子遷

吳門

林方飈

秋岩

閩縣

陳寶鑰

四見

程封

伯建

江夏

謝銓

再見

張 霍 亦衡 閩縣 夏之符 玄伯 當塗

程康莊 再見 葉自本 亨立 武安

鄭 梁 梅龕 莆田 釋旻鼎 鉉耳 福州

附徵言

是選一集。向刻於家。皆甲子以後詩。意在總。六十年風雅為一代全書。緣閩多兵燹。且僻處一隅。未得遍搜。名稿故行世甚少。茲謀新增是集。兼訂三集。次第出質。大方。凡我

同人。有先世遺篇。平生枕秘。統祈全集。郵教共襄千秋盛業。幸甚。

雨峰居士魏 憲惟度拜書

時寓白下之清涼山一拂祠



詩持二集總錄 終

總錄

枕江堂

詩持二集目錄

卷之一

張文光 譙明 十四首

顧夢遊 興治 十首

徐 勣 典公 十三首

周亮工 元亮 三十四首

張 遺 瑤星 十六首

龔鼎孳 孝升 三十一首

吳偉業 駿公 二十首

張琪 典公 七首

閻世科 躡礎 一首

林奎 子埜 一首

詩持二集目錄 卷之一終

詩持二集 卷之一

古閩魏 憲惟度評選

同里翁 白未青叅閱

張文光 譙明 開封人所著有斗齋全集

望泰山

灑氣吞宇宙。巍巍表神化。厥勢儼朝東。層巒徐
退舍。乃知帝王尊。兒孫視雄霸。驅車過山麓。陰
風連晝夜。僵仆凜高寒。山意虛相迓。細路蛇盤
旋。傾崖猿上下。矯首十六盤。終當振煙駕。

朝來山色青。薄暮山色紫。自然生靈秀。未嘗競
奇詭。雷電纏山腰。日月出山趾。氣象鬱磅礴。豈
其遊觀美。七十有二代。敬展東封禮。五嶽非不
尊。胡爲宗泰峙。十字。另作一贊。體元羣帝先。出震萬物始。下士
若鹽雞。焉能識神理。

二作氣雄力厚非
泰岱不足以當

題藍田叔山水引

滄浪論詩論。以禪顛旭書法書。以醉作者若能
會此意。萬水千山入三昧。晉唐山水猶未工。自

宋至元變不窮。我愛董苑能脫俗。直將墨妙開
洪濛。大家手眼皆自出。筆法逾老蹊。徑空營丘
那肯述。荆浩范寬渾不似。關仝後來清遠黃公
望。層巖密樹推王蒙。雲林老迂更簡貴。一洗筆
墨存古風。虎林高人藍田叔。天爲胸次日爲目。
作畫無師師造化。不拘區區尺與幅。尺幅山水
亦自奇。真水真山堪並之。洞庭彭澤波浩渺。東
岱西嶽峯天矯。黃海雲生石筍根。赤城霞湧喬
松杪。武夷曲水引仙舟。蛾眉古雪迷飛鳥。以山

貌山山絕倫。以水貌水。水有神。老氣奇情自作。
古不與前人爲後身。夜半空庭明月走。忽然風
雨蛟龍吼。精靈光怪驚人死。仔細摩娑何所有。
始知絕技不等閒。傳神惟在阿堵間。祇恐仙筆
騰空去。天下山水都無顏。

光怪陸離
不可恍惚

贈程箕山畫松篇

天下千松萬松樹。不貴畫形貴畫意。意匠若非
超筆先。日日畫松無松致。程君落筆不等閒。腕

下光怪難逼視。尺素縮成具茨山。鐵榦霜枝任
位置。我來不敢草草觀。坐臥十日。渾忘寐。老根
迸露欲飛空。偃蓋橫斜時拂地。陰雲疑有蛟螭
盤。白晝常驚風雨至。昔有張璪善畫松。片時雙
管榮枯備。猶謂古人非吾師。自作古人方滿志。
近見御筆喬松圖。不比前朝舊大夫。其下翠濤
若有聲。遠聽謾謾近。卽無天縱繪事有神理。老
鶴瞥空蒼龍呼。始信間氣鍾宸藻。波及程君松
併好。畫松不畫皮與膚。但畫氣勢奇而老。從此

天下無真松。徂徠龍鱗拜下風。翻愁一夕雷電作。百靈攝松入寥廓。

摹畫入神氣勢
在杜陵北地間

八駿行

吾愛高人王東土。慘澹經營欲摹古。曹韓以下李龍眠。其餘區區不足許。吮毫不苟細若絲。得意何妨疾如雨。古來名馬盛於唐。文皇玄宗並豪舉。金粟堆邊沙苑傍。超忽猶能追步武。龍行天矯追飛電。厥狀都與凡馬殊。中間一匹獅子

花昂昂獨出空。儔伍妙手入神尤。可觀烏巾袒袂臨河干。垂柳陰濃帶清淺。平蕪烟翠連沙灘。風毛細刷亦瀟灑。霜蹄幾蹴迴波瀾。道人愛駿不愛馬。千羣空逐荒山下。龍媒驚走九方臯。若滅若沒君難寫。

雨後寶珠寺

谿山藏宿雨。烟日映空青。幢影倚寥廓。松聲動杳冥。攸然同鹿豕。不盡是鴻溟。薄暮空臺上。江流天外聽。

全首孟襄陽

謝莊

亂水桃源路。疎籬日影斜。崖花無歲月。人語帶烟霞。地僻雲偏厚。機忘鳥不譁。悠然近太古。早晚欲移家。

一幅桃源圖

懷季天中

慷慨陳書叩九關。遐方謫去總君恩。千林落照違雲闕。一路深秋出海門。未解綈袍終是恨。卽修尺素竟何言。殷勤爲祝長安月。好帶相思過塞垣。

温厚真摯

湖雨登昆盧閣示僧

辰鐘疑有老龍聽。巖壑陰陰聚百靈。雲捲浪紋微帶綠。雨蒸山氣不分青。瞿曇古刹金輪繡。神禹荒祠鐵鎖腥。蓮社花開容我否。好將明月對清泠。

送陳公朗山左分轄

河橋酌酒不成醺。送客天涯路漸分。幾處寒烟迷遠夢。一春好鳥惜離羣。桃花水漲幽燕月。楊柳風吹海岱雲。遙望東峰看咫尺。紫微光氣動

星文。

虛亭晚眺

返照在歸鳥。飛飛下遠天。漁家隔黃葉。一棹載

寒烟。

空翠林

山氣入林深。朝暮無定色。葉落鳥不飛。似與人

相識。

白雲洞

振衣千仞出。器塵便是桃花洞。口身若道洞中

能避世。白雲早已避遊人。

雨中宿虎丘僧閣

越吟猶自在。姑蘇山雨吹簫夜。色孤無數青楓

江兩岸。春風三月老蘼蕪。

顧夢游

與治

江寧人宣城施愚山刻其遺詩八卷

焦山紀遊

巾車駕言邁。烟艸鬱秋原。欲往心數止。雨氣來

前村。入舟漸清霽。日色明山根。了了見古寺。臺

殿松杉門。直上轉蒼翠。雲英猶吐吞。遂振所攜

策登高若騰騫。目領神已越。况得攀與捫。海色遠。
萬里至江聲。亦何喧籬花。與客笑老僧。淡無言。
于焉永年歲。眺聽無朝昏。俯視芸芸內。日月空。
崩奔歎息下東嶺。撲面金波翻。憇石餞落景。濯
足臨潺湲。何能謝塵累。聊可清夢魂。

喜黃若木楊龍友徐巢友過飲竟日

秋氣閏益佳。晨興覺陰涼。微雨颯然止。高雲散
晴光。幽獨念儔侶。疎簾竚遙望。果來文酒客。粲
粲星一堂。初擬出郭步。幽林與崇岡。談深愛促

膝。乃爲遊屐妨。近臺聊一登。還歸坐閒房。貧家
何所有。草草出壺觴。雖無絲竹音。篇籍含古香。
浩歌靜不發。清論聲琅琅。流盼循四座。衆懷靡
不康。深衷忽以動。懽中自廻腸。黃子官闕海。楊
子買泖航。徐子五岳身。烟雲遲高翔。雪鴻偶留
趾。矯翮行各颺。海天何浩浩。來會殊茫茫。心知
今日燕。異日黯不忘。及此飲不痛。旣別寧復違。
呼童益清醕。良宵幸未央。

采蓮曲

江南女兒弄江水。照見如花。在江底。不隨簫鼓
競中流。輕橈蕩入香風裏。香風拂拂。別爲天荷
葉。荷花隱畫船。瞥見誰家游冶女。相逢同是弄
珠還。船邊山色青於沐。山下鴛鴦映花宿。就船
折得並頭枝。一時女伴皆回目。折花心事對花
癡。落日臨風欲有遺。蕩子不歸花在手。苦心空
自引長絲。

竹醉日移竹歌

羲車赤午鞭不動。一林寒玉青冥夢。野客移來

尚。不。知。道。是。此。君。方。醉。時。醉。中。移。向。湘。江。路。碧
魂。飛。濕。啼。猿。處。西。方。赤。盡。東。方。高。天。風。吹。醒。秋
颺。颺。此。君。旣。醒。主。人。醉。玉。塔。臥。影。清。光。碎。

同蔡大美徐曰贊沈治先秦淮夕泛

落日淡生烟。空明浸短舷。人來花檻裏。酒出板
橋邊。楊柳風千榭。簫歌月一船。十年重對此。回
首各凄然。

奉酬周元亮先生九龍見寄

別後無聊甚。違情背里間。還家驚歲盡。作客怨

言打二集
春初老去。慙知已。詩來說夢。予平生何以報。一
劍獨躊躇。

黃若木將訪宋比玉於吳附詩代柬

分手春江上。孤篷傍夜行。寄予書久絕。知爾病
難平。傳語多荒謬。交情見死生。高秋看起色。吾
體亦爲輕。
高閣留題徧。凭闌感歎生。此才長不達。餘子漫
成名。莫辨蒼旻意。猶聞風雨聲。護持閒筆墨。長
似去時情。

焦山宿樵公房

破浪尋山水。滿船獨來轉。覺興超然。蝸廬世遠。
人如在。鶴墓名存。字半湮。扣戶正逢僧病起。登
峯直至鳥棲還。虛堂清福容消受。夜煮黃精目
汲泉。

贈吳茵次

楊柳風流張緒年。相逢記在亂離前。藏名此日
無如酒。買隱從來不用錢。百尺未曾容客上。一
寒誰敢爲君憐。鍾情我輩愁無奈。學佛須知勝

言
學仙。

徐
焞

興公
閩縣人所著有鼇峯集

過鄭吏部墓

昔賢寧復起。大雅久無聞。黃土空銷骨。青山不
葬文。精靈沉夜月。吟咏冷秋雲。詞客應相識。詩
成墓所焚。

送林兆綸之武夷

亂流迴九曲。一曲數峯盤。鶴背天門曉。雞聲月
洞寒。崖攀千仞翠。梯躡百層丹。隔斷人間世。春

風漢祀壇。

寄曹能始廷尉

作吏年方少。南遷亦主恩。明刑居棘寺。問法入
桑門。襪結人爭集。堂開雀自喧。官閒慵束帶。騎
馬杏花村。

東臺廟觀宋碑

路繞風凰亭。山危少客經。東臺虔廟祀。南宋錫
碑銘。雨久香烟濕。年深土偶靈。梅含新臘白。松
偃累朝青。廢礎苔花合。殘簷黍稷馨。莫詢興廢

言未二身
事斜日下雲屏。

送康元龍之靈武

黃河官路黑山程。羗笛橫吹漢月明。漠北烽烟
三里寨。隴西鞞鼓十年兵。燕鴻度塞寒無影。駿
馬行沙暗有聲。後夜思君勞遠夢。朔風吹過白
登城。

虞美人草

離離原上舞東風。却似悲歌玉帳中。夜雨香魂
空化碧。夕陽恨血尚留紅。新痕有意生淮水。淺
黛何心鎖沛宮。一自笛聲吹散後。更無愁色渡
江東。

駱賓王墓

文齊三傑擅名家。寂寂楓塘古路賒。先代蛾眉
驚草檄。千秋馬鬣葬袞裳。螢飛遠火秋雲暗。蟬
咽殘聲落日斜。荒塚無碑誰下馬。西風吹落老
槐花。

徘徊感慨情見乎詞千古文人如出一轍

過古靈陳先生故居

曾從冊府見遺書。立馬西風問故居。草沒龜趺

眠石闕。屋頽鴟吻易門閭。英靈像設塵埃裏。零
落孫枝喪亂餘。猶勝半山臺榭盛。祇今猿鳥哭
丘墟。

陳古靈先生在朝與荆公不合累疏諫新法
功不在鄭介夫先生下吾邑諸先達于舊京
清涼臺下就介夫讀書處爲立祠歲修祀典
弗替而古靈不得匹享未免憾事蓋流民一
圖在人耳目間也予僑居祠傍每爲惋歎存
此詩以補缺典

遊巖湖石坂嶂

遠攜雙屐踏烟霞。溪遶寒山鳥道賒。陰洞火明
聞鬼語。平川水落見人家。松懸峭壁飄金粉。藤

老蒼崖綴玉花。選得苔磯趺坐久。隔林樵唱夕
陽斜。

送王元直之金陵

征帆西去望京華。極目雲山夕照斜。客路王孫
隨草色。渡頭官妓醉桃花。秋高建業潮侵岸。夜
半秦淮月浸沙。若到烏衣訪遺跡。風流依舊屬
君家。

溪南訪鄭翰卿話舊

尋君迢遞歇羸驂。小閣弘開對夕嵐。寄寓俗塵

言
甘廡下。卜居名勝愛溪南。廿年舊事秋風淚。一
片新愁夜雨談。相顧頭顱俱漸老。燈前悲喜總
難堪。

征婦怨

夫壻久從征。西風寒絡索。惆悵立空堦。飛螢點
羅幕。

宮人斜

空山冥漠夜沉沉。多少芳魂不可尋。莫怨埋香
在黃土。長門深似墓門深。
凄絕千古從來宮
詞皆可廢也

周亮工

元亮 櫟園開封人所著有賴古堂
全集

河決後民多有以書紙蔽體者

雲綃霧縠經衣史服。

向河哭

向河哭。風肅肅。一聲能兼幾骨肉。

東家

藪藪莫哭。東鄰睨肉。

三作不堪多讀其質朴
如古逸詩

雜詩

在昔趙簡子。見圍于晉陽。圍罷酬殊庸。于次有

言
相當。上賞乃高赫。五臣咸奴張。王曰昔在厄。看
人盡激昂。在難而守禮。此意或難忘。遠聞發聖
嘆。善賞者惟王。力能使臣子。安危守其常。哀彼
憂患人。其心易爲傷。所以賜夷子。飄然雲水鄉。

又

我聞越石父。身爲羣垢叢。忽然來上客。解驂贖
其躬。一朝脫羈勒。專車引與同。白骨附良肉。枯
雪煦溫風。初不昧此感。久之識道窮。登堂謝夫
子。高厚實難終。身本赭衣子。公卿敢復通。屈者
不知已。信者未懵懵。知己而無禮。不如縲紲中。

庚子重九前四日板屋欲雨同姚仲潛吳
冠五諸君子共拈劉隨州藜杖嬾迎征
騎客菊花能醉去官人爲韻

雨意漸欲成。雲勢高未齊。借書不能讀。看雲獨
策藜。故人忽作念。一罇遠相攜。入門自傾倒。笑
我何淒淒。有酒不肯飲。日見夕陽西。

楚楚高垣列。孤鴈唳秋燈。老眼披殘帙。窈然雲
霧層。拋書且飲酒。大酌滿三升。豐憂敵薄醴。久

詩集二集
之力不勝。酒醒鴈南去。飛飛我未能。

庚子重九雜感用古詩十九首韻呈今醉

先生並諸同人

羣芳盡搖落。秋氣歸衰柳。蕭蕭籬外風。宛轉穿
甕牖。隔屋狼狽人。大言握我手。羅敷自有夫。使
君自有婦。各節此尋常。微軀各敬守。

我家近南陽。菊種滿層阿。竹篠隱葯房。間之以
青蘿。桃李匪不艷。感此與秋宜。策杖東籬下。白
雲滿山陂。苦節不可貞。羨爾爭一遲。羣芳無射

出。挺然冷作輝。妙藥貴始英。食之色不萎。我不
期大年。采之欲何爲。

我屋因高樹。入秋色不滋。松栢有直蔭。遐矚使
人思。餘木葉競脫。飄蕭去安之。不材何足惜。所
惜在歲時。

颺颺牖外風。盈盈機上女。悵然有所思。俛首看
機杆。機中燦雲霞。空承曉底雨。迹象本難明。隱
約寸心許。感激知己心。欲語不盡語。

白門有敝廬。思以庇兩親。竭來棲宿莽。誰成數

尺墳弱弟難當戶。我子空荷薪。炯炯地下眸。望此赭衣人。養莖無一缺。孝弟良有因。

病甚扶掖登舟枕上成詩

不失漁人約。年年江上游。黃花依病客。白露冷孤舟。歸思深秋滿。寒潮半夜流。健兒明月裏。閒唱古梁州。

送陳陸山下第返閩

北闕書難上。名山未可藏。歸懷新戰馬。句探舊奚囊。曲意憐僮僕。甲躬數稻梁。亂中人易老。再

聚是何方。

九月十五夜瓶菊將殘燈下用冠五韻

重陽幾日事。瓶菊已將殘。月是鄰家好。心難此夜寬。低簷垂細雨。老病畏新寒。瘦盡連宵影。稜稜猶耐看。

九月廿二日因樹屋送秋限韻

茅屋閒留客。寒烟滿竹厨。蘋蔬猶可擷。粗糲強人俱。秋是貧家好。花看雨後殊。君休輕草坐。一笑向來無。

五六句雋逸可愛

寒食詩話樓感懷

高樓獨擁萬山前。風展牙旗草色芊。藥裹羞隨
刀共佩。鄉書不與燧俱連。天涯作客逢寒食。馬
上看花見杜鵑。遺令未須頻禁火。孤城此際半
無烟。

說得淒楚滄浪亦當淚下

江行雜感

逐客江干夜寂寥。無端鐵笛起中宵。深秋梁苑
新沙積。明月清溪舊板橋。萬里夢回千嶂雨。一
帆風動五更潮。草堂空有農書在。桑柘如今盡

已彫。

畏使炎方卑濕侵。危檣可奈雨淋淋。江邊見塔
知城近。郡裏看山覺寺深。老樹衝波迷故道。疎
鐘引客度遙岑。囊書再借龍溪櫂。斷岸孤舟夜
夜心。

仙霞關

畧盡冬春高下峯。離離霞映玉芙蓉。竹埋山下
泉歸竈。輪舞灘邊石自春。四面水聲聞客袂。無
端日色印游蹤。自慚襍被塵沙滿。賴有看山致

未慵。

漁梁北接大竿長。亂水懷烟峽勢張。竹杖扶人青玉戛。蒲囊裹飯綠雲香。溪聲入夜迷千仞。雨氣經時幻一方。岩裏如聞三澗雪。不妨草止夢滄浪。

高矚應知與帝通。雲流一綫日瞳矚。荒亭坐佛空泉裏。薄板肩人細雨中。岩下茶紅燒竹賤。峒邊屋漏補茅工。蠻鄉但有猿啼苦。莫向秋風更認鴻。

先生閩小紀一書載吾鄉山水人物卽生長其地者有所不知可稱博識且有功于闕不小如此三詩皆摹寫真切非身到仙霞鳥觀其妙

七夕侍叔父酌秦淮同張淑士舍弟靖公分得田字時鄰舟有盲女枇杷聲

星河雲影澹相連。桃葉依然舊渡邊。盲女枇杷天寶事。羈人詞賦帝京篇。寧知此會爲何夕。剩有新愁入去年。始信情根堪萬劫。鵲橋今古不桑田。
結出七夕處絕不猶人

西禪寺留別

言才二
微軀未敢厭烽烟。祖帳羣公盡大賢。跣足百年
迷畏路。酸心幾處醉離筵。深秋野寺黃花酒。小
雨洪塘白板船。初服卽今猶未遂。誰能容易學
逃禪。

深秋小雨對酒登船是一幅別圖不知先生
讀畫樓中可有此否

杭川舟中懷陳階六

白下能來信復虛。淮南閉戶意何如。衣裁薜荔
凌霜晚。句綻芙蓉映日初。昨夢儼然千里駕。前
歸亦只數行書。畫船贈我看秋水。畧記離觴四

載餘

射烏樓紀事

城南城北鼓聲寒。城上烏啼夜入闌。鴈外天高
烽燧潤。弓前月冷陣雲殘。桑麻忍下窮簷淚。刀
箭空餘譴吏瘢。亦有空言羞曲突。王師無日
解征鞍。

烏樓之役先生以輕裘緩帶措全閩士女于
衽席。帝屢念功爲焚謗篋。時予以諸生列
行間躬沾其賜。丁未秋起居先生于白下。投
以詩云赤羽烏山銘肺腑。清風白石拜鬚眉。
固實錄也。讀此猶覺
當日情形悲喜交集

南浦橋亭望夢筆山

孤舟更泊前來岸。明發應從嶺上行。偶過長橋增別思。且留半日聽泉聲。西山夢冷花藏寺。南浦人來雨壓城。望裏勞勞十載路。不知芳草為誰生。

三四句是南浦橋亭五六句是望夢筆山未出感慨意真盛唐體裁

舟中與胡元潤談秦淮盛事次元潤韻

紅兒家近古青溪。作意相尋路已迷。渡口桃花新燕語。門前楊柳舊烏啼。畫船人過湘簾緩。翠幔歌輕紈扇低。明月欲隨流水去。簫聲只在板

橋西

蘭陽王王屋大令斤負高才。佯狂自恣不

永于年自誌其墓。以坡公誌人之銘。有合于已。卽以銘已。予欽其達。復哀其志。

曾鐫其遺集。茲系以詩。

主一賓起得有趣

故鄉人愛王。王屋蓋代才。如柳柳州。共豔陳思。曾傳粉。驚傳李。固亦搔頭。達生墓。不煩人誌。歡古銘。如為已。留慧命。徒存書。數卷茂陵。無客肯相求。

送徐存永遊大梁

七千里路苦相依。三月長安雪更飛。共嘆偕行人又去。心憐卽別未成歸。塵沙北寺羈臣夢。風雨黃河客子衣。莫向梁園詢古事。鄒枚詞賦近全非。

永夜不寐垂淚與小僕蘭水絮絮口占示

之

三冬羸馬寒山路。六月艤篷上水船。寧意小奚扶貫索。誰容苦語當金錢。天邊子淚無從滴。病

榻親書動隔年。枉說老夫猶嘔強。可憐最易受人憐。

危牆細雨冷相侵。累爾挑燈賺苦吟。譴吏殘詩羞白雪。故人溫語重黃金。酒痕易散難爲寐。淚漬無多不濕襟。枯葉寒花曾未改。乾坤納納看童心。

酒闌月墮細細讀之如聞其聲恐一部離騷未足稱孤憤也

茲受吳公至公以令子漢槎累將徙塞外吳家桂樹鬱芳叢。荒憬因留作寓公。舐犢誰能

容爾老屠龍。枉自教兒工。殘書濁酒西曹雪。襍
被黃沙絕塞風。莫憶松陵烟月好。管寧白帽舊
遼東。
委婉備至。殊有言外之旨。動人尋思。

御溝橋櫻桃

長安俠少舊金吾。立馬墻頭自彈烏。無數銀丸
都發盡。隔林亂打紫珊瑚。

張遺

瑤星

薇菴江寧人所著有二
勞泰山巵言諸集

華樓

仙人好樓居。所至標奇異。飈輪駐山岡。愛此巉

嶠勢。巨靈劈岩岫。雲霞供委積。起伏結構間。一
一徑。位置玉女方。晨興邀之共遊戲。于此暫盥
櫛。高閣鬱蒼翠。日落萬山空。風雨苔痕闕。至今
山上石。猶得華樓謚。我來供登眺。長嘯發幽思。
披襟雲盪胸。放眼鳥決背。俯挹松間雲。捫讀碑
上字。掬水弄天液。澄懷得所寄。何當凌罡風。遂
此飄然志。

雜咏

淺水平沙路。閒閒自一村。夢回天地老。亂後友

朋存芳草生幽澗。新鶯作小言。好山纔放眼。久不望中原。

海。匪。疑。無。地。峯。危。更。可。登。始。知。雲。氏。族。已。失。樹。
高。曾。選。勝。非。羣。賞。憑。虛。每。自。矜。幾。年。雙。懶。手。日
日。弄。枯。藤。
巖。穴。誰。居。勝。那。羅。第。一。峯。石。從。人。面。落。雲。到。樹
邊。濃。夜。靜。山。魘。語。林。深。野。鹿。逢。宵。然。失。歸。路。聽
取。下。方。鐘。

入山聞鶯

探幽幽谷裏。恰有一鶯啼。野水明山麓。好峯當
澗西。白雲專一壑。綠樹羣千谿。不識靈巖路。行
行轉欲迷。

專字羣字有神理

白雲洞

點埃無着處。于此宿歸雲。出岫爲霖雨。棲岩正
夕曛。靜疑山鬼嘯。榻與老僧分。別自爲天地。鐘
聲下界聞。

蹲獅臺

平臺通仄徑。突兀字蹲獅。萬綠供彈壓。羣峯爭

言持二集
護持烟輕新月下。雲定晚風時。此意誰能共。橫空白鶴知。

雨中觀湯谷園齋牡丹

好將名酒慰啼粧。雨際輕烟護草堂。傾國夢酣春有態。紫雲遂煖夜披香。同爲海內文章士。獨愛山中薜荔牆。一夕晤言千載事。更教剪燭照花房。

望岱

游籍年年註泰山。于今身始到山間。大家丰度

全然別古帝。威儀未易班。望去已能生勝想。登時應不倦躋攀。是見胸懷此生五嶽無由徧。但是經過莫放閒。

盤路望諸峯

七十二峯誰最奇。峯峯色翠紛披。青蓮似結諸天座。明月時邀玉女嬉。日照千山爭壁立。雲迴一礪忽颺馳。此中景物看難盡。半入空冥半入詩。

大小龍峪

絕地橫天十八盤。筍輿虺虺步難安。五丁削石
形千變。萬壑圍松綠。一團纔見荆關真。筆墨如
逢漢魏古衣冠。快心徑欲凌峯頂。猶復踟躕四
顧看。
團字押得新寫得切

小天下處

汶河如帶繞山根。一索爲男氣自尊。每以兒孫
視。鳧繹。遙傳伯仲有。崑崙澄懷。但覺天無際。放
眼時窺海。一痕漢帝乾封。秦帝雨高臺。笑兀正
黃昏。

五華峯對月

少焉明月出東山。直以身依碧落間。不肯避風
緣景好。相從選石得。雲閒舉杯盡。攝諸峯入拓
境。須將萬碣刪。坐久悠然鐘磬寂。一天冷露濕
烟鬟。

將登日觀以微陰阻

望海樓邊山色蒼。人言東去接扶桑。振纓直欲
排閭闔。把袂猶能攬大荒。誰遣霧迷夸父杖。忽
驚雲作玉妃裝。何緣喚醒金雞夢。撥盡層烟現

九光

三四句大而壯先生真氣橫牛斗眼空

天地

辭嶽

稽首千峯與嶽辭。此生踪跡笑支離。住山熟讀尋山誌。說劍悲歌賣劍詩。西華中嵩頻入夢。上天下地竟何之。但須鑄鐵為門限。學寫磨崖大字碑。

卮言

未能買山而隱。真是無天可問。還我白雲故封。許帶酒泉一郡。

先生尊甫莊節公諱可大殉東萊之難先生恪守初服忘情婚宦構松風閣于雨花臺畔閉門卻軌以詩文自娛御史大夫周櫟園太守陳嗣徽徵修郡乘始一掃徑與叔紫淀諱可仕季篴諱可度俱以風雅鳴一時悉載拙選一集中誌此以見先生一門人才之盛

龔鼎孳

孝升

芝麓廬江人所著有尊拙齋過嶺集

詠懷用阮公原韻

青門亦有瓜。於陵亦有李。榮華非金石。安能保終始。昔時王侯宅。珠玉化榛杞。狐狸穿丘墓。云是層臺址。歲盡權不延。誰為羨門子。飲酒悟達生。身後名可已。

說得飲酒鄭重妙在悟字不善悟者不可藉

彭殤盡一壑。服食豈聞道。崎嶇學神仙。憂樂難

自保。榮華若桃李。努力就衰草。何如東方生。談

諧以終老。割肉貽小妻。能使顏色好。學道人迂腐不得

登高一太息。零泪沾裳衣。流離逢世難。遠道將

焉依。豈無脫粟飯。中抱長苦饑。孤蓬隨驚飈。故

林不可棲。宛轉就娛樂。安知心所悲。迢迢天漢

長。嗷嗷鳴鴈飛。禍亂幸衰息。安枕以當歸。

我有一尊酒。嘆息為誰傾。故人紛宛雜。所厚非

沉冥。失意不在衆。睇眦爭枯榮。慶卿與田光。一

諾輕其生。靈曜逾千載。方寸同熒熒。管鮑起貧

交。至死心長并。黃金何時多。含笑覘人情。

結句比為問門前客今朝幾箇來更毒更冷

樟樹行

古樟輪囷異。枯栢植根江岸兼。水石風霜盤互

不計年。枝榦扶疎詎論尺。望中轉柁愁易過。道

傍掉臂真可惜。其下蕭瑟楓林青。其側參差茅

宇白。十年躍馬桑乾東。雙松詰屈慈仁宮。紫鴿

翔舞避、偃蹇蒼龍蜿蜒迴、虛空。今來荒野忽有
此數畝陰雪爭天風。當時萬幕住金甲。大樹颯
杳開神功。勿言將壓煩榱棟。傲睨高原川谷重。
寒翠寧因晚歲彫。孤撐不畏狂瀾送。地近軍城
耀水犀。天開阿閣巢雲鳳。自古全生貴不材。樟
乎匠石憂終用。
以小喻大風人本旨

水月菴和壁間韻

橋與鳧塘曲。僧當竹嶼清。秋光先到水。樹色欲
浮城。鳥熟分香粒。蟬疎起梵聲。社成招便人。不
敢學淵明。
風塵瀕洞久。此地眼猶清。細草深穿牖。秋鐘晚
出城。千林來雨氣。一院聚經聲。落葉銷春夢。何
山無月明。

月夜虎林別內

風雪寒江路。輕帆信轉蓬。月晴燈火外。人老別
離中。啼笑憐嬌女。艱難倚角弓。王臺梅事早。春
報綠尊同。

曉發之象口

言未二身
峽逼蒼山出。張帆數依灘。路偏風日定。沙漲水
雲寬。殘堠驚烟斷。孤鉦鬪石寒。飽聞豺虎窟。指
點過羣巒。
起得健逼字鬪字俱極摹擬

春日亦文招同秋岳飲五羊觀

勝日淹雙屐。高城峙此亭。花凌晴壑秀。鳥逼暮
天青。石閣盤雲出。風泉倚筵聽。芳春朋好在。蘭
蕙肯彫零。

登拱北樓

地擁雙門壯。天浮萬井開。海風凝鼓角。花氣漲
樓臺。晝靜銅壺細。春多獵騎催。年年喧鬪伐。丹
壁竟崔巍。

同遂初曉行大內有感

過雨疎星滴露盤。馬嘶人影鳳樓寒。宮烟繞樹
棲鴉動。輦路經秋碧草殘。何代新蒲閒處綠。有
情流水夢餘看。栢梁門巷多非舊。剩有威儀憶
漢官。
故宮禾黍閒閒寫來可歌可哭

舒章請假南行同秋岳賦送

遊倦空悲薦賦年。春山細雨正聞鶉。燕臺久賤

黃金骨。吳客難消紫塞天。故里風烟擡短髮。離宮花艸戀歸船。生還早覓傷心侶。亂後人才不似前。

采隱何須更買山。幾年風雨望陽關。千秋物忌高文在。七尺天容此日間。折柳可憐雙闕改。飛鴻又送一人還。漢宮薄命甘淪落。不向寒鴉比玉顏。

春日同金少宰。豈凡劉司馬。玉儒曹太僕。

秋岳吳侍御。雪帆燕集澹園。卽席限韻。

春園疊鼓奉名花。繡羽搖波一曲斜。絳雪晚飛芳草徑。紫絲天護海棠家。烟深遠憶青簾舫。雨過爭驕白鼻騮。水國流連須竟日。帝城絲管畏風沙。

從淮陰幕府得舍弟孝緒到杭州消息喜

寄用杜韻

南望吳天烽火深。北來鴻鴈晚霜侵。六橋烟柳愁中路。雙槳秋蛩亂後心。入洛士龍猶健在。無家庾信只哀吟。連牀何夕滄桑話。細剪寒燈淚

詩集二集
三
不禁。

石頭城下清砧响。應是西鄰客憶家。游子衣裳多白露。故園門徑正黃花。琴臺誰買千秋酒。布帽宜鋤五色瓜。丙舍早寒松月靜。蓼莪對誦一長嗟。
二作情真語切恐少陵不能專美也

和孟新秦淮社集

中原同調漸寥寥。痛哭題書續大招。桂剪北山千古憤。鶴歸橫海一身遥。武安客散無行酒。長樂花深有負樵。顧影懽場淒冷極。年來雙鬢朔

風彫。

為紫玄題春雨草堂

空林烟景日蕭蕭。丘壑于今道未消。城外畫圖城裏屋。柳邊溪水竹邊橋。風清北牖橫藜榻。月出南山理荳苗。漁父似忘興廢事。垂綸閒送隔江潮。
三四句是雲林一幅草堂圖結出感慨意絕不憤激妙妙

和贈丁野鶴

奇人端為艸玄留。魯壁巋然富九丘。滄海尚封孤劔憤。江天誰縱羽衣遊。林深對燭常過雨。鴈

到縫衣好耐秋。埋照并期名姓隱。恐教官吏識青牛。
此作盡野鶴之平生可知詩不在多

長安寄懷

纔解春衫浣客塵。柳花如雪撲綸巾。閒情願趁雙飛蝶。一報朱樓夢裡人。

上元後一夕入直禁中

太平燈鼓六街喧。閭闔晴烟玉樹翻。金殿聖人應未寢。密封傳自小黃門。

繁香艷粉五銖裙。竟夕春光笑語分。萬里鳳鳴芳草路。玉簫還許九天聞。

漢將嫖姚未解圍。淄青將士鐵爲衣。不知何地軍中樂。一片蘆笳傍月飛。

上元和內人韻

紫霧晴開鳳闕初。五侯絲管碧油車。芳閨此夕殘燈火。獨照孤臣諫獵書。

烏江懷古

蕭蕭碧樹隱紅墻。古廟春沙斷客腸。真霸假王誰勝負。淮陰高塚亦斜陽。

詩集二集
一增不用豈天亡。傾國何當罪艷粧。試看八千
爲項氏方便
齊解甲。虞兮曾不負君王。

戲爲撥悶

閉戶先生長五湖。酒樽詩卷未全無。秋雲翻訝
人情薄。日日峰頭看病夫。

嵇中龍性本粗疎。何客能停千里車。失笑巨源
籬棘少。司閭容入絕交書。

有感

萬態浮雲意已馴。丹砂瑤草鍊閒身。神仙上界

多官府。恐似人間擯此人。

百嘉村見梅花

天涯疎影伴黃昏。玉笛高樓憶掩門。夢轉乍驚
身是客。一船寒月到江村。

吳儂業

駿公 梅村太倉人見詩逢扶輪諸
選本

鴛湖曲

鴛鴦湖畔草粘天。二月春深好放船。柳葉亂飄
千尺雨。桃花斜帶一枝烟。烟雨迷離不知處。舊
堤卻認門前樹。樹上流鶯三兩聲。十年此地扁

舟住主人愛客錦筵開。水閣風吹笑語來。畫鼓
 隊催桃葉伎。玉簫聲出柘枝臺。輕靴窄袖嬌粧
 束。脆管繁絃競追逐。雲鬢弟子按霓裳。雪面參
 軍舞鸚鵡。酒盡移船曲榭西。滿湖燈火醉人歸。
 朝來別奏新翻曲。更出紅粧向柳堤。歡樂朝朝
 兼暮暮。七貴三公何足數。十幅蒲帆幾尺風。吹
 君直上長安路。長安富貴玉驄驕。侍女薰香護
 早朝。分付南湖舊花柳。好留烟月待歸橈。那知
 浮生夢。蕭蕭日影悲風動。中散彈琴竟未

終。山公啟事成何用。東市朝衣一旦休。北邙環

土亦難留。白楊尚作他人樹。紅粉知非舊日樓。

烽火名園竄狐兔。畫閣猶存老兵坐。寧使當時

沒縣官。不堪朝市都非故。我來倚棹向湖邊。烟

雨臺空倍惘然。芳草乍疑歌扇綠。落英錯認舞

衣鮮。人生快樂終安極。年去年來增歎息。聞笛

休嗟石季倫。對杯且效陶彭澤。君不見白浪掀

天一葉危。收竿還怕轉船遲。世人無限風波苦

輸與江湖釣叟知。

觀之言

至此。此。妻。然。不。堪。回。首。

連

避亂廣陵

浩劫知難問。秋風天地哀。神宮一柱火。仙竈五
丁雷。劔去龍沙改。鐘鳴鼉鼓來。可憐新戰骨。落
日獨登臺。
對句工練精力有餘

彭蠡初無鴈。潯陽近有書。干戈愁未定。骨肉苦
離居。江渚宵傳柝。山城里出車。終難致李白。臥
病在匡廬。

課女

漸長憐渠易。將衰覺子難。晚來燈下立。携就月

中看。弱喜從師慧。貧疑失母寒。亦知談往事。生
日在長安。
字字真切結更感慨

送張學博孺高之官江北

薄宦非傍郡。孤舟幾日程。詩傳沛子弟。禮問魯
諸生。冰冽官廚釀。城荒射圃耕。北來車馬道。猶
喜簡逢迎。

病中別孚令弟

此意無人識。惟應父子知。老猶經世亂。健反覺
兒衰。萬事愁何益。浮名悔已遲。北來三十口。盡

室更誰依。

情語刺骨

送紀伯紫往太原

佐府偏多暇。從容岸幘時。詩成千騎待。檄就百城知。從獵貪呼妓。行邊快賭棋。歸將出塞曲。唱與武陵兒。

長安雜詠

鼓角鳴鞘下建章。平明獵火照咸陽。黃山走馬開新埒。青海求鷹出大荒。奉轡射生新宿衛。帶刀行炙舊名王。侍臣獻賦思遺事。指點先朝說

豹房。

隱隱寓意冷眼熱心

聖駕幸南海子遇雪大獵

君王羽獵近長安。龍雀刀鏤七寶鞍。立馬川原千騎擁。賜錢父老萬人看。霜林白鹿開金彈。春酒黃羊進玉盤。不向回中逢大雪。無因知道外邊寒。

氣厚詞典大家風度結點遇雪意在言外得諷誥體

送曹秋岳以少司農遷廣東左轄

江東才子漢平陽。身歷三臺拜侍郎。五管清秋

言
懸使節百蠻風靜據胡牀。珠宮作貢通滄海，象
郡休兵奉朔方。早晚鄴侯能薦達，鋒車好促舍
人裝。

秋風匹馬尉佗城。銅鼓西來正苦兵。萬里虞翻
空遠宦，十年楊僕自專征。山連鳥道天應盡，日
落蠻江浪未平。此去好看宣室召，漢皇前席問
蒼生。

銅柱天南起暮笳。蒼山不斷火雲遮。羅浮客到
花爲夢，庾嶺書來鴈是家。五月蠻村供白苧，千

年仙竇訪丹砂。炎州百口堪同住，莫遣閒愁感
鬢華。

三詩典贍雄偉凌七子而上之彼如
漸趨纖弱者能不拜下風耶

送同年江右朱遂初憲副固原

銜杯落日指雕鞍。渭北燕南兩地看。士馬河湟
征伐罷，弟兄關塞別離難。荒祠黑水龍湫暗，絕
坂丹崖鳥道盤。錯認故京還咫尺，幾人遷客去
長安。

清秋柳陌響朱輪。帳下班聲到近臣。萬里河源

通大夏七盤山。勢控新秦北庭將。在黃驄老西
海僧來白象馴。最喜安邊真節使。君恩深處少
風塵。

自嘆

誤盡平生是一官。棄家容易變名難。松筠敢厭
風霜苦。魚鳥猶思天地寬。鼓椎有心逃甫里。推
車何事出長干。傍人休笑陶弘景。神武當年早
掛冠。
不吞不吐絕無痕跡是禪家棒喝之妙

揚州

野哭江村百感生。鬪雞臺憶漢家營。將軍甲第
橐弓臥丞相。中原拜表行白面。談邊都入幕。赤
眉求印却翻城。當時只有黃公覆。西上偏隨阮
步兵。

盡領通侯位上卿。三分淮蔡各專征。東來處仲
無他志。北去深源有盛名。江表衣冠先解體。京
西豪傑竟投兵。只今八月觀潮處。浪打新塘戰
鼓聲。

撥盡琵琶馬上絃。玉鈎斜畔泣嬋娟。紫駝人去

瓊花院。青塚魂歸錦纜船。荳蔻稍頭春十二。茱萸灣口路三千。隋堤壁月珠簾夢。小杜曾游記昔年。

過淮陰有感

落木淮南鴈影高。孤城殘日亂蓬蒿。天邊故舊愁聞笛。市上兒童笑帶刀。世事真成反招隱。吾徒何處續離騷。昔人一飯猶思報。廿載恩深感二毛。

于感恩處說得悲切如見淚痕

登高悵望八公山。琪樹丹崖未可攀。莫想陰符

遇黃石。好將鴻寶駐朱顏。浮生所欠止一死。塵世何由得大還。我本淮王舊雞犬。不隨仙去落人間。

自怨自恨傷心刺骨

自嘆以下六詩憤惋備至先生之肝膽鬚眉昭昭紙上予每夜三復不能就寢

贈遼左故人

路出河西望八城。保官老母淚縱橫。重圍屢困孤身在。垂死翻悲絕塞行。盡室可憐逢將吏。生兒真悔作公卿。蕭蕭夜半玄菟月。鶴唳歸來夢不成。

齊女門前萬里臺。傷心砧杵北風哀。一官悞汝高門累。半子憐渠快壻才。失母况經關塞別。從夫只好夢魂來。摩娑老眼千行淚。望斷寒雲凍不開。
字字心血使人不忍讀

功臣廟

畫壁精靈間氣豪。鄂公羽箭衛公刀。丹青賜額豐碑壯。檠戟傳家甲第高。鹿走三山爭楚漢。雞鳴十廟失蕭曹。英雄轉戰當年事。采石悲風起怒濤。

玄武湖

覆舟西望接陂陀。千頃澄潭長綠莎。六代樓船供將士。百年版籍重山河。平川豈習昆明戰。禁地須通太液波。烟水不關興廢感。夕陽聞已唱漁歌。

梅村

枳籬茅舍掩蒼苔。乞竹分花手自栽。不好詣人貪客過。慣遲作荅愛書來。閒聽雨攤詩卷獨。樹看雲上嘯臺。桑落酒香盧橘美。釣船斜繫草

堂開。

別丁飛濤兄弟

把君詩卷過扁舟。置酒離亭感舊遊。三徑雲間空想像。二丁鄴下自風流。湖山意氣歸詞苑。兄弟文章入選樓。為道故人相送遠。藕花蕭瑟野塘秋。

送林衡者歸閩

五月關山樹影圓。送君吹笛柳陰船。征途鷓鴣愁中雨。故國桄榔夢裏天。夾際草荒書滿屋。連

江人去鴈飛田。無諸臺上休南望。海色秋風又

一年。

衡者有心人也。予以不能多讀其詩。得交其人。為恨。先生此作。情見乎詞。詩傳而衡者並傳矣。夫何憾。

自信

自信平生懶是真。底須辛苦踏征塵。每逢墟落愁戎馬。却聽風濤話鬼神。濁酒一杯今夜醉。好花明日故園春。長安冠蓋知多少。頭白江湖放散人。

新河夜泊

百尺荒岡十里津。夜寒微雨濕荆榛。非關城郭
炊烟少。自是湖山戰鼓頻。倦客似歸因望樹。遠
天如夢不逢人。扁舟蕭瑟知無計。獨倚篷牕暗
愴神。

將至京師寄當事諸老

莫嗟野老倦沉淪。領畧青山未是貧。一自弓旌
來退谷。苦將行李累衰親。田因買馬頻書券。屋
待牽船未結鄰。今日巢由車下拜。淒涼詩卷乞

閒身。

張

琪

典公

江寧人所著有翠微菴集

過季水半峰同聖弘天邑坐月下飲

明月照嘉樹。參差墮清影。觸取了無意。徃復散
或整。含情各所適。發言亦相領。送我行遲遲。素
雲過東嶺。星光亘天流。幽人忽深省。分攜若未
徃。中夜不能靜。文而朴。非六朝綺麗者可幾

自翠微散步過南菴回至蒼翠

晨○光○澹○出○戶○不○省○是○深○山○松○栢○多○雲○氣○階○除○積

言林二集
蘇斑遊尋鹿墅去人共鳥聲還老與矜回味風
期未盡刪

過方正學先生祠用亭字韻

木末橫江白苔痕片石青孤忠惟暮雨千載一
空亭論世今誰在傷心古未經道人高座語側
耳正冥冥感慨語最易激烈此以幽閒勝

穆如同幽棲靜語三日有異平生別去僅

月餘倏忽下世歸始知之乃哭以詩

蕉鹿無從想夢身白雲鷄午隔花茵山中風雨

知何代死後文章見故人此去有情悲下界他
生得意薦前因雜華棗栢毫端句彈指樓開劫
外春

紺園卽事

折枝爲塵石爲槎慘淡幽人領物華欲老梨雲
生晚夢半痕燈影照春鴉闌珊王客同看竹清
小歌聲似隔花寂歷閒情銷不盡好來日日綠
烟斜幽雅絕倫不落晚唐蹊徑

白雲寺

沿水看山忽近。山橫斜直上白雲間。松聲坐久
茶烟靜。古跡低回客思閒。巖鳥不知僧定。改野
花空。襯石苔斑。道風何事淒涼甚。珍重懷人不
忍刪。

禹昉世兄聞與愍兒論詩甚快又意中時
似重念老夫感而得句因以爲贈

同坐山房小隔山。山空獨寐有相關。幽人老去
情猶在。世外風期道不刪。我自斷碑橫古路。君
如鳴鳥出花間。聽詩爲問心歸處。應是芙蓉第

幾灣。

全首不俗詩之以品勝者

閻世科

踏礎

淮陰人

楞伽室述懷

垂老投簪隱。憑高對衲閒。江風梳白髮。海霧羃
青山。目極秋天遠。身依暮鳥還。書經有遺跡。千
載喜追攀。

林塗

子埜

侯官人

欲隱

欲隱無錢足買山。竹林石榻夢魂閒。兵荒入眼

何時去。家國關心那夜閒。友是死。生方可拜。史。非忠孝。總堪刪。從來不羨浮雲事。上帝頻頻亦好還。

先生詩文極富。殉難後散逸無存。雅好者間有抄本子。將與石倉合刻。以傳偶遇友人。誦此詩。先為登選。使當世有心人。共見先生節槩云。

詩持二集卷之一 終

詩持二集目錄

卷之二

魏喬介 石生 二十一首

陳寶鑰 綠厓 十八首

林佳璣 衡者 六首

姚子莊 六康 八首

姚文焱 彥昭 七首

王猷定 于 九首

陸圻 景宣 二首

李贊元 匡侯 二十一首

法若真 黃石 四首

蕭震 鳴霆 一首

錢升 日菴 三首

龔賢 野遺 二十首

程康莊 坦如 六首

韓昌 經正 十七首

陳肇曾 昌箕 七首

許必 天玉 四首

釋大均 一靈 十七首

釋淨宗 休菴 七首

戴胤夔 九韶 一首

詩持二集目錄 卷之二終

卷之二目錄

枕江堂



詩持二集

卷之二

古閩魏 憲惟度評選

豫章吳學炯星若參閱

魏喬介

石生

崑林栢鄉人所著有嶼舫全集七卷

讀杜子美詩

古作多蔚跂。茲編實云聖。盥手展縹帙。肅然起
恭敬。世人誦公詩。擷芳資游泳。我誦見公心。楷
模性情正。救瑄雖云非。其意實孤勁。一躡不復
收。驂騑終遠屏。有語不忘君。愴怛忠愛盛。飄泊

蠶叢間。櫛椽長。鑿柄路阻豺虎多。身傍干戈橫。
燦燦浣花詞。磊磊夔州詠。百年歌獨苦。斯語淚
如迸。放舟夷陵後。潦倒春華競。天困萬古胸。抒
發鴻濛性。陶冶不可窮。世秉詞伯政。讀之淡數
句。高齋風雨併。旣哭復還歌。枕藉以爲命。斯人
竟已矣。怒焉心如柄。

讀李太白詩

三謝與鮑廋。江左稱獨步。太白更絕塵。汗血如
飛兔。擲筆振金石。有文懸瀑布。萬象羅胸中。百

代生指顧。是氣日浩然。不祗爲章句。沉香亭畔
詞。諷諫有微趣。奴視高將軍。才人詎能慕。羽翮
落九天。掛席逐烟霧。留滯東魯雲。躡蹻采石路。
我思汾陽王。再衍晉陽祚。云誰識此人。青蓮慧
眼故。無知功未酬。夜郎竟遠戍。璘也實蠢愚。偶
而被籠笈。龍章與鳳姿。豈若爭食鶩。古今稱謫
仙。斯言良不誤。黃金如可成。須並子美鑄。

讀其詩論其世知其人原非易事二作可稱
李杜知已

關中待月歌

天公笑指海雲生。雷雨殷殷秋氣橫。姮娥竊藥入太清。霓裳飛舞羽衣輕。何人封在芙蓉城。不肯翩翩來調羹。今夜筆花燦羣英。賦成五色似飛瓊。擲地當作金石聲。飄然乘風上玉京。

過傅掌雷太史曉園

自有滄洲意。瀟然三徑清。藉花能醉客。坐樹不妨鶯。著述淹風雨。交游念死生。濁醪君不惜。一晤一回醒。

三四句點園林之勝五六句則傳太史之平生矣

贈成我存中翰

雷同世所尚。之子未云然。有夢曾吞鳳。無文不欲仙。官饑從僕瘦。津要任人先。不讀潛夫論。誰知是大賢。
四句超雋可移贈太白

偶感

曠覽何時盡。狂歌忽有人。天維尊五嶽。地勢重三秦。文字銷今古。干戈怨鬼神。誰爲調燮者。水旱恤遺民。

五六句讀之悚然結句有關係真宰相之言宰相之心也

詩抄二集
題申端愍公遺墨

伊人不可見。書卷若爲逢。蘭氣芬幽谷。秋雲澹碧空。佳言總玉屑。墨妙亦垂虹。古道誰相似。平原憶魯公。

述懷

邇來何地可埋憂。惟有西山誌勝遊。草木秋深多欲老。雲霞歲晚不曾收。忽驚時序飛蓬髮。暫託歌呼對酒籌。試向五成陌上望。平原禾黍正油油。

和梁敷五太史雨中見懷

連朝飛雨散空濛。高韻常懷孤嶧桐。已召雲嵐爲侍史。肯將花鳥附東風。叅玄枯坐涵神劒。琢句長吟付楮公。聞說兵厨芻竹葉。訂期促膝聽秋鴻。

和法黃石太史

寵辱從來夢不驚。醉中風雨暈潮生。天涯黃霧常連塞。海上青山空有情。應馬呼牛甘大隱。栽松種秫漫逃醒。盈虛莫問君平卜。已見朱門蔓

草縈

飲右軍齋中卽賦並約天寧寺之遊

六尺方牀日照初。科頭翫世自徐徐。談玄頻勸高陽酒。問字時來畫舫居。折檻昔曾干帝座。絕交今欲著新書。青門擬赴招提約。踏屐飛花春雨餘。

全首邁秀五六句更壯

虹橋新漲

槐驛愁聞班馬鳴。垂虹蜿蜒傍新晴。旗亭載酒春郊別。圯上懷人明月橫。近水稻梁足鴈鶩。排青山色入軒楹。釣車不向桐江去。欲對盈盈一碧泓。

高廟晴雲

九日登高曾舉觴。風流瀟灑共相羊。泝槐流水同襟帶。喧霧雲山似鴈行。古廟數椽炊破竈。寒鴉幾點噪斜陽。十年故國勞幽夢。勝跡追尋寄野棠。

慎齋書院

草堂曾建埤垵前。釣鯉栽花自輞川。彭澤舊居

言持二集
惟柳在青。驄世業有孫傳。山光入戶通樵徑。秋水成溪帶野烟。惆悵篝燈誰濟美。焚香掃室問遺編。

送秦留仙檢討請假歸無錫

潞水澄明一碧流。錦帆人在木蘭舟。詔書下殿縈公緒。才子臨江繼少游。座有青袍非劍俠。檻依紅樹是高秋。惠岩幽處泉淙冽。安得從君汗漫游。

興勝寺花園內有高樓三層

寺南寺北皆禾黍。獨上危樓望古燕。萬點太行秋色照一灣。東海薊門懸流觴。石徑荒金谷。華表高原冑野烟。山衲相期更不淺。花開待我度春妍。

送王雪麓之鳳陽

辟疆曾共論新文。結綬彈冠氣不羣。爲有皇華星作使。可憐青眼望中分。輶車疑帶行山色。桂楫猶沾大陸雲。淮甸瘡痍今未息。好將民隱奏吾君。

結句有淚

夏夜

涼夜天如水。雲移月若舟。蛙聲何太急。閣閣到書樓。

東阿縣南渡河

長途驛路出東阿。草色蒙茸秋色多。馬上不知身在魯。臨流錯憶是滹沱。

平野烟浮

禾黍油油白鳥飛。晚來風起入簾微。晝長相對圍棋罷。靜看紅蓮落故衣。

荷池夜棹

一片紅香羃水灣。幽情更不到雲鬟。孤舟自愛凌波去。寒露蒼蒼起白鷗。

陳寶鑰

綠厓

晉江人所著有吳越吟秣陵遊艸諸集

松門坐月和黃俞邵韻

新月欲附松。松高出月上。展轉窺客顏。徘徊闢山障。安得與雲心。長此抱月颺。悠然萬濤來。人月兩惆悵。

起得新特是其心靈處

初春游牛首山和黃俞邵韻

有。峯。齊。入。天。角。立。爲。雙。闕。此。山。主。吳。盟。登。眺。殊。
足。樂。古。寺。聚。峰。腰。垣。蔽。如。城。郭。紆。斜。人。徑。通。半。
空。寫。丹。牖。跼。踏。世。上。觀。不。覺。心。日。廓。地。能。慧。佛。
心。梵。語。自。天。落。苔。深。洞。不。知。嵐。幽。每。入。閣。佛。子。
若。可。爲。捨。身。何。足。愕。有。身。如。可。捨。何。畏。鬼。蛇。攫。
登。峰。一。嘯。號。視。下。皆。毫。末。四。顧。天。地。寬。萬。頃。眼。
中。白。可。知。生。死。大。何。論。富。貴。薄。牛。首。雖。宜。春。春。
蚤。游。不。錯。當。此。春。冬。際。日。月。照。虛。壑。景。態。無。窮。
期。莫。言。駕。力。弱。遊。興。如。禪。心。何。必。太。粘。着。

善游山人必另具一手眼方能看得真繪得出先生是靜慧人

垂影塔

古塔掛峰腰。聳出峰頭上。隨樹入幽房。塔垂樹。
則。係。此。理。究。不。明。終。古。費。人。想。天。地。如。箕。盤。日。
月。如。運。掌。物。齊。則。觀。同。橫。斜。兩。不。爽。辟。彼。印。間。
文。字。轉。而。成。象。辟。彼。鏡。中。窩。窩。心。必。懸。額。兩。曜。
作。是。觀。返。照。則。迴。朗。室。虛。白。常。明。閉。日。能。肝。鬻。
掛。角。於。壁。中。形。落。在。深。泐。此。理。自。然。昭。古。人。徒。
影。響。

此理從來曠曠一經先生說破真暗室一燈非身到者不知

觀音洞

一燈明法處。萬佛到此場。所以三石洞。沸然如。蠍房有住便有身。有身便存亡。如聲之與影。無觸不歸荒。聲盡響不遏。形落影猶煌。古洞音容在。曠觀世無方。日月照不到。古燈長夜光。天地留斯隙。以啟慧肝腸。萬佛歸于圓。普陀卽南陽。三洞不異旨。無住見佛王。

筆致矯異與步趨成法者不同

妾薄命

妾心一何苦。妾曾適楚不相取。愛妾憐妾才。有才亦蕪近于賈。愛妾憐妾顏。古來顏色盡塵土。不如歸來學。心空却將妾心對。佛譜佛言有婿如阿難。汝但摩登作咒語。不然且伴老香山。兜率天中作天姥。此語未許俗人知。說與松聲鳥語當簫鼓。

似嘲似謔無限愛憐想得出說不出妙妙

二月花朝步朝天宮爲老子昇旦道士咸

裳服奏樂歡而志感

二月之中花初育。乍雨洗花如新沐。步入冶城
樂沸來。羽流悅聖薰天祝。此城爲宮始何年。學
仙亦如礪劍。然火無百煉。不成劍道無萬劫。不
成仙。磨得仙骨同劍利。古來劍俠仙家戲。不貴
虛無道。自來矯誣之君。仙不至。神仙之至非一
道。邈。邈。飄。洒。長。春。老。冷。謙。魂。向。瓶。中。呼。爛。頭。作
事亦潦倒。嘉隆以後無仙蹟。却咎氣運與地脉。
譬如冶寒劍不成。世無仙學何自獲。只今劍化
仙何歸。朝天宮。宇依然。魏笙鶴不知鳴。夜月黃
冠。猶。着。舊。裳。衣。

從來神仙爲英雄。退步礪劍之喻。非先生想
不到此。

芙蓉閣步前人韻

白鳥銜花後。芙蓉尚拂霄。峰雲藏古拙。檻色幻
烟消。頑石如能語。仙槎亦不遥。憑虛窮目處。自
覺此身飄。

小星槎步前人韻

靡望雲無際。天浮百丈槎。碁羅星蕩漾。馬逐岫

言集二集
橫斜空濶。惟涵氣虛靈。欲諦花簪。紳自未脫。驕
語羨僧家。

雨花臺

臺僅慢天裏。有亭必礙觀。四山來聚寶。一市繞
長干。屐記前朝勝。杯團半日歡。名遊如好友。相
對總盤桓。

寄石谿大和尚

破劫銷塵火。不宜心存累。盡可無疑。崑頭雪凍。
寒山色石眼。風吟拾得詩。佛子成圖。堪折骨名
到時。

燕道中再和李素園少叅及施子沱伯林

子康石燕懷原韻

行行不計露霜分。何日逍遙學漆園。
英。雄。本。色。秋。軾三年。留舌在登車。萬事把鬚捫。流紅忽見星當面。曙
白仍將月出門。陌路相逢無爾我。往來只有馬

蹄喧。

地別燕齊氣自同。每懷壯志角雄風。當年

言持二集
龍顏喜此日。何能虎穴空。爛額都充座上。寤驕
言曾念徙薪翁。于今只看河間道。驛馬降書
奏未窮。

寄訊蘇念溪郡丞時旅豫章

別君乍見鶯。初友回馬今。逢鴈驟賓漫。道江湖
能阻我安。知夢寐不通津。已回震澤風頭浪。誰
現峨眉雪後身。歸到西齋來鳳處。煩將郡史築
亭新。

初遊報恩寺

何須覓勝向深山。近郭招提便往還。匝翠龍陰
鋪貝葉。飛丹鴈閣照金顏。浮光現魄千頭紫。拾
級凌空一點斑。兵燹于今翻劫後。頻遊那得此
身閒。

遊天界寺

地最虛靈養佛心。招提五百有誰林。山猿久落
前朝諦。野鹿無眠古樹陰。塔草釀香留客履。巖
花含慧繞人襟。問君好事何來暮。勿厭峰頭日
色侵。

言持二集
龍顏喜此日。何能虎穴空。爛額都充座上客。
言曾念徙薪翁。于今只看河間道。驛馬降書
奏未窮。

寄訊蘇念溪郡丞時旅豫章

別君乍見鶯初友。回馬今逢鴈驟賓。漫道江湖
能阻我。安知夢寐不通津。已回震澤風頭浪。誰
現峨眉雪後身。歸到西齋來鳳處。煩將郡史築
亭新。

初遊報恩寺

何須覓勝向深山。近郭招提便往還。匝翠龍陰
鋪貝葉。飛丹鴈閣照金顏。浮光現魄千頭紫。拾
級凌空一點斑。兵燹于今翻劫後。頻遊那得此
身閒。

遊天界寺

地最虛靈養佛心。招提五百有誰林。山猿久落
前朝諦。野鹿無眠古樹陰。塔草釀香留客履。巖
花含慧繞人襟。問君好事何來暮。勿厭峰頭日
色侵。

日斜再訪佛王居。已見禪堂晚課魚。羅漢廊無
通履跡。毘盧閣但鎖雲餘。璇宮問路。傍花入繞。
陌逢人。帶酒鋤。好景都從忙裏遇。清明錯過恐
春虛。

再遊天界寺登毘盧閣

寺興漸奢更續遊。穿松入徑竹林幽。久無上閣
藏蒼鼠。偶爾凭欄聽午鳩。不覺千山窺四面。但
移一碧入雙眸。何能到此消殘夢。總任斜陽付
夕收。

尋春又到大羅天。老徑苔深不計年。人借名山
空姓字。佛留畫閣瑣雲烟。墻頭夕岫堆紅髻。檻
外風茵繞翠氈。走馬看山山亦厭。好辭婚宦問
高禪。
四作新俊欲絕可為山靈生色

林佳璣 衡者 莆田人見詩源選本

古意

衰年急清商。玉階風不歇。秋來萬恨生。非但怨
明月。
其秦時明月耶。怨他何故。

明月滿帝城。樓高鴻鴈行。愁心異秋草。霜雪下

還生

子夜吳歌

採蓮鏡湖裏。羞見菡萏花。薄命妾自恐。畏入吳王家。回舟明月上。惆悵滿若耶。
畏字從恐字出有想頭

率爾作

僕本西京士。流落李陵臺。徘徊闕氏墓。百草實可哀。宛馬與越鳥。何多有良媒。黃河從天下去。不復回欲拾。傾城骨置之。漢宮堆千載。誰與語悠悠。風暮來。
住得妙怨耶非耶却不會說

青麥嘆

烏啼啞啞日未曙。擊弓彈烏烏。飛遽僞男弱女。抱衾裾愁眉。屏息易麥去。衣不可餐。何論錢抱。
何。用 麥好與健兒。語叩首路傍。不敢啼。平時門戶何敢著。滿目蒼黃色。酸楚。此生應讓太倉鼠。
愁慘處溫存處俱有。淚痕却又放聲哭不得。奈何奈何

漫作

二月桃花夾路新。幾多兒女鬪芳春。怪來爭佩宜男艸。自有佳人。不嫁人。
好傲骨

姚子莊 六康 歸善人所著有鶴陰詩選

三婦艷

大婦剪春紗。中婦教琵琶。小婦閒獨坐。吟詩學
大家。含情復長嘆。牀前月又斜。
大婦日多愁。中婦懶梳頭。小婦新粧好。嬌羞半
倚樓。爭看道傍樹。無復可憐秋。

如此作閨怨方
得風人之旨

全李吧瞻曾道甫陸漢東集王貽上齋適
許天玉程石臞並過

岩嶮古刹接雲寒。選勝重尋王子安。異地聲歌
齊伯仲。一簾風日盛琅玕。聽書竹屋宮商細。問
字松廊禮數寬。坐久不嫌扉屢叩。有人下馬珮
珊珊。
備美佳作奪王李之席

訪孫豹人不遇寄訂詩志之選

揚子橋邊問隱居。孫郎踪跡混樵漁。門餘曲徑
多幽客。架覆遺編有道書。眼底陽春誰枕秘。山
中風雪自乘除。相思嶺外梅花發。夢到寒塘日
上初。
讀先生此詩隱隱有孫豹人在几席間

言未二集
羅浮梅夢

欺春寒骨鎖莓苔。幻去靈巖，別有胎簾外。疎鐘
迷遠寺。燈前流水近荒臺。香崖月落，魂如醉雪。
窄人歸影欲猜。昨夜相思，曾駐馬情深。依舊判
花來。
四五句道秀

漳平道中初度

一身蕭散寄烟霞。曲岸迴流去路賒。作客有山
兼有水。贈僧無酒亦無花。西風禾黍知秋早。社
鼓楓林感歲華。涼月夜闌清似洗。到家新夢又

離家

別同年陳忝生中翰

崧臺舊事記追攀。此地相從誼獨關。把酒看人
雙眼白。擔簦爲客一身艱。干戈亂後無知己。筆
墨焚餘有故山。試向桑乾今夜渡。那堪秋月照
離顏。
上六句情詞已盡。結出別意。輕鬆可喜。

寄黃鷗湄方伯

漢陽芳樹藹晴川。黃鶴樓中影欲懸。牧伯春深
江帶雨。懷人秋盡草連天。沅湘粟幣通南徼。衡

言
二
集
嶽兵書控北纏。盛世公卿多外治。長沙方召席
應前。

姚文焱

彥昭

龍眠人所著有楚遊諸集

早春宿若侯兄梅谷

自君臥岩阿。欲往凡幾度。新霽山氣佳。策杖展
野步。慰此池草心。領彼煙霞趣。踰嶺越阡陌。漸
入另。一。武。陵。耶。花源路。竹裏聞犬聲。烟中見人住。境閒道益

尊。心靜物無忤。卷舒天上雲。開落庭前樹。瓢笠
謝囂氛。桑麻話春務。酌酒酌梅花。所賞在幽素。

擾擾世間人。槃澗誰獨寤。

良會苦日短。中宵命秉燭。夜氣肅空山。笑言寫
心曲。新月升前楹。照我杯中醪。同夢剛半枕。嗒
焉已離俗。母物在守雌。養真貴知足。看君薜荔
衣。豈受尺組束。予慚買山難。耦耕景芳躅。酣眠
不知曙。鳥語報朝旭。

晨起陟衆峰。領佳復延賞。石壁若奔會。艸木自
成長。野情好搜奇。腰鎌刈榛莽。蔓艸旣芟除。勝
地乃蕭爽。始知幽貞姿。終須脫塵網。晴暉開遠

照春態方駘蕩。梅留太古雪。泉答天籟響。引手
弄潺湲。衣拂青苔上。吟成獻康樂。豈羨受與廣。
日夕下山去。遙遙結遐想。

小孤山

誰削巉巖江上浮。烟嵐面面望中收。天留一柱
東南立。水抱孤根日夜流。石徑緣雲穿鳥道。山
僧乞米借漁舟。經過祠廟艱攀陟。命楫遲遲當
勝遊。

詩品在義山隨州間

望匡廬

舟中遙見翠微重。五老晴開江上峰。蓮社不隨
烟靄散。香爐還倩暮雲封。山連楚水兼吳水。僧
集南宗與北宗。愧我勞形同泛梗。虎溪何日訪
遺蹤。
步步是望景移向他處不得

赤壁

天空木落石崔嵬。懷古憑軒倦眼開。山勢欲奔
吞浪住。江光不斷抱城來。英雄氣盡三分業。詞
客名高兩賦才。只有文章傳勝地。簫聲鶴夢總
塵埃。

曾經百戰此山川。斷碣荒亭年復年。泊岸葦生

歸。棹火。揚碑。人乞賣。文錢。江湖閱遍長途客。吳

楚平分數點烟。斗酒鱸魚誰濟勝。茗漿深仗老

僧賢。二首詞雄氣博無一句虛發當是赤壁

王猷定 于 一 南昌人見詩源選本

貞婦行

乙酉揚城陷宋貞婦慮不免辱先自溺
死且出金一囊結其夫肘使得以是免
有女百二十日投夫懷俾沈諸水遂死
神農虞夏之氣猶存婦人女子留之各
節吐氣其兄張符聰誅之予讀其事隱
隱見貞魂在前結成嶽瀆也作貞婦行

誰焚大林揚灰九州有宋之子夫何尤吁嗟乎

仰天雲流俯地河流莫知其由解一曷日月冬為

夏葦涕洟曷晝夜鬼急人蜀岡下解二鼓鼙官

軍噓城市語各模糊魂魄不得少踟躕嗚嗚汝

雛解三崇墉墮只蛇豕奔只黃泉日月下照印只

義不可辱兮奈何夫子解四雨淫淫水深深弓刀

鳴烏鵲瘖萬瓦飛一寸心扶夫臂結黃金投兒

去不復生聲聲怨却聲聲不怨貞婦豈直巾
幘耶

螺川蚤發

言持二集
月落秋山曉。城頭鼓角停。長江流剩夢。短棹撥殘星。露濕鷗衣白。天光鴈字青。蒼茫回首望。海嶽一孤亭。
全首少陵

鄭州開元寺野望

興亡占遠氣。難老古今潮。城對唐朝寺。人經趙氏橋。虬鐘懸老樹。鴛瓦沒寒蕭。日落碑沉夜。春星伴寂寥。

立秋口占

鷓鴣聲成後。明明百草頭。紛紜何日夢。斟酌此時愁。樹外風難定。門前水不休。道人鬚髮上。新着幾莖秋。

秋夜同村于皇訪黃坤五先生于興教寺

時先生出玉杯共賞

太史仍留滯。相逢一寫心。菊情娛客晚。玉氣醉人深。崔氏莊何處。鄜州月正臨。招提人境裏。親切畏寒砧。

雪夜同家弟子展宿天興寺

子展將別予
歸南浦

廿年布被擁荒城。古寺驚心倏二更。排闥冷風

詩集二集
三
窺鼠竄高天。鴻雪下鐘聲。弟兄話少。衫多淚。老
病眠無牖。對明汝去。戰場誰作伴。康郎山下。又
移兵。
情至語使人不忍讀

九日集平山寺時公狄病未至

把袂高臺俯大荒。連天江樹隱微茫。雙懸日月
存空寺。十里烟花墜野棠。對酒戰場孤鴈叫。佩
萸秋墅古泉香。傷心不待韋郎至。黃菊歌殘鬢
已霜。
氣魄蒼涼絕無烟火

清明後一日登文游臺雨眺

目斷長湖三十春。千帆暮雨海東塵。梨花白髮
臺前客。麥飯黃冠夢裏人。猛士歌風長憶沛。秦
山封石耻言秦。荒荒日月過天地。鐘鼓樓邊炤
幾巡

黃葉篇紀年七咏

匝地烽烟接舊京。北印何處卜先塋。辰星夜炤
芒鞋路。關市朝開鐵馬營。逆將聚兵三日戰。亂
山懷子一人行。兒今忍問桑弧事。苦月荒風聽
母聲。

陸圻 景宣 錢塘人見詩源選本

望遠曲

東鄰艷質早知名。到得藍橋近玉京。天上白蜍看竊藥。人間紅豆已傳情。胡姬獨有壚堪傍。名士慙無國與傾。好待三春花月夜。渡頭桃葉隔江迎。

與歌者陳郎

落日橫江老白蘋。同鄉停問一相親。未嫌李尉翻新曲。偏喜何戡是舊人。玉管漫吹秋月白。紅

牙曾對綺筵新。坐中恐有傷心客。莫按伊涼水調頻。

李贊元 匡侯 素園漳州人所著有出門吟

俠客行

長安遊俠客。結識徧四方。夜宿邯鄲肆。日馳白驍。驕門下多死士。衣履珠玉裝。千金買寶劍。碎礪日光鐔。射獵上林苑。殺人燕市傍。百萬酬知己。一飯不敢忘。解兵用談笑。抵掌屈侯王。小哉秦舞陽。戚國乃倉皇。請纓事戎伍。何論殺與傷。

男兒死。鬪下白骨。汚山岡。

從來俠客是血性。人做血性。又須濟以學問。先生有謂之談。

舟中晚望

放棹夕陽下。蕭然一葉舟。鳥歸萬戶靜。月出片帆秋。遠樹連雲翠。空山帶水浮。故園何處問。徙倚望江流。

早行

同是南歸意。晨鐘催早行。橈歌侵夜夢。月影照江聲。露白疎櫺濕。風高流水平。堪憐舟子意。談

笑片帆輕。

上六句俱寫早行。結輕輕拓開。絕有作法。

歲暮旅懷

兀坐亦何言。空庭鳥雀喧。厭貧時作客。避俗不
開門。雲影連燈濕。雨聲帶樹昏。哀猿荒嶂外。臥
聽欲銷魂。
三四句見高人行徑。

送陳鳳竹歸汀寧

相逢意氣重。携手入長安。征馬一朝去。蘆花滿
地寒。雞聲催曉夢。露影濕歸鞍。君到金陵後。應
思離別難。

春日江村雜興

風輕宿霧收。春色滿平疇。野樹多穿屋。溪花不礙舟。雨餘山疊翠。雪後水添流。何事子喬鶴。翱翔徧十洲。

溪水自潺湲。春來不閉關。空江月出早。靜樹鳥歸閒。潮到將吞岸。雲飛欲動山。悠然頻眺望。長嘯不知還。

夜過揚子江

輕舟帶月渡江濱。揚子江頭夜色紛。寺影俱由

烟裏過。濤聲半在夢中聞。懸知南北長河限。還憶荆吳一水分。白露蒼茫無處盡。寒鐘已濕滿江雲。

三四句是夜渡五六句是揚子江結句點時景獨絕

廣陵道中逢友人黃君竹以倦遊歸隱賦

此贈別

从客顏顏懶問津。蕭蕭衣帶畏逢人。桐溪錦釣長辭漢。楚水桃花亦避秦。雲到江頭帆影濕。雨過嶺上馬蹄辛。風烟欲斷關河路。莫怨空山草

木貧。

雨晴

昨夜淒風吹我寒。荒郊竹屋雨聲殘。一朝日散
平疇淨。滿道沙飛落葉乾。未雨不知晴日好。新
晴方覺雨時難。疎雲已盡高天大。且向中原放
眼看。寫得疎快結更悲壯

擬唐早朝詩

雞人報曙鳳樓前。殿上傳呼揮彩鞭。絳闕星稀
明曉月。瑤臺風煖散寒烟。羽林甲盾森儀衛。玉
帛衣冠護御筵。遙望天顏方咫尺。仗聲已在五
雲邊。

擬由于悟悟得深方擬得切非徒具衣冠而已予曾有擬唐之刻對先生爽然自失

燕都感懷

旅中寂寞怨離分。樹色蟲聲非故園。明月憐人
時。共照颼風掃葉向誰捫。興來投轄常驚坐。性
如見其人癖耽書只杜門。八月秋深天氣肅。夜來坐聽擣
衣喧。

古寺寒鴉帶露鳴。河橋綠樹落秋英。將軍射獵

花邊過公子。彈箏月下。行。駟。僧。場。中。多。識。面。黃。
金臺上孰知名。漸離故塚。蓬蒿滿。何處臨風聽。
筑聲。定是燕都感懷別移不得筆亦雄健。

落花詩

春色將歸不忍看。飛絲落絮已闌珊。因風吹繞
朱簾暗。帶雨輕沾繡閣寒。羯鼓頻催難再發。金
鈴長護亦隨殘。相逢又是他年事。坐對銷魂獨
倚欄。

江村

殘村旅舍動秋思。木葉蕭蕭岸際垂。短壁參差
依野樹。蓬門欹側向江湄。竹橋路細行人少。弱
柳風輕日影移。老叟倦閒常晝臥。時牽蔓艸補
疎籬。

漁舟

數葉輕航江上過。閒將短襪漾清波。魚梁水落
驚秋夢。烟雨舟迴起棹歌。晚簟只堪明月到。早
帆惟挂白雲多。羣鷗日夕沙邊宿。繪繳未工奈
若何。

三四。是義山隨州得意句。先生別有仙才。

過烏衣巷故里

徘徊往事欲傷神，閱閱銷沉淮水濱。
屋有夜烏啼樹冷，梁無舊燕落泥新。
空聞江左衣冠地，不見風流王謝人。
寄語行人休歎息，晉家陵寢亦灰塵。

讀之蒼涼今古同慨

擬古宮詞

中官宣召按新箏，玉指細彈離恨聲。
却被東風吹散去，君王乍聽未分明。

團扇詞

篋中白團扇，夏來親郎面。
願天不復秋，長與郎相見。
可入樂府

鷓鴣啼

寒林寂無語，鷓鴣啼向曙。
如何不早啼，郎已出門去。

長門怨

久隔上林路，無意對花開。
東風不解事，吹送苑花來。

法若真

黃石

膠州人見扶輪廣集

過懸昭上人將寄懷安賓王

巖逕通朱閣。鐘聲敲午餘。涼非多種樹。閒不更
非佳客可知畦蔬看月東。山石懷人北海書。以貧諸客廢瘦
馬到門初。

卽席和王敬哉夫子韻

蕭蕭暮樹響。不及子無情。論古存知己。談心誤
半生。山鄰見獸走。草厚與人平。猶恐黃金客。千
秋浪得名。
三四句傷今日之無人也

齊雲湖言懷

複閣峻嶒大海臨。晴橋沙渚色陰陰。弟昆杖底
山河句。我輩中原聖主心。風雨不堪無那老。遭
逢何故復如今。尚憐大劔寒予篋。莫埽櫳前秋
葉深。

山亭

偶來買酒山亭醉。恰拂秋雲馬上輕。歌盡山河
無限淚。霜催橘柚百年盟。抱門鷺宿沙初白。隔
夜人歸月半明。江檻蕭條眠不得。御溝蹀躞泛
秋聲。

三四句言情五六句寫景結則情中帶景真盛唐佳律

蕭震 鳴霆 長源侯官人

輓陳天章督臺兼頌祀名宦

今古殷憂憶老成。春秋松桷象崢嶸。於維宵旰
懷南國。言載馳驅屬上卿。特簡中丞專斧鉞。旋
看司馬建鈴鉦。分弓玉帳行枚。肅校獵。霓旌壁
壘明。初仗皇威清越域。重承帝詔控閩城。七年
檠戟新開府。八郡河山舊勒營。故老尚思橫海
日。漢庭猶重伏波名。臨流慷慨深舟楫。抵掌東
南靜甲兵。自爲雲龍新鼎績。更憐水火聖朝氓。

鏡歌已奏師中捷。牙旆還從海上行。好擬垂功
三組重。豈緣許國一身輕。將星夜向中軍落。明
月秋寒斥堠驚。峴首不堪追叔子。淄青何意失
元衡。黃雲漠漠轅門暗。夜雨瀟瀟刁斗橫。海岱
高深留鳥影。旂常歌頌見輿情。祇今香火千年
永。爲報天南萬里清。善後况多賢共濟。忠魂應
已慰徂征。

錢升 日菴 順天人見三體驪珠集

午日

習習薰風透碧枝。湘簾綈几午陰遲。為民續命。絲何補。循職儲材。艾可期。梔白榴紅隨俗艷。琴具世幽鶴靜。少人知。東南近事真繁若。此日愁吟賣穀詩。
三四句言情映帶午日絕妙

登城樓

孤城百雉滿平蕪。遙睇蒼茫入畫圖。浩蕩白雲連海嶠。岿峩青嶂鎖吳都。秋來鴈鷺還高下。日落帆檣乍有無。指點舊朝形勝在。萬家烟樹影模糊。

讀此如登鐵甕城一望長江俯金焦在抱真畫家白描手

望遠曲

迢遞關山杳靄中。梨雲落漠繡閨空。應憐帳掩茱萸月。祇恨牕虛玳瑁風。曉起畫眉橫鏡綠。宵深灑淚落衾紅。年年春色催腸斷。那得音塵寄鴈鴻。

龔賢野遺崑山人所著有半山堂集四卷

送汪楫遊廬山

匡俗愛危坐。茲山曾結廬。廬山以此名。千載其

故墟諸峰洗春晴。白雲常有餘。遙見瀑泉下。玉
龍垂紫虛。乾坤接混茫。江湖在庭除。風帆卷敗
籜。左右皆焉如。始知靈異境。乃爲神仙居。君年
未四十。名場爛吹噓。忽然發高興。鞭船隨老漁。
西游跨石梁。豆花香衣裾。恨我不及從。散髮臥
林間。歸來倘相示。新詩抵璠璣。

直一筆寫成。雖有拔山
之力。不能移易一字。

病起示籜壁先生

人生海上波。起立能幾時。波滅還復起。而我安
得知。古人惜寸陰。此念兢兢爲。安期度千歲。何
異襍中兒。子淵實早夭。于今弘聲施。勗哉羅先
生。平居慎所思。着屐踐苔草。空堂雲四垂。宵深
炙明月。高坐調冰絲。一息足優游。大運從終馳。

只作自家詩。却與古體相合。今之極力摹古
者。反不相肖。

乞竹詩

呂望不釣魚。樊噲曾屠狗。英雄處田間。時命多
不偶。所以柴桑翁。但飲柴桑酒。吾儕真小人。畏
熱如焚首。新買山下宅。荒園纔半畝。不敢種青

言
松。松。前。人。易。朽。願。移。竹。數。竿。急。掩。貧。家。醜。今。夜。
風。雨。聲。忽。然。生。戶。牖。誰。能。割。清。陰。郵。書。問。鄰。叟。
贈。齊。高。士
守。此。一。叢。蘭。戶。外。無。所。營。朝。見。白。花。吐。暮。見。碧。
草。生。如。此。三。千。年。無。人。與。汝。爭。

半畝園詩

嗟。嗟。少。年。日。識。事。苦。不。深。自。知。非。通。才。奚。足。承。
華。簪。一。丘。養。吾。志。天。空。鳴。素。琴。攝。生。調。茗。藥。戶。
外。多。幽。尋。希。壽。七。十。年。而。正。黔。婁。衾。私。謂。此。薄。

分。蒼。公。必。鑒。臨。孰。知。彼。蒼。者。大。笑。如。不。任。笑。我。
疲。馬。足。敢。具。冥。鴻。心。英。雄。求。神。仙。尚。謂。思。荒。淫。
責。我。太。狂。瞽。罰。我。走。窾。窾。覓。食。不。毛。地。冰。霜。懷。
衣。襟。皮。寬。正。裏。骨。鬢。焦。喉。亦。暗。壯。歲。始。有。家。兒。
童。已。森。森。避。賊。還。避。兵。奔。騰。如。驚。禽。因。而。賦。歸。
來。莫。辨。家。山。岑。瓦。屋。四。五。間。購。之。將。百。金。餘。地。
纔。半。畝。新。竹。乍。成。陰。晨。興。復。偃。仰。頗。畏。人。事。侵。
饑。死。不。再。出。回。首。皆。湯。燖。今。年。旱。已。甚。旋。復。施。
甘。霖。穀。價。不。及。騰。豈。憂。虛。釜。鬻。荷。鋤。荅。成。功。戮。

力補高吟寄謝交遊人。與子別升沉。已知越天末歲時遺好音。

先生久游維揚僑寓金陵構半畝園于清涼山下以詩畫娛日名公巨卿爭枉車騎先生固環堵自若也讀此詩可以想其概

與費密登清涼臺

與爾傾杯酒。閒登山。上臺臺高出城闕。一望大江開。日入牛羊下。天空鴻鴈來。陳宮在何處。古井閉蒼苔。

贈孫八枝蔚

作客魚鹽市。長貧獨奈何。齊王非不問。寧戚本無歌。自信紅顏在。誰知白髮多。妻孥幸相守。千古重蹉跎。

大有含蓄

經故里

歸來非遠客。下馬淚雙垂。故里宛如昨。居人知是誰。難逢耆舊語。喜見兒童嬉。喬木何年伐。傷心明月時。

揚州懷古

隋皇昔巡幸。龍舟何巍巍。三千殿脚女。歌聲清

且微看花蕃。釐觀白日生光輝。至今雷塘上。游魂不得歸。
是青蓮一首不對律詩

安豐吳高士

魯連蹈東海。千載慕其人。此日吳高士。風流是後身。窮荒難久處。浩蕩實相鄰。晚坐衡門下。欣無戰伐塵。

自永安歸過召伯湖遇雨

秋暑易爲雨。因過召伯湖。中途避風浪。短棹入菰蒲。喜見遊魚躍。愁聞水鳥呼。殷勤問三老。今夜到家無。

登石頭城

誰鑿石頭城。城空人斷行。邊秋多白草。晉室是東京。老馬當關臥。荒雞上隴鳴。長江流不盡。落日最傷情。
以第二句爲主。下六句皆城空無人。

哭梁四以樟

淮水坐垂釣。波清雙鬢華。終身羞向北。端的爲無家。死去埋芳草。生前愁落花。他年來弔客。須是賈長沙。

與楊郡丞悼其弟岳

君家好兄弟，獨念季方才。南國高車駐，中原名士來。學書變鍾衛，作賦擬鄒枚。知是星精降，還隨鶴使迴。

除夕石城門送客

歲晚一尊酒，空天舞雪花。送君銜淚別，去住各無家。城下寒流斷，津頭孤棹斜。自然生白髮，不必奏清笳。

寄流人

上林餘茂草，蘇武近如何。空有隨陽鴈，曾無繫足書。朔雲迷悵望，邊月對躊躇。應作遼東鶴，歸來吊故墟。

友人罷官歸里別後憶之

蜀國去吳天，風濤路八千。乍離方昨日，相見是何年。淚逐猿聲落，書教魚腹傳。相如還故里，叩令最周旋。
三四句平淡中有意意思一結感慨情深

懷山陽丘子胡子闍子

悔作浪游人，還家多苦辛。所交惟數子，一別便

終身。叔夜。懶成癖。原生病。是貧。風烟。接淮甸。相望。卽相親。
結句淚痕猶在

宿山家

托宿山家秋月明。主人携酒榻前傾。月斜酒盡主人去。一夜惟聞溪水聲。

攝山卽事

午涼散坐碧山頭。赤日當空殿角幽。沽酒人歸滿身濕。下方雷雨正綢繆。

紀事詩只于廿八字中說得詳盡所以爲難

程康莊

坦如 崑崙武鄉人

寄西河萬僉憲

臬使單車執法年。森然玉尺鏡中懸。澄清喜見西河郡。提挾還兼六府權。萬戶風烟分氣色。千山桃李盡芳妍。君王鎖鑰雄方鎮。象緯恒占四輔前。

金山

萬里澄江百尺深。登臨遙動白雲心。神仙有術能浮玉。老衲無言識藏金。潮過蓬壺通夜息。風

分吳楚散秋陰。歸然怪石憑虛峙。南北帆檣自古今。

千艘萬楫達邗溝。計切漕鹽兩大籌。俯瞰洪河臨北界。平分漢沔出中流。無風亦浪龍門渡。有月常吟客子舟。薄暮空江橫塔影。蕭森一望蓼花秋。

雲山鬱鬱水茫茫。吞海亭高望大荒。兩岸旌旗增堡堞。六朝洲渚幾滄桑。赤烏此地通吳會。白雉何時貢越裳。願得萬年鯨浪息。寒江無雨過重陽。

金山詩充梁壓棟幾使人無下筆處先生取當前實景出以渾雄博厚之詞非小小題詠家可比吾不畏其才大而畏其氣充也

焦山

一山浮翠落城隈。清磬聲聞兩岸開。樹杪人家經雨出。海門魚浪逐風來。雲公說法還留石。焦子辭金不起臺。極目江天千古思。塵勞慙說佩刀才。

三四句寫景五六句指事結出感慨本旨真盛唐傑作

甘露寺

山樓高擁白雲平。萬壑千峰面面生。絕壁幾人
堪試馬。雙柑若箇解啼鶯。寒夜月翻秋色。石
古松濤起梵聲。坐羨扁舟垂釣叟。烟波江上獨
忘情。

韓 畱

經正

石耕北平人所著有天樵集

山夜聽子敬爲在上人譜琴

柴門閉落日悠然動清鐘。于茲入寂寞。遂覺塵
情空。空山夜雨來靜聽。惟松風矮簷片月白。疎
竹孤燈紅。幽禽夢屢移。清響驚枯桐。遙心自冥
契。百感虛無中。徽絃存至理。妙曲何由終。

夜

出門寒輝看向圓。清宵白雲多在天。歸人已絕
四鄰靜。老樹葉隕風凄然。背鎖燈光守我屋。坦
步徐吟過古渡。長橋立久人不知。明月相隨自
來去。

舟夜

曉發晴光遠。清川夜氣平。纜遲人在夢。舟靜舵

言持二集
移聲樹過漁家暗。潮通月港明。鄉關鼙鼓外。回首客心驚。

寒夜和贈半千

野曠餘殘照。村荒少過人。北風門有雪。黃葉寺無鄰。霜犬號寒苦。山燈照夜貧。家居徒四壁。久是客中身。

夢後作

夢醒淚痕在。還吞夢裏聲。那堪岐路口。才送老親行。荒壁下殘月。涼風吹五更。遙心淒斷處。寥落一雞鳴。

從獅子山取徑往幽棲寺

老僧能引客。指點過長松。崩剝雙崖險。盤迴一嶺重。杖窮生仄徑。雲近失前峰。猶有疎林隔。遙遙動午鐘。

登牛首山絕頂

危嶠不可上。仄徑引躋攀。風雨驚殘葉。波濤走亂山。塔西斜照迥。空際大江閒。浩蕩鐘聲外。城鴉幾處還。

香爐峰下觀瀑布

飛瀑懸千仞。衝雲勢自摧。雷霆終日在。霜雪半空來。久立寒風入。還愁落照催。迢迢西澗路。月上首重回。

雨中送春

綠草疎籬映水濱。清溪寂寂四無鄰。一簾細雨仍飛燕。幾日殘花又送春。多病翻愁今夜酒。傷心如別故鄉人。明年客迹知何在。早向天涯慰苦辛。
七言近體必須滿暢此作得之

九日登雞鳴山

聞道東籬菊已黃。無因移向酒樽傍。西風忽起野烟暮。落葉亂飛山樹蒼。鴈帶寒聲歸渚急。江涵秋色與天長。浮雲遮盡登高眼。不許愁人望故鄉。
一結發前人所未發

過半千山居止宿

遠訪新居幽意在。舍南巷北似村郊。引隨地主看鄰竹。自選園蔬動野庖。清夜調琴驚犬吠。草堂設榻改雞巢。山屏送我應閒閉。乘興還來月

裏敲

一味真得妙

山家卽事

山家戀宿看山月。松際清光半未升。涼色漸生。花徑路微風欲滅。草堂燈榻鄰虛壁。夜聲靜。檐壓疎星野氣澄。亦願幽棲來此地。柴門相對幾時能。

波瀾老成

喜陸朝自海安至

燈花前夜喜不測。華門忽有君相尋。談諧矯矯頗如昔。行藏落落終成今。抵死羞出兒女淚。謀

生強作魚鹽心。耿介相看自我輩。牀頭何用千

黃金。

此老長于拘體

樵子

散步竹林前。偶與樵子遇。相看兩不識。持柯下

山去。

淡而厚

川行

川長靜無風。擊楫逐前侶。落日烟水昏。舟人暗相語。

冬夜溪上作

詩集二集
枯柳幾枝低。風鴉向月棲。閣中人語靜。燈影落寒溪。

冬日北村有訪

原上風寒野日晴。相尋遙望北村行。幽人未出迎山客。孤犬籬邊吠幾聲。

陳肇會

昌箕

石福州人見扶輪諸選本

沈雲升中丞長公東生言乃翁殉難始末

志感

倉卒無全計。相從地下遊。馬知秦世界。空著晉春秋。人自歸同穴。山爲觸不周。他年遺史筆。感慨溯風流。

莫愁篇

自是長安有俠邪。訛言新寵更參差。忍牽出塞青絲馬。空想當壚白鼻騮。夜半有心看北斗。生來無願嫁東家。春深漫道嬌無力。愁對相思楊白花。

已亥之役舟抵梁谿阻江不得北發逐隊返棹聊述所聞爰以志慨

言集
孤月淒涼上柳梯。樓船簫鼓寂長堤。姓名空變藏梅市。歌吹誰聞過竹西。十載星霜寒鴈唳。二陵風雨夜烏啼。不勝今古傷心事。欲寫新詩半失題。
滿腹牢騷妙在說不出

殘更夜聽闔閭城。聞道前征又拔營。鎧甲尚留秦士卒。衣冠空對漢公卿。渡河未作枯魚泣。到岸先傳風鶴驚。自昔長江天塹險。故教鍾阜鞏陪京。

漢文自昔詔求賢。衰老依然手一編。禾黍故宮悲勝國。桑麻內地作窮邊。莫言季子游談日。已是公孫射策年。只尺三山京口望。難將遁跡訪焦先。

誰家細雨倚樓看。拂拂西風怯夜寒。嶺外音書鄉信杳。城頭驚柝漏聲殘。巖關羽檄馳銅柱。荒寺藤花落瓦棺。未渡桑乾秋色早。月明何處是長安。

寄荅魏惟度表弟兼送入燕

薊北長安萬里遙。當塗誰肯問漁樵。清宵曲檻

言抄二集
三
窺。螢。草。白。日。虛。牕。夢。鹿。蕉。愛。弟。不。堪。逢。雨。雪。故
人。久。已。隔。雲。霄。縹。緗。本。是。吾。家。事。何。必。金。臺。早
赴。招。

許 泌

天玉

侯官人見扶輪廣集

寄和周櫟園先生清漳城上感懷

瓦屋濛濛不集烏。旌旗迢遞海山孤。饑驢破驛
爲王事。細草新花作戰圖。千里芻蕘親日午。一
時賓客坐城隅。從軍自古推名士。可有淮西文
字無。
上四句寫漳城荒涼在目

答同年黃石菴侍御

千山烽火獨憐予。此日荒廬有致書。亂久天心
方見鴈。愁深民命盡爲魚。張華易老三年劔。趙
壹難登萬里車。海水紛飛南國黯。故人相念喜
如初。
五六句雄健

送董啣伯之燕

一馬溪行青草知。勞勞亭下送君時。故鄉以內
無非亂。廉吏于今不可爲。出境易成遊子賦。入
門先問黨人碑。長安楊柳垂垂地。猶有西曹舊

日詩

西湖訪黃竹子不遇

短髮枯筇問酒徒。霜漁指點出菰蘆。荒山有主惟歸寺。野日無鄰只抱湖。水屋書聲人獨閉。柴門花影鶴相呼。案頭寂寂悲秋士。不信功名是棄繻。

五六句說不遇極幽雅

釋大均

一靈

羅浮人見詩遇選本

望五老峰

飛翠如烟雨。秋來山色濃。夕陽一返照。明滅金

芙蓉獨嘯此亭月。將尋何處鐘。石門精舍近。早

晚巢雲松。

虎溪冬夜

柴門開向夕。倚杖寒烟生。凍月渾無色。空潭若有聲。水隨松子落。石傍梅花橫。欲過西林寺。遲回到五更。

天池

天池深不測。日月出其中。高湧漢陽頂。下連彭蠡東。雪消時飲鹿。春盡未歸鴻。忽作神靈雨。虛

言持二集
無入太空。

鄴城吊古

四野秋風白。荒涼馬不前。歌臺餘蔓草。戰壘沒寒烟。興廢雖難定。奸雄自可憐。空令銅雀妓。留恨綺羅邊。

勉弟

念爾年方少。山村強自持。家貧謀食拙。母在許身遲。春雨犁田後。秋風倚劔時。當年陳孺子。黃老以爲師。

俱出血性絕無絮絮套詞

滄洲見鴈

秋風吹渤海。萬里朔雲乾。孤鴈將何適。南天亦早寒。帛書銜未至。香稻啄空殘。無處尋儔侶。蘆中且自安。

自悲自慰聲淚欲盡

天津夜泊

九河歸帝甸。二海出天津。潮氣疑風雨。燈光見鬼神。孤舟今夜冷。明月異鄉親。回憶承平日。笙歌滿岸春。

寫夜泊淒然

秋日與阿兄

此日天涯意艱難孰可論。死生慙古哲。貧病負中原。野月含霜苦。山泉帶雨渾。祗應返廬阜。鸞鶴自相存。

暮春香山精舍

茆茨人不見。竟日枕書眠。靜去如忘世。饑來但入禪。新桐朝引露。殘雪夜添泉。誰與同春服。東風正可憐。

京口舟中望金焦二山

萬樹分京口。雙峰作海門。潮蒸寒日氣。天插白

雲根。十里鐘聲接中流。塔影奔茫茫。吳楚恨倚

棹與誰論。

題龔柴丈山房

松徑秋初到。茅堂寒欲深。虎風過亂草。蟬露滴空林。招隱成高詠。安貧見道心。殷勤南澗月。夜夜照瑤琴。

吉祥寺古梅

受命生南國。靈根不可移。孤光開雨雪。元氣在茆茨。空寂無人見。芳馨祗自遺。上林松柏盡。珍

重歲寒期

巉巖山寺裡。鐵榦欲爲薪。殘月疑山鬼。深雲隔美人。無花留太古。何草似靈均。再拜虬枝下。江南久望春。

二作意深爲從來詠梅人開一生面

福興山中古梅

一花開混沌。靜者最先知。雪滿空山夜。鐘鳴古寺時。幽光溪四照。素影鶴相持。辛苦傳春信。陰風莫浪吹。

黃龍洞尋南漢天華宮故址

英雄割據未全非。此日龍川霸氣微。輦路已隨秋草沒。歌塵猶作彩雲飛。美人何處貽金錯。壯士當年盡錦衣。一自諸陵風雨後。空留杜宇怨斜暉。

春日雨花臺雜感

荒草陳宮日已非。春魂化燕欲何歸。分明記得秦淮外。一路梅花照翠微。

楊柳青青萬井烟。遊人隔袖揖金鞭。桃花不解王孫恨。開遍胡姬酒肆邊。

釋淨宗 休菴 閩縣人所著有無名草

梅仙山次韻

勝地名傳漢代仙。千年崇祀在雲顛。登臨聊自
開今眼。題壁還慚繼昔賢。十里清江流客夢。數
聲玄鶴唳霜天。獨憐世路干戈滿。一臥空山思
悄然。

參差臺榭碧空懸。欲覓仙源思渺然。石磬敲殘
千嶂月。金風吹破五更天。忠魂未必灰丹竈。國
恨何須托杜鵑。饒我此時濃睡罷。恐教人事變

當年

仙家門對建溪流。風送濤聲入夢幽。不倩漁郎
尋夜笛。還從羽客狎沙鷗。半林落葉飄三徑。萬
里閒雲變九秋。回首梨山天欲曉。依稀寒色上
霜裘。

天河入座斗牛橫。夢裏乘槎浪不驚。君出吳門
唯學隱。予悲漢業幾吞聲。蒼烟白石蓬萊路。霽
月涼風薜荔城。惆悵東南烽火後。忍聞霜角起
邊營。

眼外滄桑一望空。長懸日月在壺中。紫霞洲畔
嘶征馬。浮石洞前跨臥虹。已識黃梁休入夢。不
須蛻骨更乘風。萬山秋老楓林醉。難比先生寸
赤紅。

梅仙山在閩建州之南臨水面城相傳漢子
真成仙之地丹竈井臼尚存太守徐元伯倡
首和者如林休菴五作為一時所嘆賞其感
慨淋漓真有不可一世之意毋謂空門無人
也

送魏惟度居士之渭南

南國烽煙變幾年。囊中漫索酒家錢。驪歌悵發

芝山下。俠氣高凌渭水邊。回首桑麻無故上。狂
吟風雪有餘天。知予萬里相思處。雲捲長安月
正圓。

十載詩詞望建南。雛儒誰是出於藍。鳳皇原上
來。新夢明月山頭訪。舊談媿我支離蓬。華下送
君猶贈菊花簪。懸知落雁秋風起。一嘯青天吼
劍鐔。

休菴得法於三宜和尚從西湖歸結茅豐山
之南久與世隔每遇山翁野客談身世之故
輒憤惋不食嘔血數升而止其貧窶自甘至
不能有完袴唯吟咏之聲從千峯松竹間出

曾記其題壁詩有桃花滿流水不見問津人之句讀其詩可以想見其人矣
戴胤夔 九韶 宜興縣人

金山寺

佛踞峰嶸地人從窈窕攀東西層嶂合今古一
僧閒天色江邊岸濤聲寺裏山來游如夢寐須
聽曉鍾還

金山詩最難逼肖非泛泛游山語所可彷彿
先生此作當與張承吉微茫水國分並傳張
南邨稱其鼻祖此山自是定論

詩持二集卷之二 終

詩持二集目錄

卷之三

曹溶 秋岳 十一首

李霽 景喬 十二首

林古度 茂之 十六首

宋琬 荔裳 二十七首

施閏章 愚山 二十八首

張惣 僧持 二十四首

房天駟 大生 十九首

吳綺 蘭次 四首

張一鵠 友鴻 九首

郭鼎京 去問 八首

釋僧殘 石谿 十六首

釋大寧 石湖 十三首

釋興球 子林 四首

詩持二集目錄 卷之三終

詩持二集 卷之三

古閩魏 憲惟度評選

崑山龔 賢半千參閱

曹溶 鑿躬 秋岳秀水人

觀拂水歌

往往歲暮登山椒。沙黃雪密封枯條。泉源凍盡流不得。仰觀天宇雙鴻遙。我今再過值闌暑。黑虹如帶飄湖渚。狂霖三日發瀑布。雖逢泥滑當視汝。村前竹輿疾且輕。十里劣作五里行。穿松

造坂始一息。隔谷已見濺濺鳴。得名未許他方。畫瀑布妙手。借遊龍千道光。相射怒捲雷霆石上生。高奔江海空中瀉。亭午南風氣力微。不能挾水使倒飛。偶然披拂僅盈尺。敢許錯落同珠璣。路傍野老髮勝銀。爲言此水若有神。來遊合備清虛福。風色變換恒隨人。蹇予諧俗無奇計。支離豈免山靈棄。俄頃紛多感悼心。白首巖阿真未易。

茉莉篇

吳王舊苑涼如水。銀河照地忘眠美。鶴過陰廊

月漸低。螢飛複館風微起。佳人盡是傾城姿。珊瑚鎖骨冰呈肌。單縠裁成舞袖窄。輕蓮步出歌屏遲。雀釵墜後夕粧急。粉鏡臺平垂手立。橫挑並翼光疑留。密縮同心狀奚及。收却秦珠籠步搖。何藉琅玕壓翠翹。倡條墮馬垂餘繹。宮樣盤龍束短綃。盤龍墮馬愁無及。祇有鮮花動人意。下堦自摘窈窕枝。拂髮忽增靡曼色。屈絲穿雪望玲瓏。拔簪抽玉憐欹側。共蒂連叢露不乾。相偎只對艷姬看。初苞細蕊玻瓈薄。徐舒素萼水

詩集二集
晶寒。拭汗半沾桃簞冷。辟塵斜插犀梳影。枕畔
移。春蝶詎知。帳中送鼻人還省。此時含笑別有
情。此時橫陳百態生。鴛鴦幔角羞無力。烏鵲橋
頭夢不成。亦有秦淮諸女郎。薰衣代燎侈莫當。
家家繡戶朝留葉。人人膩髮夜如霜。那惜金錢
還競賽。淡飾自緣名士愛。乍可招搖日未西。誰
能爛熳開方戴。來從五嶺沉烟霧。正隔長江萬
里路。寸草常令閨閣歡。一生總爲芬芳悞。恨儂
少小作妖嬈。不耐移根去國遙。天寒歲暮空迴
想。金屋終難貯阿嬌。

憶昨

圖治寧虛歲。春風講幄新。閉門驅宦豎。廣坐集
儒紳。兩聯皆無虛歲也。法必哀虞夏。詢無及鬼神。臨危誰苦諫。祇

愛作良臣。

存爲詩史

白門遇黃觀。只值其被事。初釋賦以志慰。
相見疑無日。傷心賊壘中。不虞陶令返。又哭阮
公窮。懸釜食江水。褰衣過漢宮。好留憔悴色。一
棹對秋風。

上四句悲喜如見。末以慰語結之。

吳郡秋思

山外高樓俯夕曛。五噫嗣咏正離羣。寒濤不見橫江鎖。沙草時搖鎮海軍。槎滿吳淞天畔落。秋連鳧鴈客邊聞。長驚竹箭彫疎甚。谷口何年盡白雲。

三四句雄健盡秋思之致

語溪夜泊

春水西迴泊岸冰。重裘不寄冷難勝。心窮進退兵戈阻。行遍燕吳歲月增。宿鳥迎人喧過艦。烟巒作雨暗孤燈。千年霸國今存否。自向漁樵數廢興。

五六句是夜泊實景

九日芝麓總憲招讌慈仁寺卽席賦

遙天吹角鬢絲稀。南望鄉心未拂衣。象管銀箏今日好。紫萸黃菊故都微。眠依冷石孤吟起。醉劈霜螯萬事非。無力銷兵真倚歎。冥鴻還傍五陵飛。

相憐皂帽俯長松。斜日蓬蒿古殿鐘。層閣蕭條飛燕雀。滿城蒼翠落芙蓉。烽烟天濶凭高恨。沙塞花寒對酒濃。江表何年還倦羽。此身終得伴

孤筇。二作慷慨悲歌想見當日對酒情況

恭謁禹陵之一

名山環碧啟幽封。祀典荒涼豈盡供。落日殿庭
圍篠蕩蒼崖風霧泣。龜龍揚州貢篚應來享。侯
國冠裳儼欲從。拜起獨思乘載苦。合驅江海作
朝宗。

江陰道中

沙岸高如阜。田家覆竹陰。潮來又潮落。秋草幾
時深。

戲贈

名園花發水潺潺。何客能容白晝閒。目笑長卿
多隱癖。鏡中還與看青山。

李 霽 景商 坦園高陽人

發江山

行役未云已。所見日以殊。受分有勞逸。安能厭
驅馳。太末控須江。南北實要途。邑里一何敝。田
瘠物色枯。自昔遘喪亂。鋒鏑氣未蘇。及今歲方
饑。斗粟易珠。悍壯揭竿去。穉弱爲流逋。羣盜

隱巖岩出沒如豺。驅行侶飽凶。嗟曾無間斯須。
守土急搜勦。滋蔓胡易圖。兼聞虎爲蔬。白日逝。
通衢磨牙恣吞噬。豈直矜負嶠。迢迢四千里。艱
阻首茲區。知命復何懼。惻俗能無吁。遙市輳商
舶。有里曰清湖。解鞍試休沐。昂首畏景晡。

旣憂羣盜復愁猛虎
軫念民生萬里如見

楓嶺

楓嶺與梨嶺。南北相拱揖。石脈固潛通。蟠峙各
獨立。林木互糾紛。亂峰森巖巖。其巔判閩浙。風

土隔邦邑。躋崖俯絕谷。轉道僅微級。凌空危橋
滑。束澗鳴溜急。負擔盡游估。攀緣如蟻集。傷哉
營微利。走險詎夙習。下見稻畦人。驚客舉簑笠。
馳騫違所性。遭迴增憂悒。

上念居民此憂行旅仁
人于役何往不用其心

梨嶺

梨嶺曰五顯。以其神最靈。廟貌踞幽麓。旌幢幻
窈冥。祈請走途旅。輸誠肅筵厥。職在彰瘡。豈
惟酒食馨。我行暫留憇。晦雨曾無停。石磴仰逼

言林二集
六
仄崖谷深蒼青。辭家百晨暮。傲詭多所經。浩焉
窺大化物。我俱未寧。
神之赫濯山之嶽嶽筆
筆寫出

舟發浦城

地形下東南。灘溜如矢疾。客行衝霧雨。扁舟僅
容膝。粼粼沙痕高。齒齒石鋒密。礪礪中流。鉅
細狀非一。狹逼驚濤飛。深沸漩渦溢。舟楫巧紆
避。簸盪神先怵。篙工一失手。勢爭洪波汨。苑薈
崖卉稠。奔激崖峰峯。峯巖奇。豫初覽。煩促厭縷述。
乘流怪浮生。坎止私願畢。

溪灘奇險縱筆圖成使行人動色
相戒當與少陵入蜀諸作並傳

喜晤孫星衡社丈述贈

昔判長安袂。烽烟漲薊丘。窮交惟我在。遠道爲
君愁。豈意三年別。同爲萬里遊。晤言如夢寐。于
邑豈能酬。

絕境垂天末。君來是幾時。南行同侶少。北上逆
波遲。城郭矜榕樹。盤餐首荔枝。殊方驚物態。一
一費周咨。

長夏閒居雜興

言持二集
淡蕩羲皇臥。英雄河朔杯。斯人難復起。古道日
塵埃。鬪捷山多徑。全生木不才。兩端終易剖。決
策是歸來。

是迂非敢傲。惟嬾乃宜閒。偃蹇狂奴態。浮沉供
奉班。蒼頭驅采藥。青眼放看山。大小原殊隱。吾
其季孟間。

吾鄉頻苦潦。今歲雨仍多。濤浦皆漂麥。甌窶但
伐罷。孤村隨聚沫。平野劃洪河。莫向秋原聽。無
人哭綠波。

毘陵道中卽事

離觴擾擾江南北。坐使春衣改夏衫。爲問辭家
理孤棹。何如託命向長鑱。人藏小墅花三月。岸
夾修篁雨一帆。佳地移居知得未。擬將行止問
巫咸。
五六句雅飭

舟發邵武

信宿樵州一棹歌。崎嶇未已復驚波。扁舟迅下
青山送客路。相逢白眼多。去住旅情殊顧盼。低
徊陳跡易消磨。桓桓大纛雄千騎。欲悔操觚美

荷戈。

一水滄溟試問津。七臺綿渺欲尋真。急灘亂石
篙師力。霧瘴嵐烟使客身。萍梗已甘飄泊稔。簡
書何復往來頻。回頭百里煙波改。祇有熙春不

厭人。熙春山名

相國奉簡書入閩其于閩之山川民物無一不悉心周訪凡見諸詩章者皆大有關係非徒於山雲水月自為吟嘯已也偶從家駿石得數詩急以授梓使天下共見相國苦心云

林古度 茂之 那子福唐人所著有乳山藏雲館諸集

過友夏園寓

幽深欣所往。況是爾居停。花密不分色。山寒唯
作青。艷陽難靜理。好友易忘形。幾日來同此。柴
扉莫自扃。

泛舟青溪與友夏言別

新晴期早戒。共泛出華林。宿雨浴山翠。一溪閒
柳陰。屢烟橋欲失。乍月水疑深。好泊留儂處。聊
遲行者心。

十七夜月

望後聊相待。于林尚未殘。不知當夜永。只覺近。
江寒客與光。俱澹情隨步。屢寬最憐歸。臥後猶
在翠微端。

明甫永啓同宿焦山

江盡一山出。海門相對之。來乘風日好。坐弄水。
雲奇寺險臨無地。洲長似有基。因懷焦處士。今
昔不同時。

孤危分兩岼。島嶼絕中流。瘞鶴銘重建。徵人詔
已休。往來如峽渡。吟嘯亦巖樓。却望金山影。微

茫隔上游

玉女潭

一片深潭水。千秋有遠名。入林貪爽絕。坐石覺
寒生。玉女遊應樂。神龍臥亦清。時疑涼雨動。山
外自然晴。
結句意深是潭中妙景

秦淮秋泛

水汎清人意。秋光最可憐。已逢邀客酒。詎惜買
舟錢。雲薄山仍月。風長樹不烟。去來何處所。只
在蓼花邊。

江行卽事

江上棹經旬。晴暉日映人。山痕青到晚。樹色暖。
如春。客意遲俱嬾。鷗情靜自馴。安流隨去去。買
醉喚舟隣。

新月

片月何輕薄。初生不是殘。天容俱入澹。江氣乍
添寒。影在人家遠。光隨客棹單。那堪一吟望。已
復落雲端。

到九江同喻宣仲曹能始陸赤侯鶴聞湖

散步

到逢皆舊好。閒步亦深情。嶽色高含霧。江光冷
過城。無期往返易。每日嘯歌清。漠漠衝寒雁。愁
聞時一聲。

看月同能始作

空庭無草樹。更覺月明多。滿砌疑氷結。微雲似
雁過。人間偏後睡。思發一高歌。攬袂延深夜。寒
光奈若何。
三四句躁人道不出

東下舟中作

言持二集
中流一望氣蒼涼。東下千帆背夕陽。沙遠樹疎
都若影。天低月近。漸成光。須臾江縣分吳楚。歷
亂秋鴻起陣行。歸去定知籬畔菊。待人猶照數
枝霜。

同王永啓胡彭舉吳聖初兄子丘秦淮汎
舟夜雨

雨入梅時易積陰。溟濛景色夜森沉。山疑在郭
因嵐重。船礙過橋爲漲深。妓席忽聞鶯乍度。人
家都喜酒相尋。誰知一片秦淮水。能遣風流自

古今

夏日將從永啓之梁溪諸子餞別弘濟寺

登燕子磯解纜

金陵名勝足盤桓。到處登臨興不闌。水寺半緣
高壁起。雲峰都入大江看。客情只向三吳近。酒
氣難消六月寒。到晚磯頭忘解纜。轉因離別縱
遊觀。定是江上詩。結出別意不俗。

曹大叅舟中詠盆菊

數枝無意自欹斜。影入清江映白沙。最愛夕陽

言林二集
船泊處欲教寒色倚蘆花。

已辭籬落不勝愁。可奈移根載別舟。此去正過彭澤地。無人知是秣陵秋。
二首姿態獨絕

宋

琬

玉叔

荔裳萊陽人所著有安雅堂集

大雪自卦臺宿張秀才家

看山不厭遲。暝色一何速。雪花埋馬蹄。迺就田家宿。秦風無索綯。白板新泥屋。主人貧且閒。鮮種滿園竹。苔云遠塵市。新曆未曾讀。昨因賽先農。豚肩會宗族。幸有濁醪存。使君盡一斛。夜聲靜。鷄犬朝光見。麋鹿告歸且復留。公府下尺牘。何日謝簪纓。還山買黃犢。

游釣臺作

未雨山如醉。既雨山如醒。遙遙水雲間。蒼翠無時定。我攜筇竹根。捫蘿踐危磴。平穿鷗鷺羣。幽造鹿麋徑。高峰矗層霄。突兀有餘勁。鳴榔潭底。搖吹簫谷中。應僧房水鳥棲。松際孤烟凝。薄暮且投綸。闌干醉復凭。
全首皆游山實際語

翁玉于年兄以蕭尺木畫杜子美詩冊索

題

蕭生畫手稱絕妙。風格遠過文待詔。曾貌天間
與九歌。荒唐隱怪皆殊肖。三閭大夫色憔悴。山
鬼乘狸善窈窕。解衣盤礴余在旁。舉杯向天發
狂嘯。翁侯酷愛少陵詩。驚人佳句常相隨。手裂
生絹三十幅。蕭生一一丹青之。浣花草堂若在
眼。劔門棧道橫參差。罷權歸來無長物。獨携此
冊還京師。長安公卿頗好事。書畫寧復論真假。
百鑑始購宣密杯。千金廣買銅臺瓦。此圖一出

笑盡假賞識家

價必高。翁侯愛翫不肯捨。卽今遷謫轉蕭瑟。欲
歸無舟陸無馬。翁侯翁侯誰令爾。愛杜陵翁千
年坎壈將無同。蘆花采采鴈南度。笠澤烟水秋
濛濛。君歸結廬在何處。余欲攜孥學梁鴻。蕭生
夙有五湖志。何不招隱來江東。嗚呼何不招隱
來江東。畫君與余持竿垂釣秋風中。

贈蜀中李鵬海進士

昔君射策明光宮。騰驤燕市驂騑空。誰遣妖星
逼天闕。鼎湖竟墜烏號弓。小臣攀髯死未得。重

言持二集
蘭萬里還鄉國。劍閣嗟我戰血腥。豺狼竊據昏
巴。焚八口淒涼何所歸。窮途那免寒與飢。長鑱
作伴拾橡栗。短褐不完歌采薇。清渭灘頭釣魴
鯉。誅茅結屋將已矣。亭邊呵止故將軍。驢背誰
知前進士。青鞵竹笠秦川來。登高懷古義皇臺。
酒酣拔劍鸚鵡舞。夢回巫峽秋猿哀。達人自古
噉飄蕩。鼓刀而屠太公望。天子宵衣問隱淪。徵
書旦夕磻谿上。

放歌行贈馬義徵

畫花如欲語。畫鳥如欲飛。徐黃已往不可作。近
數淮南馬布衣。蹇驢箬笠來燕市。五侯屏幃生
光輝。尤善蒼鷹及鴻雁。楓林颯颯蘆花稀。霜拳
未下狐兔走。碧波羣唼荇藻肥。我從隴首來。攜
得一鸚鵡。顧影輒哀鳴。交交念儔伍。君繪其一
桐花陰。素壁雕籠相向舞。雪衣化去委蒼苔。丹
青尚爾留風雨。高士從來信不羈。雲林迂絕處。
頭癡狂歌白眼每。驚座醉臥青樓醒。畫眉鸚鵡
典後復何有。但言貫遍盧龍酒。只今八月雁來

詩集
時袖中秃筆還如帚。一幅吳綃酷一斗。

送趙眉魯之任萬年

送君薊門外。飛鳥豫章城。小邑仍愁稅。南荒未
解兵。彈琴驅虎去。買犢勸農耕。束帶應多暇。匡
廬踏月行。
三四句見爲令之難結拓開一步
風流得妙

燕子

燕子何時到。三春遼海西。不嫌官舍冷。來傍畫
梁棲。風雨爲巢苦。雌雄置力齊。吾家有孤姪。勉
屬山妻。

報唐采臣戶部時自寧夏還朝

使君書札勸加餐。又報征車發賀蘭。秦地關山
留庾信。漢家鹽鐵問桓寬。飛鴻夜度朱絃冷。邊
馬晨嘶白艸寒。遷客隴頭憔悴甚。故人傳語到
長安。
三四句博大

恭賀直指劉茶臺

邊隅再覩繡衣裳。父老攜壺滿渭陽。秦苑驂騮
來大夏。漢家租稅到西羌。蒲稍製曲歌天廟。蒟
醬編年自夜郎。劉晏持籌饒遠畧。已知威德及

遐荒

竟是歷下絕得意作

立秋後五日郭給事涵九在顧天水因邀

高虞賓小讌玉泉喜而有贈

戟門深掩似山阿。鸚鵡傳言止客過。對爾一樽驚病減。別來三月覺愁多。隗囂故壘迷衰艸。太昊荒臺長綠蘿。況是登臨秋色好。羊求相和發高歌。

寄候寶鷄党太傅

上相懸車出薊丘。至尊親解御貂裘。千官祖帳榮疏傳。五嶽還丹羨鄴侯。黃綺白隣君子里。亦松元伴帝師游。釣黃谿畔明農客。時向東臯一問牛。

履聲再上近星辰。薄海驚看社稷臣。天下君宗推伯起。關中賓客笑平津。主恩在昔尊三老。父執於今有幾人。慚愧西州門下士。感深不獨爲車茵。

渾雄博大絕無纖小語

登華嶽作

石樓玉井絕攀緣。呼吸分明尺五天。丹嶂似疑

神禹鑿蒼松。猶是武皇年。九霄唳鶴明。星館百
道飛虹瀑布懸。近日君王徵禪艸。小臣欲奏白
雲篇。典重與華嶽並峙。結有規諷。

鸚鵡

雕籠萬里托征鞍。辛苦何辭行路難。幽閣恰添
嬌女伴。方音猶作部民看。且分薄俸供秔稻。莫
遣春風瘁羽翰。流水隴頭相憶否。朔雲邊月不
勝寒。三四句極巧。然不纖。

招直方第看海棠於慈仁寺作

並馬來看錦樹林。殿門春盡晝陰陰。雨餘休沐
逢花落。病起登臨見客心。隔葉流鶯嬌欲歇。上
方哀磬晚逾沉。當年金谷追遊地。松栢丘陵自
古今。三四句幽摯。結出感慨本旨。

送傅介侯督餉寧夏

賀蘭西望鬱嵯峨。使者乘春攬轡過。三輔征輸
何日盡。二陵風雨至今多。邊城楊柳樓中笛。羌
女葡萄塞下歌。君到坐傳青海箭。不妨草檄倚
瑯戈。

三月既望同米吉士小飲翟園是日雨雪
習池長日鎖莓苔。好友追修禊事來。春雪暫教
留雁住。殘生猶得見花開。愁中對酒偏能醉。老
去無家轉自哀。苦憶城南隄上柳。杖藜須看百
千迴。

○雨中飲汪荅文齋中

文章誰復狎齊盟。共說吳江陸士衡。官自左遷
忘世法。人從垂死見交情。小山最愛淮南賦。大
雅空慚稷下生。暇日追隨頻載酒。看花莫負雨

初晴

任城晤王蘭陔水部留贈

偶隨征鴈過西軒。乍解綈袍意自溫。笑插黃花
驚我在。能添白髮是君恩。移燈欲代秋蟲語。剪
紙還招客子魂。回首六橋明月夜。濁醪一石獨
留髡。

感泣不盡是初晤時語

盧橘垂垂屋角青。短籬疎樹草玄亭。閒眠東閣
修花史。坐對南池注水經。檻外鷺羣堪卓筆。風
前鶴子自梳翎。何人偏唱陽關疊。別後浮雲此

際停。三四句幽細

檢閱故人姜貧管遺稿泣然有作

宿草萋萋幾度春。招魂不返大江濱。安知嗣祖
非為福。況有要離可作鄰。良友心期違楚些。孤
兒風貌是吳人。西風似箭吹殘燭。三復遺文淚
滿巾。

秋雨聲

劍閣泥深幸蜀年。淋鈴一曲至今傳。霏霏無奈
初長夜。淅淅偏多向曉天。衰柳隄邊驚鷺語。枯

荷葉上攪鷗眠。盧家少婦橫波淚。濕盡箜篌十
五絃。

雁聲

桑乾木落葉紛紛。嘹唳征鴻不可聞。南去黃陵
哀帝子。北來青塚哭昭君。銜蘆肅肅眠沙渚。帶
雨噫噫入暮雲。銷盡客魂招未得。驚心非獨為
離羣。

蟲聲

耿耿雙星隔絳河。亂蛩幽怨出平莎。美人簾外

清商曲壯士尊前變徵歌為傍疎燈哀轉劇却

憐明月語偏多西堂有客中宵坐九辨吟成奈

爾何大手筆作小題詩自無寒儉猥瑣之習
玩上三作可見

丁未閏月姜及生封翁招同孫魯山年伯

游牛首從獻花巖至祖堂信宿乃還

城中雪霽瞻雙闕此日遠陪杖底看古木十圍

遮鳥道大江千里見龍蟠行穿洞壑棲禽響臥

近星河襟被寒壺榼已傾童子報夜來添筭足

朝餐

百級危梯倚翠微薜蘿深處啓禪扉塢巔紫鶴

馴仍下樹杪黃鸝靜不飛絕壁樓臺朝日射下

方城郭晚烟圍丈人筋力過吾健歷險尋源願

豈違

馬嵬

何事漁陽動鼓鞞香魂不逐六龍西可憐杜宇

聲聲血只在長生殿裏啼

施閏章尚白 愚山宛陵人所著有觀海紀
行諸集

歲暮送伯璣之武林先是有偕往之約

詩集二集
停楫待同舟。送君成獨發。惆悵紛難陳。佇立生
白髮。養疴歲序殫。客愁無斷絕。北風吹孤蓬。安
知吳與越。江頭楓樹寒。雙鳥啼不歇。中宵吾有
夢。先向西冷月。

廣陵女兒行

廣陵女兒多如雲。香車翠幙來紛紛。蛾眉不借
青螺黛。蘭麝長薰白練裙。生來不識弄機杼。繡
戶朱簾學歌舞。庭前結駟皆貴人。門外連檣復
大賈。徐行玉珮何珊珊。十三十四就人看得金。

那問狂夫老。嫁遠寧辭行。路難狂夫作。意看不
足頻。換新裝重。結束旁觀爭。道是珠顏阿嬌自。
許歸金屋。弱質盈盈一葉輕。含羞宛轉不勝情。
素手當前試斑管。回身拂袖彈銀箏。片時乍喜
春風面。玉腕親教約雙釧。明珠今日買傾城。羅
帳來朝共歡燕。歡燕無須吟白頭。繁華滿眼不
知愁。可憐桃李三春色。溝水東西南北流。

戲謔之言歸於敦厚使聞者足戒關係世道
之篇

城上烏

詩集二集
城上烏。有巢不棲。中夜呼。自言城南賊兵至。殺人如山。烏得舖。烏得舖。且掩口。城頭多健兒。弓箭各在手。彎弓射烏折。雙翼轉眼烏死。蟻得食。聽之悚然。使凶人喪胆。

臘月二十四日奉使舟中祀竈歌

江波倒捲風雪暮。凍浦舟膠不得渡。酌江之水。薦江蘋。薄言送君君。勿怒飽嚼。藜藿君所知。晨炊今日煨山芋。君叩天門咫尺間。孤臣萬里愁關山。憐余家在腸空斷。容借雲車一往還。

廬山遇雨歌

下山自晴上山雨。林深苔滑流石乳。杖藜撥雲雲不開。洞口老猿作人語。忽聞天際一鐘鳴。隔水蒼茫尋磻戶。
起得突兀自是身踞絕頂語

遊弘濟寺及觀音閣

寺倚寒江石。天銜水國秋。懸巖千掌覆。危閣一拳浮。葉盡娑蘿樹。船歸蘆荻洲。老僧閒洗鉢。更臥碧峰頭。

小孤山

中流何處石。浪滾不留沙。春漲橫鼇背。秋空挂
象牙。獨衝江漢怒。危逼日星斜。駐錫僧無地。乘
舟漾月華。
語語實際

赤壁

歌石荒煙路。千年人自游。空青連赤岸。虛白俯
滄洲。日氣蛟宮暖。風聲漢水秋。誰憐詞賦客。今

古一孤舟

全首無虛發

桃葉渡

萬事東流去。爭傳桃葉名。當年曾照影。終古尚

含情。畫舫停歌扇。悲笳動冶城。祇留一片月。猶

是六朝明

結意淒冷

泊沙羨

濤翻天地合。風順轉停舟。江月人難夜。汀花雨
送秋。危城懸窄嶺。一騎飲芳洲。醉入瀟湘去。從
他水自愁。

寄題龔野遺半畝園

小築江城地。幽棲物外心。竹梧經手種。蘿薜閉
門深。雲氣涼依水。鶴聲清滿林。惟應嵇阮輩。來

詩集二集
往得相尋。

結意從閉門深來

雪後大名道中

乍霽川原凍。朔風寒倍增。暮禽飢啄木。疲馬渴
銜冰。大陸雲千疊。恒山雪萬層。翻思巖谷裏。曝
背有閒僧。

結從閒處著。眼妙妙。

送梅子翔

朔風一夜至。庭樹葉皆飛。孤宦百憂集。故人千
里歸。岱雲寒不散。江雁去還稀。遲暮兼離別。愁
君雪滿衣。

東昌道中

馬蹶黃塵起。人行積霧中。寒天無過雁。近海動
悲風。戰地千年苦。平原四面同。客心當落日。極
目見飛蓬。

送方吉偶恤刑楚粵

舊曾遊楚粵。送子倍關心。絕塞干戈滿。孤城瘴
癘侵。亂離人命賤。赦宥主恩深。若聽哀猿叫。
無勞沾客襟。

於三四句看出人命賤。因命賤故愈感
主恩也。言之痛楚如此。

登岱

羣仙冉冉下青峰。迴合虛無紫氣重。日出天門當漢時。雲深御帳拜秦松。雙崖石裂驚龍鬪。四月桃開積雪封。輦道荒蕪民力盡。相如禪草且從容。
正大之言所關不細首句如見

管寧里

管子才名天下重。幼安偏繫達人心。條然穿樹無車馬。率爾揮鋤竟古今。漢代風流多絕軌。海濱文物有徽音。艱難避地成高隱。故宅荒涼不可尋。

可尋。

燕子磯用王貽上韻

磯頭一上一含情。吳楚風帆入掌平。山寺樓臺衝岸出。江村烟火雜雲生。東南極目真天塹。鼓角連年動石城。今古銷沉餘釣艇。斷腸重聽暮潮聲。

燕子磯詩從來作者都作感慨固是本旨然於顧題處未免有泛散之病先生此作于悲壯中絕有斟酌定是登磯上即景之詠移向他處不得所以為難

青州道中

草色青青攬轡游。馬頭見說古營丘。荒村老樹
聞鶯少。舞絮驚沙攬客愁。霸氣尚留齊海岱。微
言誰問魯春秋。登臨預擬蓬萊閣。好倚扶桑到
十洲。
氣雄眼曠

送學士陳公朗出爲山左方伯

太史承恩出建章。登臨碣石近扶桑。璽書持簡
東藩重。劔珮猶餘御苑香。九服山川宗海岱。千
年詞賦誦靈光。淋漓況有龍蛇筆。日觀峯頭勒
幾行。

夏日集龔中丞藤陰下同蘭次友沂大風

髯孫諸子

高齋疎樹午陰涼。鐵幹蒼藤百尺長。葉覆綺疏
衣盡綠。花沾清露席分香。騷人刻燭難成醉。羈
客飛觴不厭狂。退食謾吟招隱句。眼前已挂薜
蘿裳。

孫九萬兵備蜀中

畫省郎官鄴下才。乘軺憲府日邊開。城池百戰
供豺虎。鼓角前驅闢草萊。錦水秋生巫峽壯。峨眉

言林二集
三
脣雲度劍門來。君過杜甫悲歌處。賦就還題尺素迴。

過桑乾

幾歲桑乾夜渡河。金門持節又經過。煙寒碣石鴻飛少。菊老燕山木落多。駐馬荒城無廨舍。傳餐古驛有干戈。可憐輦轂平蕪地。細雨秋原散駱駝。

潯江月夜

卽白樂天作琵琶行處

倚醉無憂行路難。江村燈火逐人看。從教津吏

來詢客。最喜漁翁不識官。月隱匡廬天外白。霜清城郭鏡中寒。琵琶絕調今流水。司馬青衫淚未乾。

結出實事方見老手

晴川樓至大別山絕頂

歷歷晴川古木稀。褰裳絕壁攬春暉。水吞山郭濤偏潤。風起江城花自飛。集浦帆如千樹密。傍巖僧共片雲歸。郎官湖畔還堪醉。細雨西來點客衣。

蒼梧雲蓋寺訪無可上人卽太史方密之

精舍蕭疎山路斜。高人解組卽袈裟。滄桑痛哭知無地。江海流離不見家。雲暗蒼梧飛錫杖。夢歸秋浦泛仙槎。與君坐對成今古。嘗盡冰泉舊井茶。

三四句妻楚

薛伯祥招游開先寺

黃巖巖下弄清暉。古寺寒潭石徑微。寶墨池臺留佛偈。爐峰烟霧染僧衣。峽開青玉奔流急。崖暗蒼龍帶雨歸。誰拾枯松烹瀑布。朝朝目送白雲飛。

三十六灣

湘水行來轉櫂頻。迴波蕩漾送殘春。低頭錯認鄉園水。欲喚青莎渡口人。

比并州之思更深更切

張惲

僧持

南邨江寧人所著有蘼蕪菴集

簡巫巒穉

出門風滿山。片雪吹林麓。潺潺灑胸襟。飄如石飛瀑。憶此山中人。嵩火芬溪谷。開卷把其詩。幽蒼幻心目。浩浩烟無瀾。清光澹可沐。醉欲眺螺峰。誰與傾醞醑。

飲酒

噫吁苦貧士。不能持一尊。古歡寂無譁。可以慰
羈魂。緬想淵明子。飲酒至今存。人生倘不達。老
死荒丘樊。
飲酒夙所適。徒飲亦不歡。山海與離騷。汗漫愁
心肝。不如對我友。使我煩紆寬。愀然若有思。廢
卷起長歎。

山中蚤起

夜曉聞新雨中。懷忽清越起。開案上書風。流澹
可閱萬綠覆。庭陰天光爲我設。感此山中人。妙
理尋誰說。

飲王穆如先生齋中

朝過鍾山側。雲烟亂峰嶺。暮宿艸堂阿。木葉瀉
秋影。讀書忘賤貧。歡然得要領。杯酒嘯且歌。所
托天涯永。
是真讀書人

宿靈隱晚步

憶山忽經旬。杳杳不相及。念我山中人。恨無雙
飛翼。羈縛忽頓捐。茲辰乃得入。偕我同心友。努

力。歷荆棘。步趾了。諸峰。雲厨飽香粒。振衣出前
溪。巉岼石林立。欹仄難爲狀。高下互拱揖。日暮
遠烟橫。草木皆作色。欲辨何峰佳。名之不可得。
舟燈

舟燈

小航堤夜泊。燈火亂江城。數點疎星動。孤帆一
水明。輝寒秋。岼淨波定晚風晴。野色茫無際。峯
巒想更青。

林燈

峰壑深無極。穿林頓爾熒。山腰留虎跡。樵路傍
僧行。孤鴈寒空語。三生梵刹盟。遙遙天際窈。烟
裏度鐘聲。

閨燈

幽悵苦無向。芳心靜夜宜。羞郎看瘦影。怯汝炤
愁眉。狎語聲應細。停針寐更遲。玉釵敲欲斷。未
許外人知。

報國寺看松

薊北相思久。今逢迥不同。偶尋蕭寺裏。如造別
峰中。骨蛻飛仙氣。踪遺散聖風。馳驅原咫尺。真

境邈誰通。

往來吾自慣。風雪更依依。仰止如對高士惟長嘯。周旋輒

幾圍。濤聲遲客屐。雲影戀僧衣。時向宵晨立。寒

空接翠微。

不復辨何代。冷然想太初。孤根元耿直。高節自

蕭疎。未敢輕攜酒。焉能常讀書。此中真世外。却

擬結吾廬。

起得峻嶒使人神想

秋竹

吾廬初種竹。空翠集晨烟。澹泊堪移日。蕭疎似

得天。風生嘗奕奕。雨洗更娟娟。塵外相從適。年

來近自然。

三四句能自寫照

誰寫林間意。橫斜清影懸。響通幽磬外。寒覆小

籬邊。遲我秋山屐。懷人雪夜船。蓬門饒逸興。差

半在巖泉。

當戶南山見。晴枝動遠輝。堂高風自逸。林靜鳥

知歸。日暮寒同倚。秋空月一圍。獨看零亂意。峰

影上人衣。

五六句可稱此君知己

宛在菴詩

言集二集
三
祇在人間世。從無車馬經。春歸一水碧。曉起數峰青。過鳥啼高樹。遊魚戲淺汀。週圍雲氣合。籬落不須扃。

春柳

鬱葱猶記御溝邊。迤迤逗春風。漾麗妍。縷挂黃金。常到地。裝成碧玉。竟參天。自顰眉。細吳宮裏。誰舞腰。纖楚館前。祇是鶉啼人。不見無情有。恨裊空烟。

結得鏗然

春濃塞北戍荒城。帶雨含風。總惹情。處士吟高

陶令宅。將軍陣。肅亞夫營。悔教閨閣白頭。恐怕聽關山笛裏聲。還羨邨灣。畦畔去。深陰荷鋪漫

耘耕

閒雅

西溪道上

携將一葉水雲鄉。訪勝前溪不。裏糧村落傍。堤烟市。暖人家。啓戶午炊香。逢迎荷鋪多擔筍。佇立提筐。半採桑。舉步總疑仙境。是。不知何處更茅堂。

悼亡詩

言林二集
三
歎汝應非閨閣人。三生幻出夢中身。蕭然疏布
清風在。菽水朝昏堪愴神。

雪雨瀟瀟憶共燈。茗香清供道人曾。自憐瑟瑟落
秋陰。冷喪我貧居一好朋。

三載歸予婦節存。幽情事事感心魂。荒村病葉
如子瘦。記汝悲予淚有痕。

骨抱清寒性亦疎。汝懷澹澹頗如予。猶悲筆墨
存餘習。狼籍堆中見手書。

蕭騷憶汝恨難降。斜日黃昏炤夕窻。思造竹樓
專供汝。蒲團趺坐澹秋江。

情至語出以幽想

房天駟

大生

江寧人

功臣廟

曆數昇英雄。澤臣氣先會。奮身一四海。神姿識
顛沛。致懷雖有殊。興朝信多賴。皇祖削羣僭。推
拉前狡獪。衣裳復古帝。日月廓清泰。勤政三十
年。兵氣入淘汰。念茲昌明佐。翼翼宣力大。崇勳
芬王書。晦迹拔屠僮。閱世保子孫。勒盟小礪帶。
棖桷升廣丘。大享昭國賚。春秋詔以時。祠嘗薦

尊。酹。雲。殿。服。丹。聖。露。臺。蔭。松。檜。苾。芬。求。古。心。徘徊。發。勝。嘅。我。愛。冬。日。閒。城。囂。避。如。害。獨。邁。托。遐。素。輕。風。速。靜。籟。周。瞻。舊。廟。存。檐。楹。儼。遺。蛻。病。草。委。斷。砌。野。竹。亂。陰。澹。時。有。寒。村。人。揮。鎌。束。蒿。艾。折。磚。賣。金。錢。捕。鼠。擊。石。蓋。渺。渺。疇。昔。志。威。功。礪。草。昧。響。屨。生。鬼。神。靈。風。捲。歸。旂。尚。讀。殘。螭。碑。鴻。章。欽。典。最。如。何。擠。敗。落。眼。中。竟。狼。狽。霜。露。沉。明。裡。風。日。剥。像。繪。百。事。莫。不。然。勢。去。了。無。奈。往。矣。勿。復。道。斜。陽。小。橋。外。

段段叙來淒悲自見

古意

鳴鳩集柔桑。春風上蘭畹。深閨晝漸永。擘擘白。花暖。佳時豈不樂。所思獨在遠。京國多羅綺。王孫遊未返。憐彼玄鳥期。廢此黃昏飯。無心換夕。香。愁。夢。不。肯。穩。莫。繫。石。榴。裙。帶。圍。知。日。損。縱。使。眼。前。歸。行。樂。亦。云。晚。願。煩。氤。氲。使。寄。我。薄。情。阮。自江寧至蕪陰途中雜詩

海氣浮晴雨。江聲撼驛樓。經心偏濺淚。遺矢尚。荒丘。平野三山濶。空天一鴈愁。我行無限意。不

敢問深秋。

起得雄六句意深

不寐亦何緒。起看涼露新。戶疑風動竹。月苦夜歸人。獨樹原無歲。荒村向有春。遙遙遲客夢。將欲置閒身。

署齋二鹿

野性宜豐草。誰教近署窓。豈將丘壑傲。却為稻梁降。入谷仍羅網。依人且一雙。分明偕二仲。吾意已淳龐。

獵犬滿城郭。蕭蕭荒野岑。餘生休抱子。大好是

歸林。飛舉慚毛羽。溪山夢古今。丁寧慎一出。淒

絕友羣心。

借物發意風人之微詞也

自西門放舟至紅橋蓮花蕩

十里邗湖水。樓船六月涼。江山容我輩。風雨老雷塘。鳥語憎歌吹。蓮花勝酒香。斜陽人影散。烟靄正蒼蒼。
以幽淡之筆寫山水自不板重

秋懷

野外荒鴉。暝色催烟中。斷戍鼓音來。北溟鯨浪。奔腥雨南部。鶯花辨劫灰。霜落江門。鸚鵡水月。

寒山寺。鳳凰臺。竹房苦憶前峰路。白酒青燈半
夜開。意深詞雋整練勝劉隨州

搖落青門抱蔓歸。丘園力盡寸心違。崆峒無地
倚長劍。海嶽有人愁短衣。戰陣久淹三峽信。東
南未解貳師圍。清秋社日多風雨。王謝堂前燕
子飛。憤語安閒得溫厚之旨

天空萬壑海門低。乾葦寒莎望不齊。抱日鼉鼉
波上下。隔林魑魅路東西。生憎叢菊荒三徑。努
力狂花臥一溪。騎馬莫教殘郭去。夜來虎過識

新泥。三四美秀六句奇特

白頭閒聽說江南。舊事鄰翁細更諳。魚上秦淮
喧管籥。龍歸鍾阜護雲嵐。香槽酒炷吳姬瑟。永
日花清佛子龕。回首可憐寒色晚。悲風落木正
毵毵。不卽不離閒閒說來皆成痛哭此先生
運筆之妙

識舟亭

晚潮城外上沙江。南北風烟復此亭。老雪不知
頭上白。數峰還向眼中青。輕帆天際歸何急。倦
鳥林間睡未醒。滿地秋聲江路熟。垂鞭信馬踏

疎星

偶然到處觸緒牽懷勿草草讀過

泊燕子磯

初聞鴻雁暮雲晴。獨客輕舟意未平。近水岸寬
潮北落。橫空煙淨。月東生。晉師舊誤丹陽路。商
婦愁歌白下城。重問磯頭渾不管。滔滔日夜大
江聲。

重過鄧元昭太史萬竹園

修篁十畝蔽城陰。涼入輕衣坐未深。香氣到簾
池藕葉書編橫。榻石樓心月廻別院廊。猶下花

隱開階路已侵。傳道主人非避客。亂蛩無數待
秋吟。

摘星樓懷古

摘星人去舊亭荒。歌舞興衰共渺茫。鉢洗殘僧
饒茗粥。岡橫落日下牛羊。重泉未醒揚州夢。飢
鬼空憐麥飯香。惟有承恩多宿草。至今力爲守
雷塘。

歸功宿草無聊之極先生真有別才

攝峰頂

霞棲不肯飛。路仄欲爭鳥。置身凌絕頂。衆山忽

言集
已小

清明

鍾陵松栢起悲涼。新火空憐散竹房。不及蕭梁
舊時寺客來。還作雨花香。
短衣貧賤亂離中。江上烽烟夜不空。野哭應多
新鬼路。棠梨花滿白楊風。

過龍湖

歸鴻一夜故園心。秋色湖波較淺深。輪與晚村
漁父醉傲人。鷄犬出青林。

吳

綺園次

江都人

偕影湘菊人雲止登清涼寺

布袷烏衣領素秋。登高層折遂尋幽。半江落日
千帆亂。六代荒烟一壑收。紅葉有聲鐘出寺。白
蘋無浪水移洲。淒然數盡飛鴻影。故壘蕭蕭指
石頭。

雨後新涼

晞髮園林暑不支。喜聞山雨過階墀。雲陰北嶺
推窗見。氣爽南軒拂簟知。潤滴蕉光沾鶴背。香

詩集二集
殘花片遇蛛絲。詩成恰值鳴鳩歇。猶是斜陽未
轉時。

和杜于皇四十自壽

雪滿長干客路寒。春蔬猶剩七辛盤。憐酒醉
難消。福狂笑吟成勝拜官。新歲階前疎鳥雀。故
人天上足鸚鵡。頭顱尚有星星在。指點青雲且
自寬。

雜興

司馬門前列騎橫。樓船萬里賦長征。黃金裝劍

南蠻使。赤羽移屯北府兵。海國虫沙多變化。江

湖鳧雁亦生成。鄉園已自逢搖落。極望愁聽戰

鼓鳴。

先生詩多俊句。其措意新特。數詞整練。自非尋常可及。然所以不落晚唐蹊徑者。則氣魄學問足以勝之也。余索其全集於陳階六先生。以郵筒未至。先此以傳。尚俟再見。
張一鵠 友鴻 忍齋華亭人所著有滇黔諸集

夏日閒居寄程邨和

修竹團欒處。悠然新築成。棋聲幽澗落。花片小
窗明。蟬靜農歌出。柳高鶯語清。倘來二仲駕。蓬

徑舊知名。

雨潤田園好。占豐在此時。蝶稀穿嫩草。鶯老坐深枝。才拙真天放。情閒畏世知。久拋人事累。應悔買山遲。

細寫景物之幽都非恒徑。

三江

三江夜雨急。蘆岬泊孤舟。野色連雲暗。雷聲薄暑收。明河一夕迥。雙鬢隔年愁。此際真岑寂。相看天地秋。

閏夏至滬上晝公瞻淇周望綠巖半眉諸

君招集曾菴竹素堂卽事

扁舟來海上。乘興集池亭。素鶴臨風白。高樓繞壑青。凭欄遲皓月。把酒歎晨星。二陸家園在。滄桑幾復經。

結構古城南。涵虛水一潭。層陰生夏盡。宿鳥傍雲參。蘿徑通橋澗。松濤帶月酣。坐中有獨醒。倚劔拂星鐔。

次程邨柘園韻并呈未菴先生

有客長維吳下船。春申風雨隔江遙。孤雲一出

歸初岫夕照終年送落潮。獨坐虛堂悲遘事。乍晴殘暑絕塵囂。故人忽到雙魚字。讀罷重吟慰寂寥。

薜蘿藤刺滿柴門。此地惟容老弟昆。有酒共攜桐樹下。閒吟時見翠禽翻。小花密砌喧蜂蝶。夾路幽篁長子孫。但得終朝長抱膝。鹿皮野服是君恩。

園林無事感念君恩忠厚本旨

菊

霸岼凌霜色。花中隱逸姿。肯來三徑裏。處處是

東籬

枝繁不欲剪。扶出傲霜心。已歷三時徧。何須九日尋。

郭鼎京

去問

福唐人所著有潛吟

賦謝孫鳳儀郡丞招集署中池亭

虛亭喜初夏。暄涼適其宜。衆木爭分蔭。欣欣繞向池。新荷日已長。芳草日已滋。主人愛招客。羅列亂深卮。竹葉樽中散。惠風座上披。沙鷗與山鳥。忘機掠水湄。況有遠峰翠。相對如相期。留連

連忘日夕。不識身爲誰。宦情同野意。千古共一時。
有意摹古而古人如親。几席先生是顏謝一流人。

金陵感懷

愧有虛名在何當。書畫船。黃梅幾夜雨。青草六朝烟。匣底留孤劍。囊中美一錢。徒滋鄉國恨。飄泊自年年。
美字比留字佳

金山饒益樓僧宛然留飲

逢僧留小憩。樓上坐雲根。帆影杯中落。潮聲檻外喧。世情忘短髮。幽思想平原。不覺須臾裏。斜

陽下遠村

六句從五句來細看始得

龍游夜放

爲望西湖切。孤舟不繫程。灘聲行漸遠。月色冷尤明。犬吠知村近。風生覺棹輕。不須過夜半。已向灑江城。
冷尤明三字得月之神

古意新聲

粧成自恨語誰知。度燕輕鶯二月時。妾有寸心憐薄倖。郎無尺素慰相思。蘼蕪狹路王孫草。楊柳江頭估客枝。十二欄干凭倚遍。楚腰無力步

言
行遲

黃。鵠。高。飛。影。縱。橫。煌。煌。京。洛。少。年。行。風。停。督。護。
門。前。棹。月。照。司。空。宅。上。觥。九。子。呼。來。棲。柏。樹。千。
騎。驅。去。飲。長。城。燕。歌。一。曲。鴟。絃。澀。腸。斷。中。宵。婉。
轉。情。

香。生。蘭。麝。濕。羅。帷。碧。玉。呼。來。是。小。姬。打。散。鴛。鴦。
傷。妾。恨。教。成。鸚。鵡。咏。君。詩。白。門。草。色。秋。中。落。紫。
塞。簫。聲。月。下。遲。縱。說。化。身。生。比。翼。總。難。飛。去。別。
巢。枝。
三詩工對吾羨其組織之妙

野菊

不。問。淵。明。涉。趣。園。自。矜。黃。白。也。堪。論。白。衣。只。合。
田。間。醉。黃。老。應。須。方。外。尊。風。雨。牆。頭。高。會。獨。松。
筠。塢。裏。晚。香。繁。年。年。開。落。花。偏。盛。野。叟。逢。時。競。
倒。樽。

釋僧殘

石谿

電住楚人

古意

好。想。頭。

瘞。琴。峩。嵒。巔。知。音。何。寥。寥。埋。骨。易。水。旁。俠。士。魂。
猶。驕。物。性。不。可。違。豈。必。漆。與。膠。嘗。恨。語。言。

言者二集
首空搔搔

題畫

千峰萬峰外。更有千萬峰。千峰萬峰人。更有無窮人。人人心眼別。峰峰元自真。脚踏真面目。却向別處尋。寒山與拾得。拍手笑吟吟。相率禮石塊。愛爾得無心。

如此題畫不但無烟火氣并無水墨氣石公得手人自與他家不同

鉏斧銘

我黜知識爾墮鋒鏑。鈍鈍悶悶莫知其鄉。君不見。錐有穎囊不藏。

折脚鐮

托山不深托世苦。在廟器亦瓦礫。靈龜安所養。我聞海上三神山。欲往浮槎悵修廣。流泉逝兮胡浸浸。爾知何處山最深。

末作商量語絕妙

負薪謠

斫棘被棘刺。拔刺仍用棘。寧使身負痛。毋使君無棘。

怨歌

春風吹綠草。草綠傷人心。落花落便落。瓊碎露衣襟。

綠草何傷心之有不說出的妙瓊碎二字寫落花最貼公真為草與花詠耶

寒食清明前。閉門不敢觀。雖然桃李花。正是傷心處。不敢觀則已。觀之矣。傷心在不敢二字。

卽事

旅簡隨行住。白坐易及午。蕭梢籬竹間。滴瀝響秋雨。

身世如虛舟。徜徉未有據。前路不可知。任下風吹去。

山中雜偈

老我空山裏。萬山總不知。當初山未生。我亦如

山時。奇想天開

山中雲霧深。不識人間世。偶然出山遊。還是山中是。

幾日未出門。落葉深一尺。路迷無人行。返景翻石壁。

山中

我與閒雲同一室。雲閒我懶亦相宜。晚風昨夜邀雲去。山有閒人山不知。

雲耶我耶山耶人耶是一是二我不敢知

重寓松濤菴

荻花裊裊隔村烟。秋火柴門半暮天。何意我來重話舊。葉舟橫渡鴈聲前。

題秋樹

二月春花兒女容。莫將霜葉比妍工。一脰熱血

都無用。灑向千山處處紅。

與涉江老人作歸釣圖題此

洞庭之濱有老翁。垂竿過者問有魚否。曰無魚。有詩乃鼓柁而歌曰。八十滄浪一老翁。蘆花江上水連空。世間多少乘除事。良夜月明收釣筒。石谿道者曰。且救得一半亦為之歌曰。

江湖垂釣老成精。識得風波慣壞人。收拾絲綸歸去好。蘆花明月是前身。

識得慣自認得真較八十翁作更深一步

釋大寧 石潮 龍眠人所著有笠山詩集

山中雜詩

竹門藤花開。岑寂自幽適。孤倚松上雲。羣奔澗中石。著我出世書。刈我隴西麥。悠然獨往情。流泉亂阡陌。落日生涼風。天香拂枕席。

想見石公風概

一塢桃花紅。花裏亂泉舞。只見山無人。豈識花無主。桃花但自開。不必傷今古。

寥寥三十字有無限感慨

偶吟

攜杖入深山。拜汝山中石。古寺開石傍。相傳未有額。著個放閒人。清苦同冰檠。一榻堆殘書。隔之以茅簷。空窓何所宜。開閉自朝夕。雲散千峰青。雲起千峰白。盤旋幽靄中。返照上蘿薜。
未多搖曳之致

對松吟

巖際出寒月。遙向松間明。照彼雪巢鶴。孤唳來

清聲側有棲雲者。聽之生幽情。通夕竟不寐。相思無一成。

送安士之湖上

片帆天際下。因識舊遺民。去泛湖頭月。還尋谷口人。孤山原在水。獨鶴不爲隣。樵盡梅花影。難教冰雪春。

一湖春水綠。隨意作浮家。僧住岸邊寺。鷗眠煙際沙。小舟依柳葉。深磬出桃花。殊慰孤征者。悠然對落霞。

二詩傳湖上之神并安士之神亦傳矣

同魏惟度居士由鳳山至長干寺作

琢鍊堆邊去。盤迴出樹端。松門遲落照。江練喜遙看。遊興雲峰遠。詩懷杖履寬。尋人頻錯路。疑不是長干。

雪夜示勞雲

天涯風雪裏。共爾坐寒更。白髮竟何事。青山只此生。峰頭誰獨上。雲外我孤行。半壁梅花影。霜毫畫不成。

浮山

浮山直似少陵詩。平裏含奇未易知。衆壑翠從當路。潑九華青許隔江。窺淺深巖洞。僧棲穩高下。烟雲客到疑。雷雨連朝春水足。峰根白處卽湖湄。
起得奇六句得浮山之神

雜韻

一自入深山。不復知朝莫。瞑目坐藤枝。細想來時路。初交情似濃。交久情似薄。薄不待交久。交初濃卽薄。
爲之悚然

夜寒燒亂葉。嬾上苔牀眠。撫掌發長嘯。響落青雲巔。

峰頂屋三間。松邊石一片。早晚雲飛來。只有樵夫見。
二詩皆石公自得之妙

釋典球

子林 閩人所著有栽松集

山中吟

門外青山好。茅堂古澗前。蒼苔人跡斷。碧樹鳥聲連。睡醒常孤嘯。情深只自憐。不知寒谷外。猶有幾村烟。

古。色。窺。無。盡。春。來。風。自。清。白。雲。頻。往。返。黃。鳥。亂
逢。迎。潭。上。菼。花。映。林。間。麋。鹿。行。深。山。隨。我。住。不
是。世。間。情。

行脚吟

芒。屨。雲。山。到。處。行。爲。尋。師。友。決。疑。城。一。回。清。嘯。
秋。江。上。自。覺。無。言。到。死。生。
平。山。古。木。帶。江。天。乞。食。孤。村。趁。小。船。彼。此。岸。頭。
都。是。客。一。聲。啼。鳥。破。空。烟。

詩持二集卷之三 終

詩持二集目錄

卷之四

王庭

言遠

十九首

王士禛

貽上

二十四首

姜圖南

滙思

十三首

嚴沆

顯亭

七首

胡介

彥遠

十首

申涵光

和孟

十四首

盧士厚

彝度

四首

黃居中 明立 七首

魏裔魯 竟甫 二首

佟國器 滙白 二十首

方文 爾止 十六首

洪理順 爾章 十一首

吳湛 燕斯 六首

羅光忻 庚齋 九首

王仕雲 望如 一首

鄧士傑 萬子 一首

釋智豁 弘鑑 七首

汪起鳳 來儀 一首

范雲鴻 天翮 十首

朱璆 遠公 四首

翁白 未青 一首

詩持二集目錄 卷之四終

詩持二集 卷之四目錄

枕江堂

十首

一首

一首

詩持二集

卷之四

古閩魏 憲惟度評選

同里陳寶鑰錄匡叅閱

王庭

言遠

樵李人所著有三仕草

棧道中作

人行山上高。天在山中小。圓暉易沉夜。初陽遲報曉。馬走山樹巔。飛鳥出其下。雲連深洞迷。石缺危橋架。七盤非險途。三秋足清景。日夕流泉聲。誰能辨喧靜。

言持二集
秋季新會困賊城中食人數萬記變傷之
昔聞睢陽城守之有張許糧盡無以需羅掘雀
與鼠張家小妾身尚肥跪言捨肉充士饑紛紛
刀俎勸相就一時慘節千春輝我嘗讀史心痛
惻近事開州聞不得援絕孤城百日圍枵腹糲
藉藉人食父無全子夫忍妻門前牽出如犬鷄
排墻破柱日尋飽竈烟一起千魂啼馬駝蹂血
街道赤連營白骨高城齊嗚呼城存視昔功不
薄賊去明年爲掩骼

慘極矣存此詩以徵世變奈何使長吏盡聞之

星巖石乳歌

端州城北芟荷爲田十頃有一石洞高
可及仞門開弘厰積水澄澈稍進三十
餘步頗覺幽黑拾級危磴豁交天光旁
有懸崖方丈蔭坐古佛崖溜緣七乳下
狀若北斗星巖得名斯有來矣相對爲
醉翁石亦磊呵一奇觀也歌曰

山氣嗟峨兮澤與通虛受人兮開當中方泉清

冷不可窮。石磴陰陰兮微。激風孰懷胎兮孕。鴻濛涓涓流兮乳沛。潼蓋珠懸兮列宿宮。仙嬰育兮成金童。加沉酒兮名醉翁。將媚此幽兮誰適同。淡而古傳出星巖之奇與小序俱不朽。

過函谷關處

雄圖稱百二。此地古秦封。但恃一丸守。曾勞六國攻。背山城半角。束路澗千重。獨羨關門吏。偏于紫氣逢。

虎牢關

古來爭戰地。設險有遺踪。削壁中開徑。連崗上築墉。出坡多水。嚙過雨。卽泥封。隻馬無相避。應如穴鼠逢。
此等詩但要逼肖便佳先生自是眼明手快

潼關

關門高鎖處。飛鳥不能過。雉堞連羣嶂。風烟俯大河。代更千戰少。勢在一夫多。入夜聞刁斗。軍聲壯若何。

初就粵西道

遠去何堪惜。高堂念有親。艱難家食事。慚愧宦

遊人嶺外梅花舊。江邊桂樹新。寄書愁萬里。歸雁待三春。
大有關係情詞俱摯

題龍鶴洞

谷口荒園半畝餘。編籬種藥有幽居。征繇徧地聊輸稅。兵革頻年尚讀書。庭樹未秋垂橘柚。溪流向晚集禽魚。人間不問如許我。亦經過一下車。

答和方邵邨恤部全州道上作有畫扇見

寄

飛花驛路點春泥。春雨隨車度楚西。百尺灘聲行處聽。千盤嶺色畫中題。天過衡岳猶鴻鴈。地近桃源響犬鷄。南下灘江荒一倍採。風應只有猿啼。
置七十二景中無可辨處

戊戌元旦早朝

燎火光微漏未終。青旗輦道動春風。神臯宮闕開天上。王會車書入畫中。泰叶六符衡轉北。祥杼五色日升東。爐香不逐朝烟散。花底攜歸滿袖濃。
題目莊重最怕板腐吾愛其道秀

將寄山中友人

風塵十載未抽簪。狗祿空慚高隱心。故國山川
非似昔。窮邊花鳥竟如今。時當湯武爭優劣。客
向巢由說淺深。戰伐西南身漸老。一犁春雨夢
相尋。

送客

離尊班草卽江濱。陌上青青看柳新。驛使倉皇
先去路。客懷容易送歸人。陰連楚峽啼猿雨。風
老秦關踏馬塵。飛鳥吳天東望杳。落花誰憶故

園春

和楊猶龍方伯秋興

花開石仄枕江流。鷺浴晴沙隱荻洲。風過前灘
聲乍遠。月搖疎樹影皆秋。樓頭短燭催人醉。馬
上清歌失夜游。獨立行吟詎所羨。翩翩年少有
輕裘。

匣底光芒出太阿。雄心翰馬嘆如皤。西連樊道
仍多棧。東別岷山更有沱。風雨聲馳驚破陣。龍
蛇影暗雜交和。西征作賦應何用。只合空山老

薛蘿

山木蒼蒼晚不凋。山城處處倚空堯。七盤雲棧多驅馬。百丈江舟自鎖橋。冷氣霜開看拭劍。淒聲月墮聽鳴鏐。從軍十載人何似。戰伐西南信尚遙。

寒山日日對荒城。半染霜林墜葉輕。戒火未嫌茅結屋。乘流難效木爲罌。傷貧旅客朝眠影。憶遠閨人夜哭聲。莫定升沉何處卜。垂簾市肆有君平。

寂寞

寂寞西園細雨滋。愁人此日倍堪宜。閒開清鏡尋相識。獨上高樓望所思。家信豈關烽火隔。官情未許簿書知。招魂奈可南方久。漫檢清吟續楚詞。

臨洛道中

征衣薄盡曉寒憎。十日東風暖未能。茅屋人家千畝雪。板橋行蹟一溪水。春迷旅舍來仙枕。晝靜禪扉出佛燈。曠望不須頻策馬。關門高處客

詩集二集

寓陳公季小園

居然官舍有烟霞。深巷門開落照斜。雨過牆頭
茅覆瓦。風吹窗隙紙籠紗。芭蕉結子垂多露。荷
芰含香吐並花。盆內戲魚尋樂國。梁間乳燕識
歸家。虛牀待夢游山屐。短軸新圖泛海槎。棋罷
試矜能覆局。書閒自煮欲翻茶。彈琴靜裏招飛
鶴。濡髮狂來競走蛇。織手夜涼看雪藕。清泉日
永驗浮瓜。朋來老圃尋蔬甲。秋近荒籬探菊芽。
鷓托寸枝如有幸。螢銜孤照亦何誇。清樽一賦
明明月。畏聽城樓繞樹鴉。

七言排律作者絕少如此典瞻必傳之章

王士禛

贈上

阮亭新城人所著有阮亭詩集

種葛篇

葛生在中谷。綠葉菜台台。種葛以連蔓。采葛以
作絲。織為綌與絺。文采何陸離。持妾手中緒。為
君身上衣。君心倘見惜。瀚濯寧敢辭。琴瑟一朝
易。燕婉不可追。長懷柏舟咏。中心悵有違。君為

熱。腸。冷。語。

冷語喚醒

匣中鏡是非當自知。妾是山上石。堅貞諒不移。
江沱水清駛。蘭舟可方思。奈何君子心。棄我忽
若遺。朝來開篋笥。哀怨傷肝脾。願作篋中葛。化
彼萱艸枝。
願得妙到底不怒

宿弘濟寺曉登觀音巖眺望

擊楫凌滄洲。投宿招堤境。入門優曇香。聞鐘夜
方永。高枕聽濤聲。層軒抱江影。曉來微雨過。紅
葉滿高嶺。憑欄見萬里。雲物殊清迥。長山去蜿
蜒。上流壓江郢。海門控金焦。蒼烟翳朝景。信美

聯山川。霸圖遞烟冷。何如學無生。抗跡雲峰頂。

鳴雁行

銀河離離明星爛。南雁飛鳴夜將半。音如哀絃
乍零亂。空房思妾起。長嘆瀟湘一歲一旋歸。冷
郎不如春雁飛。
怨得不俗

洞庭秋水一千里。雁行忽低復驚起。雁門已遠
少繒矢。好共銜蘆育雁子。白蘋洲上芙蓉多。西
風日暮起金波。
拓開一步妙妙

和窟室畫松歌

黃門園中有窟室背枕亞祿名山臨滄溟石壁磊

砢一十丈入眼髣髴生精靈橫壁老松誰所作

海風怒攫山欲傾盛陰五月凜霜雪怒姿萬變

盤電霆疑是溟渤含日氣不然天上來星精我

來盛夏變冬序白晝慘淡生晦冥顛毛亂指舌

上橋寒肌起栗心骨驚上下蒼茫有神鬼左右

騰跳飛颺颺江南吳生昔為此一下筆皆龍

形畢宏韋偃去已久妙筆於今誰弟兄吳生作

此良已苦徂徠銅鞮互變更昔者道子畫壁天

宮寺將軍劔舞何蔚岐興酣筆落氣磅礴萬夫

動色嗟神異吳生畫松已百載鐵幹霜皮終不

改南榮曝背亦吾儔偃蹇龍鱗好相待

以追和意作結全首俎豆少陵而輕鬆之妙是其筆性

觀唐子畏畫羲皇上人放鵬圖

當年曾詠放鵬詩蕭然意與羲皇期六如縑素

寫生筆五柳先生真在茲石路無人泉斷絕空

山蒼蒼見明月鵬飛漸遠看漸微青天一點生

殘雪是步步看去妙妙

宿一叔山齋曉起卽事

草堂今夜宿清夢。雜諸峯不辨羣。溪响遙傳何寺鐘。春禽喧礫戶。涼雨滴杉松。欲竟前山約。煙中好曳筇。

雜字妙換作入字落字俱不如

眺華不注

天半落空青。孤峯削翠屏。雲霞紛罨靄。洞壑秘神靈。吊古思仙棹。探奇驗水經。登臨近重九。風日接蒼溟。

六句乃遊人本領

渡燕子磯

飽挂輕帆趁暮晴。寒江依約落潮平。吳山帶雨參差沒。楚火沿流次第生。名士尚傳麾扇渡。踏歌終怨石頭城。南朝無限傷心史。惆悵秦淮玉笛聲。

登大觀樓

如練江光炤素秋。層城縹緲見飛樓。披襟欲攬三山色。濯足真堪萬里流。帆出雲山開島嶼。人從鶴背俯滄洲。泠然竟日能忘返。蠟屐何妨續勝遊。

形容樓高處如在天際

迷樓懷古

東都無復翠華遊。樵牧千年識廢丘。錦纜銷沉。餘落照。垂楊憔悴覆寒流。祇今清梵留空宇。自昔逃藏有舊樓。回首穠華盡黃土。斷烟渺渺見邗溝。

鳧舫鷄臺蔓草荒。偶尋故跡一霓裳。綺羅何處。空隋苑。風景依然在蜀崗。桃葉陳兵猶旦暮。楊花聽曲益淒涼。景陽宮畔臙脂井。江北江南總斷腸。

同諸公訪大明寺

平山堂外柳如烟。古寺同尋第五泉。風靜鐘聲臨岸曲。雨晴山色隔江天。雷塘有徑生春草。坂渚無波作墓田。惆悵隋唐一彈指。不如初地老棲禪。

淮安新城有感

澤國陰多暑氣微。一城烟靄晝霏霏。春風遠听江籬長。暮雨空堤燕子飛。四鎮沙虫成底事。五王龍種竟無歸。行人泪墮官橋柳。披拂長條已

十圍。

三四句深有感慨六句從五句寫出恨甚怨甚

歸次涿鹿賦別亦世還漢陽兼寄懷人

烏衣門第舊諸王。惜別驚心道路長。燕市酒壚三日飲。楚人杜若九秋香。漳臺暮雨悲銅雀。漢口晴山指鳳凰。寄訊庾公樓上月。幾人清興踞胡床。

贈愚山學憲時以越遊草見示

美人江左望修名。公子韶音憂玉清。漢代談詩尊四學。魯宮設帳進諸生。宛陵舊續梅家體。歷下新尋白雪盟。海內幾人同調在。桓譚今欲愧西京。

五六句工極且移不動

比從屈宋歎清華。入剡新詩過永嘉。許謝在東名自重。春秋記越語尤葩。梅山曉屐隣天姥。鏡水秋波溯若耶。真似移情圖畫裏。蘭橈蕙楫欲浮家。

首作是贈愚山次作是讀越遊草首作典重次作俊逸可稱絕構

秋日漫興

露下秋高蕙草催。楚人搖落感荒臺。猿啼白帝
江聲合。雁入蒼梧木葉哀。海氣不分韓信壩。邊
風如近李陵臺。清商慷慨燕歌發。潦倒吾廬且
盃。

長安西接鳳翔東。漢闕唐陵感慨同。驪嶺但餘
宮瓦綠。曲江虛見野棠紅。三秋渭水寒雲裏。萬
里嶠函落焰中。束馬投戈諸將在。不知天險爲
誰雄。

慷慨悲壯如見鬚眉

送荅文入都

淼淼江湖春水生。淮南風景過清明。故人恰向
愁中至。感激真從難後平。竹外寒烟瓜步鎮。花
時細雨廣陵城。謝公埭下通宵語。酒冷香殘十
載情。

潦倒徒成未拂衣。疎狂真與世相違。南徐載鶴
橫江去。西磧看花壓帽歸。此去故人京雒少。莫
教遠道尺書稀。嶺南程五如相問。爲道維摩減
帶圍。

離別之詞出以悲壯方不落套

奉和李侍郎退菴讀水經注懷洞庭之作

詩持二集
楚望經時入宵冥。岳陽樓上數峰青。曾臨南極
浮湘水。坐對西風憶洞庭。斑竹好。從春後。長落
梅猶向。笛中聽。新詩吟罷愁多少。腸斷當年帝
子靈。

無題同彭駿孫賦

纔過襖節罷秋千。到眼流光倍解憐。柳絮橫塘
三尺水。梨花簾幕午時烟。綠熊簟冷殘春後。白
鶴香濃繡佛前。愛寫名經耽慧業。不知人月共

嬋娟。

語語幽細

玉階紅藥號將離。花信風輕解盡吹。淚似湘君
留鳳竹。情如園客作蠶絲。拚爲蜀纈沾殘粉。願
學吳綾印口脂。何日渡江雙桂楫。青溪同拜小

姑祠。

三四句組練

姜圖南

滙思

真源仁和人所著有客堂集

過錫山

無錫經過曉。秋花照素袍。水翻雙燕適。風勁一
鷹高。城背懸山塔。橋低壓野舫。鼓聲催解纜。容
與急持篙。

閶門

連歲閶門泊。遊人日醉筵。樓臺千樹影。城郭萬家烟。財賦資軍國。笙歌蕩畫船。誰知村落夜。杼軸亦堪憐。

是金閶實錄結意不可少

泊閶門七夕

閶門夜色迥。一片翠烟生。管連燈。煖樓臺。水明紅。橋疑渡。鵲銀漢。竟浮城。頓覺開愁眼。新秋過客情。

上四句是泊閶門下四句是七夕先生五言長城作法絕不苟簡

停午

停午長河色。流雲若遠山。稻花開綠水。茅屋覆青灣。日影懸帆直。天光到野閒。我心同此適。乘興畫船間。

金山示淮商

送我金山上。憑高吳楚間。情深關社稷。官去老容顏。鹽鐵今如法。鷄豚利自刪。江流千萬里。空自有躋攀。

五六句從第三句出真留心國計之談

丹陽道中同仲木仲展祖望

野花隨意舞。沙草近船生。黃犢人歸岸。蒼烟樹背城。灌田喧踏水。引緯靜忘情。何處牙帆急。遲回悵暮行。

前路隨時泊。荒村自早秋。羣鳥偏噪野。二仲竟歸舟。潮漲苔侵槩。雲昏水近樓。生平極愁思。寂寞又離憂。

前作全是道中景此作方入同友人意非泛泛下筆者

江樓

金山遙對暮江樓。瓜步寒雲極目愁。遠浦千帆迎落日。平沙萬騎走清秋。丹楓照處聊經眼。白鷺飛時幾掉頭。漫向高天一長嘯。應疑此際到滄洲。

和張祖望登寶石峰

湖頭登眺一悲哉。秋盡寒煙尚未開。越國潮聲迴島嶼。胥山樹杪出樓臺。層雲低傍孤城起。古塔高懸落照來。此地聞君白雪唱。和歌深愧楚臣才。

秦亭

秦亭斜日自徘徊。小艇頻從河渚來。處處舟依
蘆港宿。家家門逐竹溪開。怪人野鴨聞聲沒。戀
子沙鷄接翅回。乘興那辭村落遠。肯傷寥寂一
銜杯。

同祖望宿山寺次日登飛來峰

孤峰絕壁最高標。把臂登臨翠色遙。九里松篁
沈暮靄。三天樓閣傍烟霄。猿聲出洞隨雲度。樹
杪飛泉落澗飄。怪底夜來喧枕石。海門爭湧浙
江潮。

夢繡虎

孤帷搖落歎離羣。爛熳燈花忽夢君。萬里關河
雙眼合。十年涕淚此宵分。高齋月滿應同見。曲
巷鷄鳴竟獨聞。展轉虛疑烟水澗。桑乾草色似
紛紛。

句句是夢醒時輾轉相思情景定非夢後補
作者

深夜醉後過吳帝第宅看牡丹

看花醉後眼偏明。深夜高燈色更清。冉冉香回
方浴露。微微態合正含英。繁枝影倒杯中動。新

言持二集
葉光牽座底生。無奈春殘惜零落。東風重負主人情。

五六句新特却不纖巧動字生字妙有神理必傳之作

嚴 沆

子餐

顥亭餘杭人

○送查巢阿令新興

海東門第晉瑯琊。才子翩翩屬大家。不擇南州緣斗米。可知勾漏有丹砂。枕椰雨過雲依戶。翡翠花深吏散衙。庾嶺春風肯相憶。折梅萬里望京華。

七子詩原如此暢滿

○春宿翰林院對月獨飲

鳳池西接禁垣重。春色遙連右掖松。月出端門移永漏。星臨長樂起疎鐘。青藜火照揮毫晚。金掌杯添賜露濃。簪筆小臣叨內直。五雲縹緲識真龍。

贈張仲若前輩出鎮宣雲

玉帳橫吹奏出關。秋風持節賀蘭山。蓮燈始散承明直。盧矢新從內府頒。花暖旌旗牙隊合。月明刁斗羽書閒。漠南蕃部承恩久。紫塞葡萄逐

馬還。

送龔芝麓先生使粵東

灞陵衰柳映平蕪。持節爭看汲大夫。元老風霜
標冀闕。清時雨露下番禺。千山象郡蠻煙合。萬
里羊城塞月孤。此去那論河內火。流民應上使
臣圖。

結有關係

直節爭傳亞相賢。投閒上苑領林泉。容棲蓮勺
回中日。去問梅花庾嶺天。金殿頻嘶仙仗馬。增
江正站武溪鳶。羅浮山色輶車迴。却望長安北
斗邊。

寄子問家兄

關頭柳碧正當春。送別詩篇久愴神。相讓五湖
兄。是長乍隨三殿朔。稱臣一官薄祿逢時拙。半
畝閒園乞食貧。多負仲容依躡屐。可教松竹過
西鄰。

送恭甫侄令建德

吾宗才子古人齊。試宰丹陽秋浦西。花種峯前
馴隴雉。琴鳴石上答金鷄。莫愁建德非吾土。聞

說桃源似武溪。漢史最褒循吏傳。鳴鑣遲爾共
金閨。

胡介

彥遠

錢塘人所著有旅堂集

感懷

庭鶴不自得。步影心悠悠。本是雲霄姿。馴人耳目求。餉我一握粟。令我失滄洲。歛翮發清嘯。寄聲謝同儔。清苦有餘樂。行矣毋自讐。

家有昆吾劍。其氣如圭璋。沉淪古嶽久。川瀆蘊奇光。風雨嘯空壁。月中飛青霜。乃知古名器。皆有神明藏。如何萬古心。相視爲文章。破劍作耕刀。鐵存而劍亡。

朝登泰山巔。天風凌四虛。浮雲東北來。奄忽踰青徐。豈無四方志。項領瞻所如。極目望井里。蕭條無寧居。櫛沐代有人。豈緣經術疎。秉心苟不慎。千里爲丘墟。賢智相藉踵。往往尋覆車。實獲思古人。子遺當周餘。安得不伎求。華首安菑畲。

又

平生蕭瑟意。十載棲河梁。豈忘千里道。葛屨臨

言持二集
繁霜偃仰水木會。瞿瞿志無荒。鴻雁夜來過。餘
聲落草堂。偶識玄化心。遂自爲行藏。攬衾不掩
衾。時復夢古皇。芳蘭不當門。青桐立高岡。吾生
幸自愛。寤歌矢勿忘。

桐江月下寄懷報恩老人

落拓深知性不馴。年年乞食向風塵。不妨道大
容人謬。應有懷高識我真。晞髮偶行葱嶺路。炊
梁初定夢中身。龍淵十二西風榻。明月桐江意
自親。

嚴江道中寄懷柴丈蕙叟

秣陵又見雁初飛。蕭瑟河山短後衣。寒笛故人
對京口。蕪城別路夢容輝。并函詩史留名字。鶴
化人民今是非。偃仰亂離吾輩老。早教心地識
皈依。

西湖竹枝詞

萬壽長廊春二三。紅粧處處照僧龕。山房釀就
桃花酒。又向湖南買種蠶。前與米
美蕖衫子藕花裳。羅襪春堤明月光。才子爭傳

言持二集
桐葉字紫。駟踏碎印泥香。

趣甚

笙歌歷亂水西亭。醉倚妖童喚未醒。夾道紗籠人。去後空餘寒月照西冷。

吳中子弟晉風標。冰裂春綃映紫霄。醉挾名姬雙走馬。珊瑚鞭落第三橋。

申涵光

和孟

廣平人所著有鳧盟集

自采石避兵暮泊潛港

江岸鐘已發。江心昏未霽。篙師起掛帆。笑指北風利。琴書雜僮僕。舟小無餘地。北人習鞍馬。江行每憂悸。竊怪舟人子。往來如兒戲。南來有客船。倉皇說趨避。前途列戰旌。江邊亂錢騎。舟人嘿不語。收帆色慘悴。數里潛港隈。黃昏就幽邃。細雨濕杉檣。遙愛燈火處。古人逃軒冕。江湖饒暇豫。世亂無水陸。鷗鳥驚旂旆。江南山水好。我來與亂會。哀哉同苦辛。有酒酬君醉。

送趙秋水入都

秋城雨方歇。匹馬凌輕陰。久陰道路清。無乃泥潦深。人生感意氣。殺身爲知音。曉渡滹沱月。醉

臥盧溝。礎北行。近霜露。况汝薄衣衾。沙吹白雁
哀。遊子難為心。吾弟滯京師。異方成招尋。冠蓋
多風波。相將返故林。

元夕

百戰山河異。春燈舊俗存。魚龍張紫焰。鐘鼓動
黃昏。到處能看月。今宵亦閉門。歡娛思夙昔。嗚
咽罷開樽。

縣壺腦謁張尚書湛虛先生

結茅飛鳥上。秋色滿縣壺。白髮增幽事。黃冠屈

壯圖。琴樽山月好。風雨老臣孤。莫訝披雲至。浮

名此地無。

五六句情景互說妙外

不忘

旅食多歸夢。庭幃正北縣。重來輕齒髮。千里入
烽烟。書畫江城市。弓刀塞草天。至今明月夜。無
地拜啼鵝。

寫情獨摯結更凄悲

南園社集

風定村橋暖。沙清野竹幽。世情憐塞馬。吾道及
春鷗。綠似前年樹。烟生何處舟。籬邊新月上。問

子可能留。

起句暖字從定字來幽字從清字來第四句想得不俗

新樂守渡

溪漲山雲黑。羈遲客夢歸。听虛沙沒馬。村逼水連扉。定有蛟龍鬪。難隨燕雀飛。去留俱未可。遠望一沾衣。

登岱

萬國通金幣。均輸入縣官。樹留樵客火。額憶玉清壇。雷雨沈。瑞。席。荆。秦。臥。石。闕。兒童聞勝事。長嘆說凋殘。

殿閣盤空界。燈香出絳霄。到門諸念絕。終夜百靈朝。石闕馴雙虎。天風落皂鵬。玉漿如可待。未覺沃州遙。

寄西山張命士王都鄰殷伯巖張上若

蒼葭白月繞寒城。萬里霜飛旅雁驚。欲向山園尋綺季。誰從土室問袁閔。空餘慷慨猶多事。不廢謳吟亦近名。方外草深天地在。卽今何處聽秋聲。
下四句獨抒性靈不傍門戶

答王祭酒敬哉先生

雲霄書札到滄浪。醉臥秋陰菊正黃。冠履曾瞻
 鍾阜月。鬚眉應老薊門霜。一時麟鳳趨天仗。十
 載禽魚戀草堂。讀罷新詩山欲暮。滿林風雨動
 悲涼。

齊河道中

河流頻入汶陽田。大國笙竽憶惘然。百里豺狼
 鳴白晝。誰家雞犬臥寒烟。黃榆亂塞門前路。赤
 地猶橫隔歲船。為報遺黎應努力。軍需方急水
 衡錢。

三四句悲憤不露。木石有身世之慮。

汎舟明湖

女墻倒影下寒空。樹杪飛橋渡遠虹。歷下人家
 十萬戶。秋來俱在雁聲中。

四郭山圍嵐氣昏。竹籬疎樹一江村。醉中見月
 忘風露。夜半吹簫過水門。

盧士厚

夔度

廬江人所著有環翠堂集

冒雨尋蘭

托根空谷自悠悠。冒雨惟予出古丘。充佩不辭
 雙屐冷。夢徵何惜一筇求。來非有約交方始。坐

詩集二集
對無言思更幽。莫道羣英多異色。隱君原不逐風流。

三四句是尋蘭五六句則蘭已尋得矣末以贊嘆結之先生律詩之妙嚴而有制如此

夜話贈旅山和尚

博大如師空今古。蕭條似我半儒僧。閒窺清影靈巖月。約共寒光冷父燈。一榻鬚眉堪共賞。千秋文史幾人能。和尚有史談之刻談來殊覺空林迥。鐘鼓無聲最上乘。

三句是即景夜話四句是相期夜話五六句是贈意可知作詩必先立題

答王雲峽

相逢慷慨說平生。短缺休彈失路情。詩駕曹劉存正變。交深鮑管共功名。鴻寧因熱輕人就。烏不辭枯獨自鳴。首藉盤擎新酒熟。莫教此夜月空明。全首俱是答語妙妙

寄訊魏惟度

江山巧欲住高人。一榻春風兩度新。比杜鵬也淚既可花亦可鳥。酒能消憤更消貧。刪詩宇內誰知己。攬轡中原幾逸民。珍重一肩君自勇。芝蘭隨處總

堪紉。

三句新雋誰字幾字皆奇訊也未以叮嚀結之可為精於律者

黃居中

明立

晉江人所著有千頃齋詩

度仙霞嶺

樹隱闌闌月峰高越嶠雲人烟孤戍出樵語半空聞候雁知霜信歸鴉帶夕曛棄繻嗟往事自笑負終軍

起句便盡仙霞之妙

江行阻雨

舟夜雨淋鈴江干臥客星浪飛千頃白雲擁一

峰青寒蚤衣偏薄更長夢屢醒途中驚歲晚別

曲不堪聽

秀色可餐

靈谷看梅

出郭同人一日歡無風無雨閣春寒松濤五里涼侵袂梅雪千枝亂撲冠酒愛醅顏香裏駐花隣老眼霧中看回車促赴嚴城鑰始信禪門法界寬

少保趙公招集薜蘿軒具美酒

薜蘿小隱在江東結夏開筵趁晚風禮數元

爲我設嘯歌。聊復與人同。階忘五等三公貴。座引黃眉白髮翁。賓主東南洵具美。銜盃徙倚月明中。

舟中春暮

一溪風雨妬歸舟。片片飛花逐水流。芳草似牽行客恨。好春不爲逐人留。林鶯睨睨聲初倦。岸柳參差葉半稠。聞道故園叢桂老。王孫何事獨長游。

上六句盡暮春之景。結出感懷無一泛

答李與熙

故國烟霞舊。山園薜荔新。一盃風雨夜。應憶未歸人。

送客仍爲客。歸人空復情。揚州一片月。偏向別時明。

先生在吾鄉與李衷一齊名。僑居金陵年八十餘。猶篝燈讀書。長子俞言諱虞龍。作落花水中雁字詩。各數十首。未艾而歿。吾黨惜之。嘗記其作書酒詩云。杯中有聖方中酒。天上無仙不讀書。其風致猶可想見。仲子俞邵諱虞。稷振藻一時。余采詩白下。共相叅訂。且發其家藏以資博覽。真能以風雅世其業者。附此以誌不忘。

魏裔魯

竟甫

栢鄉人

馴鶴亭

翠嶂遙連爽氣迎。亭陰深處步閒行。竹空夜月留清影。松瀉寒濤度曉鶯。龍渚自看秋水靜。鶴巢常見白雲盈。忘機海客閒舒嘯。坐對雲山憶老彭。

邊城晏歲

雪霽層陰覆草堂。青青柳色挂前崗。欲傾竹葉銷春夢。閒對松林看月光。臘盡梅花猶未放。陽迴雁影若相忘。離家十載關河異。却望彭門是

故鄉

佟國器

滙白

襄平人所著有菱亭詩燕行草楚吟諸集

次李長文仙霞嶺韻

捫葛千層頂。轟雷萬仞溪。驚鴻方却度。策馬不成嘶。合沓菁葱色。遙賡斷續啼。山川空設險。懷古漫增悽。

和宋荔裳遊余僻園韻

郊居塵自遠。蒼翠障河干。石磊連雲臥。香酣帶酒乾。孤松堪結侶。五柳倩辭官。看竹君偏獨。忘

歸興未闌

一丘藏曲折。遊騎指岑西。韻逸新篁引。心閒芳草迷。風迴紅欲碎。雨過綠能齊。好鳥權爲事。休嗟酒獨攜。

秣陵多勝覽。僻好到林間。峰曲亭銜翠。花飛袖惹斑。聊娛三徑竹。差勝一官鱓。愧未蓬門接。空教題壁還。

知君耽澗壑。屐齒滿荒園。綵筆環清渚。青帘漾隔村。芰裳水骨韻。梅賦鐵腸存。憑眺懷瀛樹。圍樓遶翠墩。

宋荔裳過飲僻園賦詩見贈次原韻

莫負林泉好。珊珊瓊佩來。歌催啼鳥和。筵照碧流開。愧我平原興。多君宋玉才。淡懷如靖節。頗語菊宜栽。

山花隨意放。蜂蝶任經營。碧漲春衫濕。萍開曉嶼明。紅霓爭芍舞。白雪擾鶯聲。不爲巖城隔。傾樽徹五更。

鍾阜推繁麗。何如枕石眠。披襟非傲俗。斗酒爲

言持二身
逃禪夢憶錢塘舊。心同槃澗懸。醉餘題句疾。風
雨筆如椽。

賓筵豐艸拂。嘯傲石爲床。鶴韻傳空谷。花神引
醉鄉。素懷隨落月。惜別戀斜陽。殘臘能重訪。寒

梅點鷓鴣。

中丞僻園在古長干山水花木甲白下四方
結駟來遊日無停畧宋荔裳元倡和者甚多
惟中丞此作情景逼真非日坐園中大有命
心者不能道詩傳而僻園不朽矣

樵川遊園步周元亮韻

溽暑停橈趣入園。碩人槃澗更何言。新荷的歷

香逾迥。古桂繽紛葢漸繁。宴罷臨風依曲檻。詩
成問月出幽軒。閒閒十畝君知足。不屑憂勞咏
北門。
莊重典雅作園林詩尤難得

攬勝閣次陳大亨韻

拾級登臨第幾層。澹雲凝處數峰增。龕前香篆
閒中度。天際烟帆望裏升。法喻恒沙方得解。心
如明鏡豈須澄。六朝勝槩供遐攬。清磬微微出
定僧。

申霖臣來禾水閨門慰別

繡水花溪達。帝畿鄂君青翰。戀斜暉。雞壇載
餞。梅羹味。鰲譜尤調。柳色。嫩別去。春雲連大澤。
此來秋浦漲。前溪素心。宵與同晨夕。留取尊鱸
待我歸。
三四句博雅有初盛間氣象

和韓聖秋過章江謁熊雪堂韻

擬欲振趨君子堂。曩時露白咏葭蒼。高門蔡戟
安恬戢。仁里彝倫節次張。岳聳千尋瞻幸近。江
迴百折思何長。喜公藻鑑譚風月。文部推崇姓
字香。
七律最難穩貼先生兼有弘肆之才

白菊

駟見霜淒玉女寒。潔姿無染露溥溥。愛深處士
敦吾素。風勁秋衫試雪紈。

紫菊

秋巒紫翠鬱葱葱。魏苑奇葩艷一叢。莫怪嬌紅
為間奪。薇垣映徹九霄空。

霜菊

獨勝春嬌體質柔。亭亭寄傲骨偏迢。郊原百卉
爭零落。高韻離披興未休。

簾菊

嬌容砌畔恐含羞。我欲餐英控玉鈎。咫尺目前非隔越。扶蘇秋艷一堂收。

虔州八境臺步坡仙原韻

孤雲續斷鳥飛還。鶴夢猿聲驚早寒。欲採白蘋愁遠道。不知何日返長安。

無聲馬鬣野雲堆。鐵笛青煙畫舫開。曲奏空中神物下。龍銜江上夜珠來。

山山艸樹繞空臺。更喜風清爽氣開。目送仙郎

歌別調。白雲高處是蓬萊。

方文

爾止

龔山皖桐人所著有北遊草諸集

贈龔野遺

君本蔣山人。久客邗水上。卜居近蕃釐。古屋隱窮巷。閉門何所爲。筆墨寓閒曠。霜柯插雲表。晴巒走疊嶂。髣髴徐天池。取意不取象。更妙是詩篇。渾樸復雄放。素質絕華藻。英姿挺奇狀。俗眼豈易諾。衆口肆誹謗。獨子格調同。脈脈心相向。所恨隔江水。不得共酬唱。今年君忽歸。閭里息

言集二集
塵鞅我聞則私喜。從此獲親傍。汲汲訪君廬。握手道無恙。南國昔多賢。輒近日凋喪。顧張木已拱。紀余又飄蕩。幸有之子存。居然丈人行。老我棲舊京。苦吟聲激壯。非子誰與言。故欲傾家釀。石城路雖遙。來往憑拄杖。勿似廣陵時。相思但惆悵。

朋友道情以真爲貴。前半贊野遺詩畫。後半述半世交情。吾最愛其結句鏗然藹然。

炎風行留別兄子子唯

炎風吹沙白日昏。千騎萬騎如螳奔。秋冬居此

已不樂。況乃長夏氣如燔。路傍倏與爾相見。握手歛歔塵滿面。因訪天壇道院中。短簷局促如旅店。回憶鳳皇臺下居。篋管數畝雜芙蓉。年年三伏不知暑。高枕北牕惟讀書。奈何舍此歸江北。風景蕭條憂患逼。一官鷄肋未能拋。五月驅車入京國。屈指分攜十四年。衰顏短髮不如前。猶喜神明未凋落。長句贈我情依然。來朝我欲江淮去。他年聚首知何處。青門折柳不勝愁。買酒旗亭且猶豫。

文德橋步月

青溪夜半涼風發。獨步溪橋看明月。月下何人
吹玉簫。含悽吐怨聲。初歇憶昔年少來金陵。兩
岸樓臺千百層。瑤笙錦瑟家家曲。畫舫珠簾夜
夜燈。如今未及三十載。城市蕭條風俗改。居人
對岸悄無譁。月色波光似烟海。

送沈治先歸宛兼寄令兄眉生

秋江同作客。春水又同歸。何事栖遲久。仍嗟生
計微。對牀聽夜雨。把酒問漁磯。坐惜沙邊鳥。乘

風忽背飛。

賢兄真處士。抱道隱深山。人世空相憶。雲鴻不
可攀。舊交多曰骨。辛苦老朱顏。獨有鴿原好。今
年又出關。

旅夜

客舍已凄苦。况聞風雨聲。一杯消永夜。孤燭坐
深更。飢鼠分行出。寒鷄失次鳴。此時心眼靜。歷
歷悟浮生。

送陸漢東孝廉歸粵并謝其贈研

當年東海受殊恩。此日無端走薊門。一到黃河
催轉權。重來白下暗傷魂。江樓送客逢春雨。石
硯遺予帶墨痕。別後摩挲鸚鵡眼。長如良友共
朝昏。
結最有情

答黃波民見訪之作

一月春陰黯不開。蕭條三徑長莓苔。墻東始見
朝曦出。竹裏俄驚道友來。破戒有詩真妙絕。留
權無酒却空迴。碧桃紅杏垂垂發。期與林翁共
舉杯。

人日吳園次中秘招集興誠寺古槐下

蕭條旅況惜芳晨。折柬欣逢吳舍人。野寺雙槐
龍爪舊。晴沙一簇馬蹄新。坐依佛閣何妨久。酒
取鄰家不厭頻。借問長安冠蓋者。春來幾個是
閒身。
結得冷而趣

韓子新兄弟招同長益夜集

雲樹蒼蒼古北平。君家兄弟最知名。花時正想
班荆語。月夜先期折柬迎。吳越山川曾在目。幽
燕烽火不勝情。我思碣石觀滄海。何日連鑣出

塞行

九江送周圍客南歸兼懷元亮先生

淒淒風雨暗江關。咫尺廬峰不可攀。彭蠡濤聲
憐我去。秣陵秋色羨君還。家書煩寄荒陂上。樽
酒難分逆旅間。暇日趨庭如見問。為言衰鬢一
時斑。

宋憲使署中鸚鵡能言索贈

河隴驅車到朔方。携來鸚鵡掛雕梁。人雖側耳
憐嬌語。鳥自低頭憶故鄉。豈望誦經成舍利。漫

勞作賦動詞場。酸辛最是關山路。繞樹聲聲問

上皇。如此題竟作律體見先生老手

送王西山明府之任閩中

君行萬里莫淒然。自古文人多左遷。官舍況當
榕樹綠。王程正及荔枝鮮。從軍瘴海知無事。送
客榆關悵各天。他日量移吳與越。相逢重在水
雲邊。起句不俗他人必以此意作結

留別宋大塗

日日思歸尚未歸。故交情重莫能違。囊空客與

言。花。爭。笑。暑。冷。君。同。鶴。不。飛。幸。有。露。臺。長。對。酒。怕。
言。家。難。各。霑。衣。何。時。拔。宅。真。江。去。也。買。漁。舟。傍。
釣。磯。

先生酷好香山三四句又似隨州矣

題半山道人畫冊

一著袈裟絕萬緣。獨餘破研習難捐。江山本是
無情物。寫到荒殘亦可憐。

早春爲陳階六給諫初度

東山雖爲蒼生起。北闕其如補袞勞。回首劉伶
臺下月。漁舟臥穩不驚濤。

洪理順

爾章

又李龍溪人

擬遊水西阻雨

遙愛風光好。攬轡過涇邑。鷓鴣棲蕭寺中。梵磬同
曉夕。珍重故人令。聲氣話離合。我典在水西。謫
仙恣遊跡。因憶踏歌行。桃花間。贈別如何風雨。
際。寒衣。薜蘿。濕。

疎淡可喜

陸陽唱和同姚六康明府

三載長安客。棲遲兩隸中。來茲吟白露。留我坐
秋風。笑臉開青黛。傾心醉碧筒。與君商出處。契

言者二集
澗話難窮。

臨溪思竇令。竹馬復來層。元化乾坤幻。吾儒擘
畫弘。堂開千頃月。署冷萬山僧。爲政良闕學。尚
無忝友朋。

贈楊中翁遊府

爲言烽火急。輕騎救崇明。萬弩射潮發。孤軍躡
海行。旌旗烟島錯。談笑浪山平。借問韓程輩。何
如古石城。

過九華山

奇秀名山獨。合推九子峰。巉巖疑鑿削。蒼翠宛
芙蓉。鐘鼓遙天落。馨香與帝通。朔風崖下過。幾
欲捨生從。

三四句寫山之奇五六句寫山之高結出冒
險意先生真五言長城

偶讀博夫閨詠因憶漳南

讀君閨詠咽斜陽。永夜天涯客望鄉。異國交遊
親骨肉。故園動定感滄桑。心隨征雁雲踰嶺。夢
斷寒梅月在湘。片几孤燈挑欲盡。畏聽鄰笛度
籬牆。

六句有仙風

言
天門山

棲身絕巘望天門。一水劃開兩岸分。上下寺鐘遙和答。東西梁石對殷勤。橫洲淺草浮新月。並攬長涯帶暮雲。從此楚江深。寄托風流蕩漾夢中聞。

金陵喜晤黃御遠

憶昔蘭風萬里吹。聞香棘院話相思。才翻裘馬君應賞。字泣鬼神我自知。兩地溪山明意氣。各天琴劍拂鬚眉。何堪數載睽違夢。江際班荆惜

別離

美秀

讌集黃瞿翁對奕值雪賦贈

天寶高車久駐驂。山居道阻缺修函。何期異地吟同調。更復連裾手共譚。一座高風枰外隱。六朝勝蹟局中探。行看白下迷歸屐。花雨無聲落滿菴。

燈夕贈別郭元侯侍御

我愛青山文圃東。茲移鍾阜足臨風。名流競折今生角。逸跡重留昔日驄。世外枰敲連寺雪。樓

言集二集
頭杯送隔江鴻。兼逢燈節難分手。共照離愁火。
樹中。結轉燈夕處。有筆力。

月夜渡桃花潭

秋高月下淺沙行。泝擊波光月有聲。我憶桃花
花不見。孤舟一往獨移情。

吳湛

燕斯

商山人

春日過汪孝隱鶴來莊賦贈

卜築臨幽徑。林深別有橋。輕烟流靄色。芳樹接
青霄。飛閣中天立。空山隔水描。採芝呼鶴伴。不

惜馬蹄遙

中有蒲菴小。春風未許開。攤書消白晝。聽雨落
黃梅。竹影因雲亂。烟光接樹來。落花閒未掃。點
點暗侵苔。

翡翠間穿幙。花香間酒香。綠濃窗有色。紅綻路
生光。樹古依藤碧。山深帶霧藏。遊人恒秉燭。漸
恐露蒼蒼。

薜蘿掛石上。補屋藉山雲。燕語嬌偏澁。鶯聲巧
若紋。泉飛風自冷。岸遠曙先分。晝永垂簾靜。榆

詩集二集
錢落自紛。

春初渡江同汪露菴先生大宗昌期二弟

遊李園

虛亭灌木響清音。一葦江干且浪吟。方幸雪鴻
存古墅。應無風鶴到修林。殘碑莫辨黃庭筆。半
壁空餘綠綺琴。新柳滿堤烟正起。友昆俱覺慰
初心。

同程芑仕彭枚望賦得春山晚霽

翠掃崖巔雨氣平。春當薄晚帶初晴。炊烟一點
隨雲散。落日千峰隔樹明。遍地好風迴淡蕩。戾
天新鳥叫輕清。林端漸有閑行客。遙聽笙歌度
幾聲。

羅光忻

庚齋

南昌人所著有遜志齋集

雨後登紫峰閣

梵鼓催秋霽。門前水尚狂。孤峰拖暮紫。高閣入
寒香。幔捲晴嵐上。藤垂鳥道傍。閒僧真坐鶴。常
見鬢毛蒼。

刻意深入寫雨後絕肖

舟行遣興

浮家無去。在擊汰絕逢年。藕折花前脆。魚烹網下鮮。長歌蟠浦淑。半醉踏湖天。為見人情盡。懷犀不用然。

隄高纜數寸。浩蕩轉清霄。日落千檣直。雲移萬雉搖。當壚人已醉。爭渡自相招。目極淮南路。迎風聽畫橈。

荒渚今宵泊。濃陰樹幾家。亂歌歸浦急。獨鳥到林斜。石風堪舞。無人水自車。晚來岑寂破。數部鼓吹蛙。

遂有萑符感。征橈未夕停。雲歸長似練。電遠細如螢。夜析孤城閉。漁歌獨樹暝。不知湖上事。三老重叮嚀。

四作俱寫江行實景筆亦新健有王孟風

金山寺

盤渦急湍蕩崔嵬。開鑿名山舊姓裴。鐘定不知南北路。浪翻從作古今雷。兩江暮合千檣到。孤嶼中分萬派回。更上妙高搔首望。照人天影盡空杯。

三四句寫金山獨切起結體裁俱正

遙和文主公攝山千佛嶺坐月

丹崖蒼壁斷江天。寒影清光淡欲連。傍晚烟蘿
千葉亂。最高鐘磬一絲懸。石依絕巘皆成佛。月
到空林總是禪。不惜秋山自憔悴。澄流無計問
年年。

林花將落

三月園林日夜殊。枝枝堪畏曉風驅。餘香尚挽
春光住。半醉全憑蝶影扶。出塞明君空繾綣。倚
欄妃子獨踟躕。狹斜游女魂飛盡。猶自停車照
九衢。

曉過金山

宿霧迷江渚。孤帆暗裏行。不知山寺近。微覺曉
鐘聲。

王仕雲

望如

江寧人

次太守陳大亨鳳凰臺韻

鳳凰去後獨臺空。一望風烟碧草叢。夜靜滿天
殘露白。春深幾片落花紅。酒澆阮墓魂猶醉。興
發青蓮句自工。莫怪中山攘已有。風流千載待
誰同。

鄧士傑

萬子

江寧人

次太守陳大亨鳳凰臺韻

荒臺遠望鳳遊空。漠漠寒烟宿草叢。雪點江蘋驚浪日。霞鋪山樹照杯紅。殘碑已共鍾陵古。高曲知惟郢客工。五馬城南尋勝蹟。清樽芳興幾人同。

釋智豁

弘鑑

句容人所著有旅山集

出焦山

何代一拳石。流落大江濱。朱夏蔚林木。頗能避

炎蒸。天地忌英華。賢者下其屯。憑陵吼風雨。遂與蛟龍爭。蛟龍雖云遯。陵谷爲之崩。振衣起長嘯。余亦將遐征。

摹古逼肖得顏謝之神

焦巖已破碎。焦君亦寂然。匪我有塵心。相携出雲煙。欲攬五嶽勝。放懷窮六川。翻疑培塿側。何以棲前賢。但飲一杯水。蛟龍難晏眠。

雲聲菴贈藻隱師

藻公荆楚秀。晚憇焦山陰。脫身干戈會。寂寞棲禪心。我來際玄冬。山寒方蕪薪。日莫遠樵歸。坐

見手足皴。問答只數言。高義方屢申。人為異鄉客。恒與異鄉親。遂忘相識淺。啼笑皆有真。雲房既窈窕。數折達前楹。掀眉逼霄漢。日月如車輪。頻首萬里流。白石何粼粼。
住得有力

臥佛寺主席

崇邑多蕭寺。無如此地偏。南山隔江盡。北斗近城懸。亂後僧依市。情枯佛好眠。我來應煉石。重補白雲天。
上六句妥貼。移不動。結有奇想。

歸江門望金焦有感

岩巖北固俯金焦。興廢何須問六朝。兩岬漁樵空夜月。二時鐘磬度寒潮。傷心白鷺依橫浦。極目青莎老斷橋。事事只今惟獨嘯。扁舟歸去聽吹簫。

贈盧長者彝度

選官選佛兩相符。醉倚蒲團唱鷓鴣。半世詼諧存草木。百年情緒遶江湖。道宗函谷曾師李。偈叩曹谿亦姓盧。我住此間無所似。法幢清影倚君扶。
七句巧奏

題方坦菴太史皖山語石

撐雲吸霧貌奇峰。聲借流泉色借松。昔日點頭今日語。生公應讓海門龍。

汪起鳳

來儀

休寧人

書秋

又見黃榆落大堤。最憐秋色日淒淒。天高孤鴈橫霄遠。山老閒雲壓樹低。庾亮詩成樓似水。祖生鞭發氣如霓。年來三徑雖荒草。籬畔猶分品菊題。

范雲鴻

天翻

晴齋會稽人所著有鴻爪集

秋泛

一葉舟初泛。悠然任水流。山深雲作黛。葉落樹鳴秋。小嶼連村塢。孤菴傍石樓。當前皆爽境。遠渡欲何求。

西湖

浣盡鹵湖水。風流已倍常。六橋人競麗。三竺路生香。雲樹移峰色。烟花帶曉光。樓船隨去住。載酒興偏長。

五六句組豆鍾譚

言林二集
冬夜偕內人天水居步月思歸

皎皎山前月光分。樹上鴉寒風吹。敗籜薄露冷。
殘花步入空庭靜。歸懷去路賒。何時全所願。重
泛廣陵槎。

白下中秋偕友人遊南郊

攜手尋秋秋正半。亭高木末縱雙眸。夕陽每戀
江邊色。明月先開嶺上樓。嘯發空山驚落鴈。詩
題名勝付清流。涼風處處催人興。起舞狂歌憶
莫愁。
三四句雋逸有餘韻

仲春十四夜留友人小齋對月

纔過花朝兩日餘。春光拂拂上衣裾。門開有客
過三徑。月起留人照一廬。適興手談忘舊譜。鍾
情搜古讀奇書。夜深更覺天如水。舉目蒼然望
太虛。

偕李聖年登西梁山絕頂

秋半尋山登絕頂。江天極目縱雄觀。千家烟火
村中集。一壁峻嶒畫裏看。古栢虬龍欹怪石。高
峰螺髻露朝冠。雲霞忽起迷歸路。何處巖風送

早寒

遠瞻樓春宴

春到樓頭二月中，南來新燕北歸鴻。倚欄笑共
佳人語，移席欣招好友同。簫管數聲吹柳綠，琵琶一曲亂桃紅。開簾依舊江山繡，百鳥歌聲趁晚風。
清越可喜

從軍行

霜天落木狂飈起，仗劍時登瀚海樓。戰士營中寒簫築，美人帳下怨箜篌。千山雲映刀頭雪，一路風傳塞外秋。孤鴈橫空驚野火，關心何處不生愁。
寫軍中聲聞絕慘

劍客

翩翩俠氣走天涯，祇辨恩讐不問家。來往長懸三尺水，酒闌抽看落霜花。
天翻自許

初秋

芙蓉初發一枝紅，塞外征書有鴈通。閨裏驚心無奈處，碧梧斜照月明中。

天翻以金吾坐談風雅一時士大夫皆樂與游虞山陳子壽既傳其人矣錢牧齋先生復

殺其詩稱其元本性情芟除偽體幾幾乎位
天翻于元白間也予又何以贊之哉
朱 璆 遠公 錢塘人所著有泛香亭詩

重宿昭慶寺感舊

重來湖上憶繁華。但有殘粧似若邪。
磬引僧扉撐老樹。月深荒苑臥寒花。
孤山不斷清禽唳。短劍空留賣酒家。
惆悵止成今昔恨。何人倚檻續琵琶。

九日集樓桑館得庚字

連朝風雨暗山城。高譙還留此日晴。
歌詠難教

刪酒伴登臨不自覺。愁生百年寒水喧。
幽瀨片席秋山變。暮楹把看茱萸携手坐。
砌蛩簾月倍含情。

別宮用北上

檢束奚囊覺別輕。風林瑟瑟撼秋聲。
難羈白馬霜天路。空戀紅顏酒暈生。
意氣一身堪自許。川原何處不關情。
庭前未了黃花約。磧裏隨看緩轡行。

過淮

詩持二集
祇怨無錢買隱山。勞人車馬汝淮間。身閒若遂
湖南臥。五月荷風不厭寒。

翁白未青福唐人

送魏惟度北上

連朝飛雪向長安。短褐裝綿畧禦寒。書檢昔年
剛一束。鉞携上國莫三彈。聞鐘北固舟初度。灑
酒長江月未殘。祇恐牢騷刪不盡。梅花愁傍馬
頭看。

吳星若曰翁魏最稱莫逆故送行之詩
悲壯如此若移贈他人則不稱

詩持二集卷之四

終

